

А. Н. КАРМАНОВА

7-өд класслы

«Коми кыв»

велөдчан небөг дінө



МЕТОДИКА

ИНДӨДЪЯС

БК 24
ББК 24.008.02-001.2

А. Н. КАРМАНОВА

7-öd класслы

**«Коми кыв» велöдчан небöг динö
МЕТОДИКА ИНДÖДЪЯС**

Лэдзöма

*Коми Республикаса йöзöс велöдан
министерство индöd серти*



**Сыктывкар
2013**

ББК 74.268.19=664.2
К 24

А. Н. КАРМАНОВА

*Велöдысьлы отсаян небöгсö дасьтöма
Коми Республикаса велöдчöм сөвмöдан институтын*

7-öд класслы «Коми кыв» велöдчан небöг динö
методика индöдъяссö видлалісны да донъялісны:

Пунегова Г.В. – филология наукаса кандидат

Лудыкова В.М. – филология наукаса доктор

Карманова А.Н.

К 24 7-öд класслы «Коми кыв» велöдчан небöг динö методика индöдъяс. – Сыктывкар: ООО «Анбур», 2013. – 144 л.б.

ISBN 978-5-91669-122-1

ББК 74.268.19=664.2

ISBN 978-5-91669-122-1

© Карманова А.Н., 2013

© Оформление. ООО «Анбур», 2013

ВОДЗКЫВ

Коми кыв уджтасын грамматикаысь морфология юкӧн индӧма велӧдны 6-ӧд да 7-ӧд классъясын. 6-ӧд классын урчитӧма велӧдны нима кывсикасьяс, а 7-ӧд классын – кадакыв, кадакыв вежлясян формаяс да отсаян кывсикасьяс; велӧдны вӧдитчыны наӧн кызд вомгора сёрниын, сідзи и гижӧда стильясын.

Кадакыв медся озыр грамматика категориясӧн. Найӧ медся бура тӧдчӧдӧны-петкӧдлӧны коми кывлысь агглютинативнӧй типсӧ.

7-ӧд классын велӧдчысьяс тӧдмасыны кадакывлӧн наклонение, залог категориясӧн. Велӧдчан небӧгас найӧс тыр-бура гӧгӧр-воӧдӧма, вайӧдӧма колана, лӧсялана уджъяс. Кадакывъяс велӧдигӧн петкӧдчӧ ыджыд позянлун озырмӧдны челядьлысь сёрнисӧ уна вежӧртаса кадакывъясӧн: унавежӧртаслун медся ёна сӧвмӧма коми кывйын кадакывъяс пӧвстын; кадакыв-синонимъясӧн да с.в.

Кадакывъяслысь морт, лыд формаяс видлалигӧн быть колӧ тӧдчӧдны, мый найӧ артмӧдӧны ӧти состава сёрникузя сикасьяс: морта, ӧтувтана морта, морттӧм, стӧчмӧдтӧм да с.в. Синтаксис велӧдигӧн челядьлы кокныдджык лоӧ торйӧдны тайӧ сикасьяссӧ.

Кадакывкӧд топыда йитчӧны шӧркыв (причастие) да ногакыв (деепричастие). Медводз колӧ тӧдмӧдны коми терминъяснас, кызди найӧ артмӧмаӧсь. Шӧркыв терминыс петкӧдлӧ, мый кывйыс йитчӧ и кадакывкӧд, и кывбердкӧд, мыйӧнкӧ лӧсялӧ кадакыв дорӧ, мыйӧнкӧ кывберд дорӧ. Та вӧсна велӧдчысьяс шӧркывсӧ тшӧкыда сорлалӧны кывбердкӧд. Ногакыв збыльвылас абу жӧ ашӧр кывсикас (шӧркыв моз жӧ). Сийӧ быть йитчӧ кадакывкӧд да петкӧдлӧ действие мунанногсӧ, сы вӧсна тшӧкыда сорлалӧны кадакывбердкӧд (урчитанкӧд, наречиекӧд). Тайӧ небӧгас пыдисянь лоӧ видлалӧма тайӧ кывсикасьяссӧ.

Кывсикасьяс велӧдигӧн колӧ тшӧкыдджыка сувтӧдны проблемнӧй юалӧмъяс, шуам: кутшӧм ӧткодь грамматика категорияс эмӧсь эмакывлӧн да кадакывлӧн, кызди найӧс петкӧдлӧма? Мыйӧн

торъялө морт категория эмакывлөн, нимвежтаслөн да кадакывлөн? Мыйон торъялө лыд категория эмакывлөн да кадакывлөн? Позьё-ё тодмавы эмакывлысь лыдсё кадакыв лыд форма серти да с.в.

Небөгсьыс велёдысь аддзас кадакыв да мукөд ашөр кывсикасьяс велёдан туйвизьяс, а сіджжө отсаян кывсикасьяс торйодны велёдан индөдыяс. Небөгас пыртёма-вайөдёма б-өд классын велөдөм нима кывсикасьяс йылысь мөдпөлалан уджьяс, сёрни сөвмөдан уджьяс.

Выль велөданногыяс пиысь велёдысьяслы лои вөзйёма сідз шусяна «проблемно-диалогвөй» технология. Сийө сетө позянлун ышөдны велөдчысьяссө ёнджыка аслыныс зильны велөданторсө бурджыка гөгөрвоны, ашөра корсьны вочакыв проблемаа юалөмьяс вылө. Петкөдлөма, кызди выль тема велөдигөн төдчөдны проблемаыссө, кызди сёрни нуөдөмын отсавны гөгөрвоны урок темасө, кызди чуйдөдны челядьёс выль тема велөдөмас.

Мөд тшупөдын велөдчысьяслы колө индөм мытшөдыяс вылас ашөра либө велёдысь отсөгөн корсьны-аддзыны вочакывсө да разны мытшөдыяссө. Вочакывьяссө велөдчысьяс вермасны аддзыны небөгсьыс, велөданторсө гөгөрвоөдөмсьыс либө торья уджьясысь. Быд пөрийө велёдысь сетө ыззьөдан, мөвпавны көсийөдан юалөмьяс, шуам: Мый тиянөс чуймөдис? Мыйла тайёс колө велөдны, төдны? Кор позьё вөдитчыны? Кызди торйөдны? Мый колө содтыны? Кутшөм кывкөртөд вөчинныд? Лөсялө-ё сийө небөгас төдчөдөмыслы? Кутшөм юалөмьяс көсьянынн сетны ёртьясыдылы? да с.в.

Пасйөм методыс велөдчан небөгас уджалө жө. Сыысь кындзи сэтчө пыртёма мукөд сикас велөданног, шуам: проекта, туялана да с.в., кодьясөс велөдчысьяслы позьё вөчны өткөн, параён, котырөн.

© Гарнизон А.П., 2013
© Оформление ООО «Анбу», 2013

© Гарнизон А.П., 2013
© Оформление ООО «Анбу», 2013

© Гарнизон А.П., 2013
© Оформление ООО «Анбу», 2013

© Гарнизон А.П., 2013
© Оформление ООО «Анбу», 2013

6-өд КЛАССЫН ВЕЛӨДАНТОР МӨДПӨВЪЁВТАН УДЖЪЯС

НИМА КИВСИКАСЪЯС ЙЫЛЫСЬ МӨДПӨЛАЛАН УДЖЪЯС

- Лыддыны да висътавны, мыйён аслыспөлөс сетём кив-
бур юкёныс кивсикасъясөн вөдитчём серти?

Гожём шөр

Вашка ю –

пөлөзничайсь на лөзджык,
кунваысь на шоныдджык.

Өшинь улын

рудзөг му –

шөри потёма векни пода туйён,
көмтём коктө сотысь-чишкалысь
туйён.

Томось на ай-мам.

Выль керка-пывсян.

Выль пыж. Выль юкмөс – струба.

И бара –

выль гожём шөр ...

Со тайё и эм

менам муса Челядьдырөй.

Г.Бутырева

- Висътавны, өткодь-ө киввор вежөртасыс да грамматика ве-
жөртасыс параён сетём кивтэчасъясылөн.

Ведрa ва – ва ведра, пөльлы козин – пөльлөн козин, сир че-
ринянь – сирысь черинянь, челядь паськөм – челядьлы паськөм,
пу кырсь – пу тасьтi, ва войт – войт ва, тшак чуман – чуман тшак,
турун додь – додь турун.

- Пыртны сетом сёрникузяясас скобкаса кывъяссө колана формаын.

1. Друг со ... тыдовтчис Пельсы вотослөн (сё роз). (*В.Лыткин серти*) 2. Вежсисны вöрын (став пу). 3. Гоз-мöдысь чöвтлис (вит вугыр) ваас Микаль. 4. Вит-ö-квaйт (олысь) сöмын и колис Сімдор сиктын. 5. Некымын дозмөр (койт) шызьöдiс Татiлок увтчöмнас. (*И.Торопов*) 6. Унакодь (шор) ковмис вуджны кыйсьысыяслы. 7. Уна-уна пысьтö (шор), Лымйыс öдйö сылö. Пуяс вылын потö (кор), Гөгөр (лэбач) сьылö.

- Лыддыны да индыны кыв формаясөн вöдитчöмын торкөмъяссө.

Библиотекаын сёрни

– Видза оланнэд! Ми дасьтысям коми литература рыт кежлö. Колöны коми гижысыяслысь небöгъяс.

– Коми небöг уна. Гижысыс уна жö. Тянлы колö тöдны, дерт жö, Михаил Лебедев, сылөн мөд ним – Юсь, Василий Лыткин (Илля Вась), Виктор Савин (Нёбдинса Виттор), Вениамин Чисталёв (Тима Вень)!

– Ми велöдiм сöмын Тима Веньлөн «Настук» оперетка да Нёбдинса Витторлөн «Райын» теш. Мый содтöд позьö лыддыны?

– Босьтöй Илля Вась мойдьяс либö «Мунöны» поэма, либö кывбурьяс. Тима Веньлөн «Трипан Вась» висьт.

- Лыддыны да индыны, көни быть колöны морта-индана **-ыд, -ыс, -тö, -сö** суффиксыяс.

1. Кутшöм лэбач, сэтшöм и сылан. 2. Видлалöй сетом сёрникузя тэчас серти. 3. Йöрапикöд ноксысь Ваньö кылис тайö лыйöм шыяс. (*И.Торопов*) 4. – Эн скöрав, Татiлок... Мый миянлы ошсысь? Мед олö... Йöра сюв абу жаль миянлы ни. Пöттöдзыс сёяс и водзö мунас аслас туйöд. (*И.Торопов*) 5. Чери кыйысыяс син оз вештивны табьяс выдысь, чери талун омöля сёйö. 6. Татшöм небöг менам эм жö. 7. Медводдза коми анбурсö лöсьöдiс Перымса Степан. 8. Иван Куратовлөн кывбурьяс ёна кажитчöны меным. 9. Сэтшöматö пессис да, ёна кынöм сюмалöма Татiлоклөн. Ваньö видзöдö пон вылö, кывзысьö, и медматысса морт дiнö моз шоналö сёлöм, быттьö дедуш дiнö моз жö.

- Индыны, мыйон лооны торйодом кывьясыс сёрниын бергалан кытш сертиыс. Мыйон аслысполөсөсь? Кутшом кывкудйысь найос поэю адззыны?

1. Ен тэкод! Войтыр важ шогьяссө асьныс Зэв кокныыда тай, медбөр, вунөдласныс! (И. Куратов) 2. Кодыр (том йөз) разөдчасны Торйон, кодыр кинас Морта-мортсө динас Матө кыскавласныс. А өд некор асьныс оз и торксыывлыныс. (И. Куратов) 3. Быдтор ме веськыда висьтала талун! Ай-мамыд вөлісны надзөсь и скөрөсь. Ныв-пи эз вельмывны сэтшөма налөн. (И. Куратов) 4. Көні, көні, көні? – Да тэ эн зэв повзы!.. Тэысь кындзи, сисыйөг, Некод мем оз ковзы! (И. Куратов) 5. Ассыд висьтав мем, Да ас межлысь нэм... Мортлысь вежа олөм, рөд, Аддза, тэ он төд. (И. Куратов) 6. Кыакөд кай садьмис нін, Радліг тулысса лун вылө. (И. Куратов) 7. Тут кө синмөй бердас, Кодкө, гашкө, вердас. (И. Куратов) 8. Збыльысь, сабрион шуоны Аркадий Ивановичлөн сиктын зорөдтө. Көть эськө карсянь и абу ёна ылын, но мөд ногаджык нин тани, Улыс Эжбабердса сиктын, сёрниыс. И кураныд абу куран, а нарман. И тасьтыд абу тасьти, а бекар. И паньыд абу пань, а лөшка. (И. Белых) 9. – А көні нө көзяиныд? – Сыа эстөн, чом саяс. Начкысьө. Час войөдла. – Да ме ачым, колөкө, – вөйыысис Латкин. – Аддза өд. – Аддзан. А ми пызан карам. Өдльон! – Висьталіс Аким Ваньлөн гөтырыс. (Г. Юшков)

7-öd КЛАССЫН ВЫЛЬ ВЕЛӨДАНТОР

КАДАКЫВ ВЕЛӨДӨМ

7-öd классын виль велөдаторйөн лоө кадакыв, сылөн грамматика формаясыс. Велөдысылы медводз колө төдчөдны кадакывлысь коланлунсө, сёрни артмөдөмын аслыспөлөслунсө.

«Коми кыв» небөгын кадакывсө стөчмөдөма быд боксянь: сикасалөма вежөртас сертиыс, индөма морфология признакъяссө и сёрникузяын грамматика подув артмөдөмсө.

Кадакыв видлалігөн велөдысь сувтөдө ас водзас татшөм могъяс:

- велөдны челядьөс торйөдны кадакывсө, сылысь формаяссө мукөд кывсикасысь;

- төдчөдны кадакывлысь коланлунсө;

- төдмөдны кадакыв грамматика вежөртасьясөн да найөс петкөдланногөн;

- петкөдлыны кадакыв формаяслысь сёрниын да гижөдын бергалөмсө;

- кыпөдны, вынсьөдны кадакыв формаясөн вөдитчыны кужөмсө;

- озырмөдны челядьлысь кывворсө: кадакыв системаын та вылө позянлуныс зэв ыджыд: медся бура петкөдчөны унавежөртаслун, матысвежөртаслун, паныдвежөртаслун да с.в.

Тайө могъяссө олөмө пөртөм вылө велөдчан небөгас эм подулыс: бура төдчөдөма шөр грамматика категорияссө, пыртөма лөсялана практической уджъяс: унджыкас колө кадакывсө сувтөдны қолана-лөсялана формаө, төдмавны вежласянногсө, торйөдны кыв вежлалан юкөнъяссө да с.в. Ичөт классьясын велөдөмторсө зумыдмөдан и джудждөдан-паськөдан уджъяс.

Велөдысь ачыс төдө, мый нөшта колө индөм могъяссө олөмө пөртөм вылө. Öд унджык челядьыс ичөт классьясын нин велалісны думышттөг торйөдны кадакывлысь кад, морт, лыд формаяссө, ин-

дыны найос петкөдлан суффиксыяссө. Сы вöсна велöдысьлы колö бöрйыны челядылысь вежöрсö вöрзьöдан, юр жугöдан, тöдöмлунсö джудждöдны көсйöдан уджъяс. Тайö небöгыс, гашкö, кодлыкö отсалас сэтшöм уджъяссö лöсьöдны-дасытыны.

Кадакыв мукöд кывсикасысь торйöдöм

Велöдысь вермас сувтöдны татшöм юалöмъяс:

- Мый петкөдлö кадакыв?
- Мыйла кадакывсö шуöны ашöр кывсикасөн?
- Мыйөн öткодъ кадакывйыс мукöд кывсикаскöд?
- Мыйөн торъялö кадакывйыс?
- Мыйла колöны кадакывъясыс?
- Ыджыд-ö кадакывъяслөн пайыс коми кывворын?

Кадакывъяссö велöдчысыяс вермасны сорлавны эмакывъяскöд, ногакывъяскöд, кывбердъяскöд, шöркывъяскöд, кодъяс артмöмаöсь кадакывйысь. Тайö кывсикасыяс вежöртас подулас ‘керöм-вöчöм’ вежöртас жö эм. Позьö öтчукöрын сетны торъякывъяс, сідз шусяна «отглагольнöйясöс» и вöчöдны татшöм удж.

- Висьтавны, эм-ö мыйкö öтувтанаыс тайö кывъясылөн? Мыйөн найö торъялöны? Мый серти тöдчö торъялöмыс?

Уджавны, кужöм, юан (ва), мыссьö, тшöктöм (оз ков), восьса (öшинь), колана (удж), көсйöмөн, визувтысь (шор), вугралігөн, пöдлалöм (öдзöс), гөрöм (му), (помавны) гөрöм, ытшкыны (видз), куртан машина, мөвпалö, кортöм (гöсьт), повтöм (морт), полöмла (тіравны), (чери) кыйигөн.

Велöдчысыяскöд öтув вöчны кывкөртöд: тайö кывъяссö öтувтö сійö, мый ставныс найö артмöмаöсь кадакывйысь, а сідзкö, шөр вежöртаснас лöö ‘керöм-вöчöм’, ‘действие’.

Кужöм, тшöктöм (оз ков), (помавны) *гөрöм* – эмакывъяс. Найö артмöдöны вежлög, морта-индана формаяс: *кужöм* – *кужöмсö, кужöмныс, кужöмлөн, кужöмлы*. На дорö вермöны йитчыны кывбердъяс: *зумьид кужöм, быдсикас кужöмыс* да с.в. *Колана, восьса, повтöм* – кывбердъяс. Найö йитчöны эмакывъяскöд, тöдчöдöны найöс, оз вежласыны. *Визувтысь, пöдлалöм, гөрöм* (му), *куртан* (машина), *кортöм* (гöсьт) – шöркывъяс и петкөдлöны

‘действие’ серти признак, оз вежласьны, сёрникузяын лооны тӧдчӧданпасӧн; *Кӧсийӧмӧн, вугралӧгӧн*, (чери) *кыйигӧн* – ногакывъяс. Найӧс позь торйӧдны **-ӧмӧн, -иг** суффиксьяс сертиыс, йитчӧны кадакывъяскӧд, тӧдчӧдӧны налыс муанногсӧ; *полӧмла* – кадакывберд, йитчӧ кадакывкӧд, тӧдчӧдӧ действие помкасӧ. Кадакывнас лооны *уджавны, мыссьӧ, мӧвпалӧ*. Найӧ петкӧдлӧны керӧмвӧчӧм, сылыс кадсӧ, мортсӧ, лыдсӧ. Сидзкӧ, кадакыв – ‘керанвӧчан’ вежӧртаса ашӧр кывсикас, сылӧн аслыссикас грамматика вежӧртасьяс, став кывсикассьыс торъялана формаяс, сёрникузяын лоӧ грамматика подув артмӧдан кывйӧн. Кадакыв босьтӧ зэв ыджыд тӧдчанлун сёрниын и гижӧдын. Велӧдыс вермас юавны:

- Кутшӧм кывсикасьяс медся коланаӧсь?
- Мыйла колӧны эмакывъяс? Кывбердъяс?
- Мыйла колӧны кадакывъяс?

Тайӧ юалӧмъяс вылас челядь вочавидзасны татшӧмсяма уджъяс вӧчӧм бӧрын.

- Сӧмын нима кывсикасьяс пыртӧмӧн лӧсьӧдны висьттор либӧ кывбуртор да висьтавны текст сикассӧ: «Тӧдса вӧрын», «Музейын», «Мыйла муса мем челядьдыр? (чужан сикт?)».

Видлӧг пыдди вайӧдам со татшӧмӧс:

Шондӧ улын менам чужанӧн.

Уличьяс, чукыль-мукыль туйяс,

Вежӧсь керкадорса пуяс,

Гажа нӧрыс нюмӧн тыр.

Матын гулыд ягыс,

Сэн сись кодь пожӧмьяс,

Багатыр кодь нияас,

Еджыд сарапана кызьяс –

Менам вунӧдлытӧмторьяс.

Тайӧ кывбурторьяс эмӧсь сӧмын нима кывсикасьяс. Найӧ отсалӧны артмӧдны ёнджыкасӧ серпаса висьт либӧ кывбур. Сёрникузясыс лӧдны либӧ ӧти юкӧдаӧн (составаӧн), либӧ кык юкӧдаӧн (составаӧн), кӧнӧ юӧрпас пыддиыс мунӧны кывберд, кадакывберд, но оз кадакыв. Текстас серпасавсьӧны пырся, вежласьтӧм признака овланторьяс, эмторьяс.

Водзӧ позь нӧдны татшӧм жӧ удж кадакывъясӧн.

- Сөмын вежласян формаа кадакывъяс пыртөмөн лосьодны кывбуртор либө висьттор и төдчөдны лоом текстыслысь аслыспөлөслунсө, воддза текстысь торьялөмсө.

Садьмыны, восьтыны (син), нюжмасьны, чеччыны, чеччавны, бергавны, кокчунавны, пасьтасьны, көмасьны, мыссьыны, дасьтыны, нурьясьны.

Теманас вермас лоны «Мый ме вөча быд асыв», «Мый вөчөны лэбачьяс тулысын (арын)» да с.в. Челядылысь юавны: – Позьё-ё серпасавны сөмын кадакывъяса текстын висьталанторсө? (Кадакывъясыс петкөдлөны өдйө вежласян керөм-вөчөм, сы вөсна он вермы өти серпасын петкөдлыны.)

Кадакывъяслөн вежөртас

Кадакывъясөн петкөдлан керөм-вөчөмыс уна сикас. Найёс позьё юклыны чукөрьяс вылө, көть и став кадакывйис вочавидзёны **мый вөчны?** юалөм вылө. Керөм-вөчөм сикасыс ёнасө оз төдчы кадакыв вежласянног вылас, но төдчө кадакывкөд йитчысь эмакыв форма вылас, шуам, керан вежлөга эмакывъяс йитчөны **стөч керөм** петкөдлысь кадакывъяскөд: *кыны кепысь, кыйны чери*. Татшөм керөмьяс помсьыс мыйкө артмө, лоө, а вөчысьнас лоө ловья лов, коді веськөдө керөм-вөчөмсө мөд эмтор вылө. Тайё вежөртас сертиыс да керан вежлөга кывьяскөд йитчөм сертиыс кадакывъяссө шуёны **вуджанаён**. Торья суффиксьяс налөн абуось. Мөд чукөрө пырысь унджык кадакывйислөн керөмыс оз паськав, оз вудж мөд эмтор вылө. Найё оз вермыны босьтны ас дорас керан вежлөга кывьяс и лооны вуджтөмөн.

Сідзкө, торьялөны:

1) стөч керөм-вөчөм петкөдлысь кадакывъяс: *пуны рок, лэптыны керка, гартны гез, вурны дөрөм, пөжавны нянь, гудравны сөй, кисьтыны ва, лысьтыны мөскөс* да с.в.

2) инысь инө ветлан-мунан, ин вежөм петкөдлысь кадакывъяс: *мунны, петны, локны, котөртны, кывтны, вешйыны, лэбны* да с.в.

3) сёрни нуөдөм, шы сетөм петкөдлысь кадакывъяс: *сёрнитны, висьтавны, мойдны, шөпкөдны, кывбөритны, юөртны* да с.в., кодьяс паныдасьлөны став сикас стияс, кутөны нейтральной рөм. Йөзкост сёрниын бергалөны дивитан, омөльтан, кедзовтан,

сералан рёма кадакывъяс: *сёрны, больгыны, тарзьыны, нурбыльтны, дольны, рокыны, броткыны* да с.в. Шы сетан вежёртас кутёны: *кёкны, увтны, руksыны, гёрдлыны нявзыны, баксыны*, а сідзжё ловтёмторьяслысь шыалёмъяссё петкёдлысь кадакывъяс: *дзуртны, кышакывны, тёткыны, шувгыны* да с.в.

4) мортлысь аскылём петкёдлысь кадакывъяс: *висьны, бурдны, нёрпавны, лапавны, пёдны, кызны, нюмъявны, радлыны, шогавны, бёрдны, бурмыны, серавны* да с.в.

5) ловья да ловтёмторьяслысь торья инын положениесё петкёдлысь кадакывъяс: *пукавны, куйлыны, сулавны, ошавны, троньвидзны, зарвидзны* да с.в.

Коми кывйын зэв ыджыд чукёр артмёдоны серпасалан кадакывъяс, кодьяс чужтёны морт вежёрын керём-вёчём йывсыс уна сикас образ, тёдчёдёны керёмыслысь петкёдчанногсё: *дуньгыны* 'горша, уна юны', *кургыны* 'лөня, бура овны', *арышитны* 'паськёдны син', *лётіктыны* 'өдва, мудзпырысь мунны', *шлпавидзны* 'нинём вётчтөг дыр пукавны', *шлывгыны, шуньгыны, жургыны, дзазгыны, шаргыны, варкыны* да с.в.

Татшём кадакывъяс костас эмось ловья ловьяслы и ловтёмторьяслы лёсялан керём петкёдлысьяс.

Коми кывворын эмось кадакывъяс, кодьяслён абу керысь-вёчысьяс. Найёс шуёны морттём кадакывъясён, нимтан вежлөгга кыв – подувпасыс налён оз вермы лоны. Татшём кадакывъяс сёрникузяыс лоё өти юкёда (состава) морттём сёрникузяён: *Зэрё лунтыр. Асывнас руалис*. Найё петкёдлөны вёр-валысь петкёдчёмьяс: *лысваавны, ульруавны, ульдны, пужъявны*.

Велёдчан небөгас эмось уджъяс, көні тшөктёма торйёдны кадакывъяссё вежёртасьяс сертиыс. Коланлуныс таын эм, сы вёсна мый кадакыв вежёртасыс уна пёрйё век жё тёдчө вежласянног вылас: кодьяскё овлөны став грамматика формаас, кодьяскё оз тырвыйё вежласыны, кутшөмкё формаясын оз овлыны, шуам, вёрваын петкёдчан керём петкёдлысь кадакывъяс оз овлыны тшөктан наклонениеын, оз вежласыны морт серти, век сулалёны урчиттём III мортын. Кадакывъяслөн вежёртасыс ёна тёдчө сёрниын и гиждын наён вёдитчём вылас, шуам, серпасалан кадакывъяс бергалёны ёнджыка художества текстьясын, йёзкост сёрниын; уна вежёртаса кадакывъяс вермёны петкёдлыны некымын сикас

керём-вөчөм, шуам, **сёйны** кыв шөр вежёртасас петкөдлө стөч керём – *сёйны (шыд, рок), азыма сёйны; шогыс сійөс сёйис, гажтө мыс сёйө менө* тэчасьясын **сёйны** кыв кутө ‘состояние’ вежёртас; шондї лымсө сёйис сёрникузяын кутө вуджөдөм вежёртас, лоө метафораөн и лөсялө вөр-ваын петкөдчөм керёмьяс чукөрө; **шыбитны** кадакыв петкөдлө стөч керём (*эг шыбитны*) и морттөм керём: *менө пөсьө шыбитис* – мортлысь аскылөмсө; **шердйыны** (*шыдөс шердйыны*) кыв медводз петкөдлө стөч керём, ‘*өдйө мунны*’ вуджөдан вежёртасын – инысь инө вуджөм.

Кадакывьяслысь грамматика категорияссө видлалігөн вежёртас серти налөн аслыспөлөслун вылас лоө на сувтлөма.

Керём-вөчөм сикасыяс йывсыс челядькөд сёрни нуөдігөн позьө сетны татшөм уджъяс:

- Сетөм кывьяссыс торйөдны стөч керём петкөдлысь кадакывьяс. Висьтавыны, мыйөн найө торьялөны мукөдсыс, кутшөм керёмьяс позьө серпасавны?

Мөвпавны, вежёртны, шогавны, поткөдны, пеславны, гижны, узыны, весавны, вотны, вайны, ытшкыны, ошкыны, видзны, шөйтны.

- Лыддыны текстсө да висьтавыны, мый серти пөчиньыс керөмсө торйөдө, мый оз лыдды керөмөн и мыйла.

Сандра видзөдліс өшиньөдыс, гортас-ө суседкаыс. Пөрысь пөч нин, а пыр мыйкө ноксьө керка гөгөрас. «Со тай, гортас, час петала».

– Бур асыв пөчө! Мый нө талун вөчан, он тай вуджрась?

– Мыйкө тай кера-а: көзаөс лысьті, каньлы йөв сеті, пач ломті, а сэсся нинөм ог кер. Пукала лабичын, сэсся водыштла, мөвпала выль олөм йывсыс, шогала, бырны кутіс сиктным да, нинөм ог гөгөрво, мыйкө лоас-ө бурыс, сиа йөзыслы, мед оз дзикөдз лэдзчысьны. Важсө казьтыла, эг на вунөд нинөм... көсья на эськө гоз-мөд восө овны да.

- Торйөдны вөр-ваын петкөдчөмьяс серпасалан кадакывьяс. Эм-ө торьялөмыс вежласьөмас?

Пöльтны, төлавны, рөдтыны, ружтыны, дзизгыны, шуньгыны, ратшкакывны, шыльквидзны, бузгыны, шутьлявны, зарвидзны, дзоргыны, руавны, вазыны, тіравны, клёнөдны, грымгыны, тёпкыны, вежөдны, вижөдны, гылавны, болькъявны, шонавны, шондіавны, кымрасьны, ыркавны, дзольгыны, чольскыны.

• Бөрйыны «Мый ме вöчи гожөмын» темаа кадакывъяс да гижны висьгтор. Кутшөм вежөртаса кадакывъяс медся ёна ковмасны?

• Содтыны удж петкөдлысь кадакывъяссө быд чукөрө да висьтавны, кутшөм сикас удж найө отсалöны вöчны.

1) гөрны, пиняйтны....

2) ытшкыны, косьтыны, лёддзавны...

3) пожнавны, көтны, суктыны...

4) пөрөдны, увйыны, вольны...

• Висьтавны, төдчөдны торйөдөм кывъяслысь вежөртасьяссө сетөм кывтэчасьясас. Позьө-ө пыртны найөс öти чукөрө быд вежөртасын?

1. Уджыс **мунө**. Пывсян вылас став керйыс муніс. Уна шог сы вывті муніс. Челядь вөрө мунісны. Платтьөыс сылы мунө. Верөс сайө мунны. Шер мунө. Картупельыс корйө муніс. Пиыс батыслань мунө.

2. Арнад водз **пемдө**. Пөчлөн синмыс пемдіс. Кодзувьяс пемдісны. Пöрысьладорыд вежөрыд пондас пемдыны.

3. Гуө **усьны**. Йөз син водзын усьны. Арнас туйыс усис. Чиньд тэнад оз усь, сёрнитыштан кө мянкөд. Сюмөдыс усьө нин, позьө кульны. Лысваыс кыза усьөма. Тöлысьбыд зэр войт эз усь. Шорьяс усьöны юө.

4. Вöрысь **петны**. Этшысь петны. Юрысь ставыс петө. Пывсянысь петны. Туйө петны. Верөс сайө петны. Юыс берегсьыс петіс. Кыа петіс. Чирей петіс. Вой төв петіс. Серам петө. Ус-тош петіс.

«Коми кыв» небөгас эмөсь уджъяс, кодьяс зэв бура лөсялө ны кадакывъяссө керөм-вөчөм сикас сертиыс торйөдөм вылө, наөн вөдитчөм вылө.

Кывпод – кадакывлөн вежласьтём форма

Велөдчан небөгас кывпод йылысь тыр-бура төдчөдөма, став коланасө пасйөма-индөма. Велөдысь сувтөдө ас водзас медшөр могъяс петкөдлыны:

– кывпод формалысь артмөмсө;

– кадакыв мукөд формаяс артмөдөмын кывподлысь төдчан-лунсө;

– кывподлысь сёрниын бергалөмсө.

Позьё заводитны учебникас сетём удж вөчөмсянь, юавны:

– Мыйла колө вайөдны кывподсө вежласян формаын сетём кадакывъясылысь?

– Мыйла кывподсө шуөны вежласьтём формаөн?

– Мыйөн торьялөны сетём кадакыв формаясыс кывпод параяссыс?

– Мыйла колө кужны торйөдны кывподсө?

– Кутшөм формаын ёнджыка паныдасьлөны кадакывъясыс сёрниын?

Велөдысь кутө төд вылас, мый кывподыс лоө действие нимөн, кадакыв мукөд формаяслы подулөн, сыысь артмөны вежласян формаясыс: наклонение, залог, действие мунанног формаяс, а сіджө мукөд кывсикасыс. Сёрникузяын кывпод медся ёна петкөдчө юөрпас артмөдөмын, йитчө морта кадакывъяс дорө. Шуам, колө на олыштны, бура, совестьөн овны. Ашшөраён кывпод овлө зэв гежөда, ёнджыкасө действие вөчны тшөктём вежөртасын: *Ставлы кытшовтны зорөд местаяссө, кольём турунсө чукөртны!*

Кывпод оз босьт ас дорас морта-лыда суффиксыс, оз вежлась наклонение серти, оз кут кад вежөртас. Кадакыв кывдінсө торйөдны кужны позьё велөдны тшөктана наклонение серти, шуам, *мунны* кывподысь артмө *мун!* тшөктана форма. Сійө и лоө кывдіннас.

Пуксыны, пывсыны, велөдны, висьмыны, пышйыны, кыскыны кывъяслөн кывдіныс, сідзкө, *пуксы-, пывсы-, велөд-, висьмы-, пышйы-, кыскы-.* Тани петкөдчө кывподлөн «дженъид» да кузь кывдін, гласнөйтём да гласнөя, и **-ны** суффикс. Гласнөя кывдіныс паныдасьлө и соссяна II морта өтка лыда формаын: *Эн висьмы!* Согласнөй шысянныс заводитчысь суффикс водзын: *видчы-төг, чеччы-төдз.* Позьё висьтавны челядьлы, мый збыльвылас кывподлөн суффиксыс сөмын **-ны**, а **-ыны** суффиксса водзза **ы**

гласнõйыс – кывдінса гласнõй, важ кывпомса гласнõй. Сійõ кольõма кывдінса согласнõй тэчасъяс бõрын. Эм уна кадакыв, кõ-нi **ы** гласнõйыс абу кольõма кывдiна: *кывтны, нõйтны, гартны, кабыртны, ланьтны* да с.в. Виль кывъяс артмõдiгõн **ы** гласнõйыс усõ кывдiнсьыс, а тшõктан кадакывъясын мунõ суффикс пыдди.

Кывподсõ велõдчысъяс тшõкыда сорлалõны уна лыд вежõртаса **-ны** суффикса вежласян кадакывъяскõд, шуам, *ветлыны* и *ветлiсны, ветлõны – ветласны*. Та дырйи колõ видлавны кывъяссõ тэчас сертиыс. Челядь казяласны, мый кывподын **-ны** суффиксыс сулалõ кыввуж, кывдiн бõрын: *зр-ны, сет-ны*, сылõн эм вариант **-ыны**, кодi лои кыввужпомса **ы** шысõ **-ны** дорас йитõмысь: *пукты-ны > пукт-ыны*. Став вежласян формаыс тайõ кывйыслõн артмõ **пукт-** кыввужсьыс.

Уна лыда **-ны** суффиксыс содтыссьõ када, морта суффиксъяс бõрын, шуам, *пукт-i-с-ны, ветл-i-с-ны, ветл-õ-ны* да с.в. Кывподъяс торйõдõм вылõ позьõ вõзйыны татшõм удж.

• Сетõм кыв чукõрсъыс торйõдны кывподъяссõ да кадакыв вежласян формаысõ.

Кыпõдны, локтасны, висьталõны, повны, пасъявны, олiсны-вылiсны, пõдлавны, видзõдчõны, вõзйысисны, кõдзны, кõдзасны.

Йõзкост сёрниысь, художествоа гижõдъясысь челядь вермасны казявны кывподлысь **-ым, -ыд, -ыс, -тõ, -сõ** морта-индана формаыс. Та йылысь велõдчан небõгас весиг тõдчõдõма. Сидз, И.Куратов гижõдъясын паныдасълõны I морта, II морта суффикса тэчасъяс, шуам: Немкеригмоз õшинь дорõ Пукси войсõ видзõдным. (И.Куратов)

Абу сы серти; ме рам лои: тайõ уджысь мынным Абу шог мем. (И.Куратов) **-ым** суффиксыс лõсялõ ме нимвежтаслы.

Сандра, сьолõмшõрõй! Дõзмõдi и тэнõ. Сьõкыд õнi-й тэныд Мусавнытõ менõ. (И.Куратов) **-тõ** суффиксыс лõсялõ тэ морта нимвежтаслы.

Сьыланкывным Дженъыд сьывным: Гажтõмсõ ог сьылõ... (И.Куратов) **-ным** суффикс лõсялõ ми нимвежтаслы.

Индõм суффикса кадакывъясыс кутõны ёнджыкасõ индан вежõртас: Йõзыс пõ тай, он кõ сетчы, Эльтнысõ оз лысьтны воксõ! (И.Куратов) Урчиттõм морт вылõ индõны ёнджыкасõ **-сõ, -тõ** суф-

фиксьяс: Сьывнысö ставөн кужисны. Бура овнытö быдөн кöсйö. Лыддысьнысö ме ичöтсянь кужи. Вотчынытö Эжва сайö ветлам. Кöритана кыв эн тэрмась шунысö. (А. Ванев)

«Коми кыв» небöгын кывподсö синтаксис боксяньыс колананогөн жö сетöма, эмöсь и торъя уджъяс. Медводз, дерт, видлөгъяс вайöдöмөн колö тöдчöдны сёрникузя юкөдъяс пыдди муномсö. Позьö сетны татшöм юалöмьяс:

- Паныдасьлö-ö кывподыс сёрниын ашшöра?
 - Мый пыдди сёрникузяын сэки петкөдчö?
 - Кутшöм кывсикаскöд сйöс позьö орччöдны?
 - Кутшöм вежöртас кутöны ашшöр кывпода сёрникузяяс?
- Кытысь позьö адзыны татшöм сёрникузяссö.

Мед тайö юалöмьяс вылас челядыс кужисны вочавидзны, колö вайöдны колана видлөгъяс:

1. шусьöгъяс: Увланыд лэччыны – не вывлань кайны. Мунны мед эськö век тöv бöр, кывтны – ва кывтчöс. Нэм пом коллявны – абу потшöс вуджны. Овны да вывны, серавны да сьывны. Вöйны кö нин – Эжваö, а не няйт гöптö. Кор туйö петны, сэки и додь лöсьöдны. Бура уджавны – ылöдз нимавны. Тайö уджыд öд абу из сёртны. Кодаскö öтиас воны – попас либö дякас. Сейнытö öд абу рыныш вартны. Тэкöд öти кывйö воны – нель пуд сов сейны. Сйöс велöдны – ловпу нюкыльтны. Йöз кыд – сöмын шом куравны.

2) ышöдан-чуксалан тэчасъяс: велöдчыны – юр югдöдны, велöдчыны – мортгуй шедöдны, велöдчыны – син водз восьтыны, бура кывзыны – унджык тöдны, вöр-ва видзны – асьтö видзны.

3) тшöктан-коран вежöртаса сёрникузяяс: 1. Артыштны шөркодя, уна-ö кад ми видзам удж вылас да лöсьöдчöм вылас. 2. Талун ставлы посни пусö керавны, пöрöмасö орьöдлыны да бипурйö новлыны. (Г. Юшков) 3. Аски кежлö велöдны кывбурсö да видлавны тэчассö. 4. Талун зэв кöдзыд поводдяяс. Туйö петысьяслы шоныда пасьтасьны. 5. Гөсьтьяс воигкежлö тиянлы, пьян, пывсянö ва ваявны, нивьяслы джодж мыськавны. 6. – Но, благöслöви господи, да бура овны! – И окыштіс олöма нин ань кыкнаньсö, но зятьсö водзджык. (Г. Юшков)

4) вежласян кадакывъяс да кывпода тэчасъяс: 1. Лучкөвöй пила вылад менам вежöй эз пет. А видлыны видлі. Сöмын тай кужтöгыд дöзми сöмын: пышьялö, пинёва пырö пуад. (Г. Юшков) 2. Думыштны думыштіс Сандра, но нинöм эз шу, ни водзöсö юась-

ны эз кут, сөмын гусьон ышлолаліс. (Я. Рочев) 3. – Тэ, Федя, байтнытө байт, но эн вунөд видзөдлывлыны шатиньяс вылад. (И. Торопов) 4. Видзчысьнысө эськө видзчысим, но мый төд вылас ошкыдлөн, оз висьтав, уськөдчас дай. 5. Виднысө бать-мам эз видны куш кион воомысь, а век жө аслым эз вөв лөсьыд, өд пумон чери эг вай. 6. Чеччынысө чеччисны челядысь, но тэрмасыны эз думайтны.

Кутшөм кывкөртөдыяс вөчасны велөдчысьяс? Кутшөм вокакыв сетасны юалөмьяс вылас?

Кывпод коми кывйын зэв аслыспөлөс. Сійө тшөкыда паныдасьлө ашшөра: оз зависит подувпас формасыс. Паныдасьлө ёнджыкасө шусьөгьясын подувпас и юөрпас туйын. Сэки сійө матын -өм суффикса эмакывьяслы. Тшөктөм-корөм петкөдлан сёрникузясын кывподьясыс вежөртас сертияс лөсялөны тшөктан наклонениеа кадакывьяслы. Кывпода сёрникузясыс петкөдлөны вынөнджык тшөктөм и лөсялөны кыз йөзкост сёрнилы, сідзи и гижөд стильяслы.

Вайөдөм видлөгьясьсыс велөдысь бөрийө лөсяланаджыкьясьсө, челядылы гөгөрвоанаджыкьясьсө. Ашшөр кывподлысь аслыспөлөслунсө видлалөмыс сетас челядылы позянлун синтаксис велөдигөн кокниа пырөдчыны сёрникузя сикасьяс, сёрникузя юкөдыяс велөдөмө.

Кывпод тшөкыджыка паныдасьлө оз ашшөра, а мукөд кывьяскөд йитөдын.

Сэки сійө лоө пыр кык кывья юөрпасөн – составнөй глагольнөй юөрпасөн. Оти юкөныс вежласян формаа кадакыв, отсаян кадакыв, сы динө содтысьсө кывподыс. Велөдчысьяс вөзийөм видлөгьяс серти төдчөдөны, мыйла колөны отсаян кывьясыс и мый петкөдлө кывподыс. Велөдысьяс вермө сувтөдны татшөм юалөмьяс:

– Позьө-ө кызкө индыны кывподйөн петкөдлан керөм вөчысьсө, лыдсө, керан-вөчан кадсө?

– Кызди позьө тайө вежөртасьясьсө петкөдлыны?

– Кутшөм кывьяс лоөны отсаянаяснас?

– Кутшөм мог кутөны отсаян кывьясыс и кывподыс?

Видлөгьяс пыддиыс вөзьям кык юкөна юөрпасьяс туйын паныдасьлан тэчасьяс, көні отсаян кывьяснас лоөны кыввор вежөртассө воштөм кадакывьяс, кодьяс пөрөмаөсь грамматика ве-

жөртаса кывъясö, кывподтöгыс оз и овлыны. Кыкнанныслөн керöм-вöчöмыс лöсялö öти и сийö жö мортлы, ловъя ловлы, ловтöмторлы. Тайöс бура колö гөгөрвоодны велöдчысыясы, сы вöс-на мый вермö лоны мөд ног: öти кадакывнас петкөдлан керöмыс лöсялö öти мортлы, а кывподнас инданаыс – мөд мортлы. Татшöм кывподыс оз пыр юөрпасас, а лоö либö содтанпасөн, либö ногапасөн, либö тöдчöданпасөн.

Составной глагольной юөрпасъясын отсаян кадакывъяснас лоöны:

а) керöм-вöчöм заводитчöмсö, панöмсö, помалöмсö индысьяс: *пондыны, дугдыны, помавны, мöдны, кутны* да с.в.

б) модальной кадакывъяс, кодъяс петкөдлöны висьталысьыслысь керöм-вöчöм дорас отношениесö: керöм-вöчöм позянлунсö-позьтöмлунсö, коланлунсö-ковтöмлунсö, көсийöмсö-көсийтöмлунсö, чайтöмсö, кужöмсö-кужтöмлунсö да с.в.: *ковны, поэны, радейтны, көсийны, кужны, чайтны, вевъявны, вермыны, видлыны, зильны, повны, яндысьны*.

Позьö вöзйыны татшöм уджъяс:

• Содтыны лöсялана кывподъяссö да пасйыны юөрпассö.

1. Кодзувъяс пондiсны ... 2. Лёшмытöдз лои ... тшыкөдöм туйöдыс. 3. Васька коколюкаөн пондiс ... пöжалöм картупельсö, ... кышсö, ... тшын сора көрсö. 4. Дугдiс сэсся ... чериыс тыясысь. 5. Öддзис сэсся юыс ... да ляпкыда нин колис сьöрт вылас. 6. Помалiс нин ... Пиок Витеньыс, вöжжисö нин вöли калябечалö ужыслөн сермодас. 7. Дэльöдана сувтiс бокша да кыйялыштiс на Васька, мый кутас Пиок Витеньыс ... (Г.Юшков)

Кывподъяс: *öддзыны, лолавны, чусавны, кусавны, доддясны, кыскавны, шедны, ямны, вöсьлавны, вöчны, тапиктны*.

• Индыны кывподсö, юөрпассö.

1. Оз нин ков, нылукъяс, оз, оз нин ков, мусаяс, сывнысö тайö! (В.Чисталёв) 2. Ыджыд керка гажа нöрыс йылын Тима Веньлөн Эжва йылын эм. Юлөн гыяс, тöвлөн бордъяс вылын Көсийс вуджны танi мича нэм. (В.Лодыгин) 3. А ывлаас рыныш вомöдыс Васька дыркодь на эз лысьт видзöдлыны. 4. Колис на детиналы кытчökö дзесъывны, а кытчö дзесъян, рынышас кө он пыр?

(Г.Юшков) 5. Но шунысö мыйкö Васька эз на вермы дзугылысла да полöмысла. (Г.Юшков)

- Торйöдны вöчны поэяна да вöчны поэтöм керöм-вöчöмь-яссö. Гөгөрвоодны вежөртассö.

пожйөн	ва новлыны
	пызь пожнавны
майög	ёсьтыны
	йылö ва катлыны
тшупны	кер
	нырö
пур	кылöдны
	костысь ва койны
йикиён	виньдыны
	син тыртны
жель	перйыны
	оз бергöд
гуг и бан	видлавны
	тöдны
ва	вомас кымöма
	ведраас кымöма
ныр	бурдöдны
	нюжöдны
пу	вылысь лэччыны
	йылысь тури висьтавыны
са	керкаысь керкаö новлыны
	весавны
видзöдны	öшинь пыр
	ва пыр
пуктыны	кудйö
	кымөр костö

Уна пöрйö кывподйыс йитчö тырвыйö вежöртаса кадакывъяс дорö и тöдчöдö вежласян формаа кадакывйöн петкöдлан керöмыслысь могсö, стöчмöдö керöм-вöчöмсö. Сэки кывподыс лоö либö ногапасöн, либö содтанпасöн. Эмакыв дорö йитчысь кывпод лоö тöдчöданпасöн. Сетöм видлөгъясысь велöдысь вермас бöрйыны бурджык сёрникузяссö, абу быть ставсö вöчöдны. Водзö вылö татшöм уджыс кокньодас синтаксис велöдигöн.

1. Аскинас, коркö лун шөр гөгöрыс, Лидия да Васька воисны Емдинö. Пес босьтны сувтліс пароходыс. 2. Виччысьлыны пуксисны Исаневöс, кодi шуис, час пö ме вола жö. 3. Вот-вот кыркötшö воас Энь юыс, и восьтыны тшöктіс Исанев запаньсö. 4. Тайö төвса сезон вылö ме кырымалі договор Кокадса вөрпункткөд – пөрöдны 5000 кубометр бур качествоа вөр. 5. Васька öтчыд на и локтіс капкансö видлыны и на тэныд, дай ыджыд ай руч, зарни гöна, морöсыс еджыд, бöж йылыс кодь жö 6. Васька мөвпыштіс, пуктыны-ö капканъяссö гуранас. А, гашкö, пуктывны öтикöс, мый сэсса петкөдлас. 7. Лэччис Васька пөрöдчынысö да вой куим-ö-нёлэ эз петкөдчыв чом дінас. 8. Вылыс катище вылын Васька отсаліс Лидиялы кыпöдчыны кер тыра трактор додь вылö: водзджык ачыс кайис. 9. Коркö топöдліс пиласö да, Васька видзöдлыны пуксис, лöсьöдны бөр рөзводсö, а Кальö Колялы индіс керавны понöльсö нинöм вöчигмоз. (*Г. Юшков серти*)

• Лöсьöдны висьттор татшöм темаяс вылö: «Кыдзи пöжавны картофеля шаньга?», «Кыдзи пöжавны нянь тупöсь?», «Кыдзи дасьтысьны вөрö мунны?», «Кыдзи дасьтысьны школаö мунны?», «Кыдзи дöзьöритны град йөр?», «Кыдзи видзны томлун? (дзоньвидзалун?)» Кутшöм формаа кадакывъяс ковмасны?

• Содтавны лöсялана кадакывъяссö.

– Мый тэ кöсьян ... талун?

– Ме кöсья ...

– Тэ верман ... миянö рытнас?

– Ог, меным колö ...

– Позьö меным ... тэнсьыд коми кывсьыд тетрадьтö, ог куж ...

– Полан ... класс водзад

– Бара пондін ... менö

– Урок вылад зіль ... ставсö, мед гортса уджтö верман ...

Кадакывъяс: янавны, вöчны, керны, лыддыны, велöдны, гижны, волыны, пыравны, босьтлыны, серпасавны, торйöдны, кывзыны, гөгөрвоны.

Кадакывлөн вежласьöм, вежласян формаяс, налөн шөр грамматика признакяс

Наклонение вежортас велöдöм

Наклонение категория тöдчöдöмсö челядьлы абу зэв кокни гөгөрвоны. Наука грамматикаын да велöдчан небöгъясын сы йылысь понятиеыс зэв абстрактнöй. Велöдысь зильö кокниа, гөгөрвоана восьтыны наклонение вежортассö. Та вылö позьö босьтны учебникысь удж, көнi орччöдöма юöртан да тшöктан наклонениеа кадакывъяса сёрникузяссö и панны сёрни:

– Кутшöм сёрникузясын висьтавсьö-юöртсьö, мый керöмыс вөлöма збыльвылас?

– Кутшöм сёрникузясын висьталысьыс сöмын тшöктö-корö мыйкö вöчны?

– Мый серти тайö тöдчö? Кутшöм формаынöсь кадакывъясыс?

– Кутшöм формаын нöшта вермöны лоны кадакывъясыс орччöдан сёрникузясас?

Сидзкö, колö-ö торйöдны наклонениесö кызд грамматика категория? Велöдысь кывкорталö сёрнисö, челядьлысь висьталöмсö, мөвпъяссö, стöчмөдö-содтö коланасö. Медводз тöдчöдö, мый наклонение терминсö босьтöма рочысь. Роч кывйын сийö оз бура тöдчöд вежортассö, понятиесö тайö грамматика категорияыслысь. Коми наука грамматикаын наклонениесö шуöма **сёрнитанног** терминöн. Юöртан да тшöктан наклонениеа кадакывъяс збыльвылас торъялöны висьталан-шуаланногнас. Но тайö признакыс ёнджыка лöсялö горöдана да абу горöдана сёрникузяс торйöдигөн. Велöдчысьяслы позьö вöдитчыны кыкнан терминнас кызд синонимъясөн. Наклонениеясыс колöны сы вылö, медым мортыс сёрнитигас эз сöмын нимтав-шуав действиеяссö, но и донъялис найöс, збыльвывса олöмыскöд йитис (вöчсьö-ö керöмыс öнiа кадö

либõ вõчсис нин, либõ лоõ на вõчõма), а, гашкõ, керõм-вõчõмсõ мортыс сõмын кõсийõ, мыйкõ корõ на сõмын керны-вõчны, но сийõ вермас и не лоны, абу на збыльвылас. Сидзкõ, позьõ шуны: наклонениеыс тõдчõдõ керõмыслысь могсõ. Сы вõсна и синтаксисын юõртан наклонениеа кадакывъяс артмõдõны медводз юõртана сёрникузяяс, а тшõктан наклонениеа кадакывъяс – чуксалана сёрникузяяс.

Юõртан наклонениеа кадакывъяслõн керõмыс мунõ õня, колян да локтан кадõ. Сийõс вермõ вõчны ловья и ловтõмтор: висьталысьыс, кывзысьыс, кодкõ мукõд. Юõртана наклонениеыс петкõдчõ кад, морт, лыд формаясысь, топыда йитчõма тайõ категориясыскõд. Аслас торья суффиксыс абуõсь. Юõртан наклонениеа кадакывъяслысь вõчтõм, вõчсытõм, вõчны позьтõм керõмсõ петкõдлõны сосыана мортасян кадакывъяс (**ог, он, оз; эг, эн, эз**) шõр кадакывйыскõд. Мукõддырийыс юõртан наклонениеа кадакывйыс шусьõ аслыспõлõс шуанногõн и босьтõ тшõктõм-керõм-чуксалõм вежõртас. Татшõмыс овлõ **мед, вай** кывторьясõн вõдитчигõн. Сы вõсна велõдчысыяс вермасны сорсыны и лыддыны найõс тшõктан наклонениеа кадакывйõн. Кõть и позьõ найõс вежны тшõктана кадакывъясõн, век жõ оз ков пыртны тшõктан наклонениеа пытшкõ: налõн формаыс лõсялõ юõртанылы. Тшõктан-коран-ышõдан вежõртастõ вермõны босьтны и кывподьяс, вежласян формаа кадакывъяс, кодьяс шусьõны тшõктана шуанногõн. Со видлõгьясыс.

1. – Тi тани корõсьнытõ вундыштанныд (вундыштõй) да мый да, а ме сэккостi и вола, – шуõ гõтырыслы Вась. (*В. Чисталёв*)
2. – Шудаа вõравны-кыйсыны (кыйсьõй-вõралõй)! 3. – Шудаа нянь уджавны (уджалõй) ... (*В. Чисталёв*) 4. Мед ачюд петалин (петава) валаыс, кагасõ мõдõдан.

Тшõктан наклонениеа кадакывъясõн висьталысьыс шыõдчõ сёрни ёрт дорас, тшõктõ керõмсõ збыльõн вõчны либõ дугõдõ керõмсõ, оз кõсийы, мед вомъёртыс мыйкõ вõчис. Тшõктан наклонениеа кадакывъяс оз мортасыны и кад формасõ оз вежлавны, бергалõны сõмын II мортын õтка и уна лыдын. Ётка лыд артмõ кыввужйõн, мукõд кадакывйыслõн **-ы** суффиксõн, кодi лõбма кывдiнпомса **ы** шыысь: *ошкыны – ошкы, ветлыны – ветлы, пуктыны – пукты* да с.в.

Соссяна формаыс артмө II морта соссяна эн кадакывыйсь да шөр кадакыв тэчасысь. Сійөс челядь вермасны сорлавны I колян када II морта өтка лыда формакөд, шуам: *Пырин керкаас да некод вылө тай эн видзөд.* – Эн видзөд йөз вылас, ас юрөн ов. Та вылө быть колө кыскыны вниманиесө велөдчысьяслысь. Орччөдана сёрникузяяс подув вылын төдчөдны соссяна юөртана да тшөктана кадакывъяслысь торъялөмсө. Вайөдам өткымын видлөг. Тшөктыны челядьлы адзыны өткодь тэчасьяссө, висьтавны мыйын налөн өткодьыс и мыйөн торъялөны.

1. Сандра, эн тай висьтав, коді сьөлөм вылад воис. – Сандра, некодлы эн висьтав ассьыд гусятортө. 2. Ме тэнö чукөсті, а тэ эн весиг сувт. – Меным паныд некор эн сувт, мый көсья, сійөс и вөча. 3. Эн повлы тэ, батьө, сьө-кыд уджсьыд некор. Мырсин пыр мый вермин. – Уджсьыд эн пов. Уджыд на вердас-а. 4. – Тэ өд эн жө тай шогсьы. Ыкшаасин на ас вылад кө, өні мөд ногөн видзөдласны? (*Г.Юшков*). – Воштін – эн шогсьы, адзин – эн радлы. 5. – Тэ жө радейтан сійөс? – Да. – Вот и радейт, а эн зэлөд асьтө! – Эн зэлөд йисө да, кольтаыс киссис. 6. Эн скөрав, вирыд нөгыльтчас. – Ме вылө кө эн скөрав, отсалі эськө бара няньнад. 7. Эн кө кут борд-йөдыс, он нин кут гөнөдыс (шуд йылысь). – Эн кут каньписө киад, лэдз, мед котралө.

Тшөктан кадакывъяс тшөкыда бергалөны шусьөгьясын. Сэки найө петкөдлөны өтувтан вежөртас. Кутшөмкө керөм вөчны ышөдөмыс либө өлөдөмыс инмө уналы, лөсялө быдөнлы, шуам: *Мунігад кок пыдөснад мусө эн шонты.* Та вылө поэьө вөчөдны торья уджьяс.

• Сетөм шусьөгьясас содтавны лөсялан наклонениеа кадакывьяс. Шусьөгьяссө гөгөрвоөдны.

1. Этшаджык ..., да унджык 2. Бордтөгыд эн 3. Лыйтөм урөс эн 4. Медвылыс увйө эн 5. Сизимысь кор, а эн 6. Йөз пөзийө эн 7. Йөз паньөн эн 8. Медбөрья кывтө медводз эн 9. Кок ув вольөс туйө асьтө эн 10. Кор мунап пыжөн, сынысьыскөд эн

Кадакывьяс: *гусявны, вензьяны, кайны, лэбавны, сөйны, кульны, вөчны, сёрнитны, пуксьыны, шуны, пуктыны.*

Коми кывйын тшöкыда паныдасълöны зумыд кывтэчасъяс, кöни тшöктан наклонениеа кадакывйыс тшöктöмсö оз петкöдлы, тшöктöм вежöртасыс вушйöма, шуам:

1. Виччысь кöть эн. Нинöм оз ло! Сöмын тай часи Дас кыкысь тоньгас, Важ волысь шойсö Гу дорöдз коллялас. (*В. Чисталёв*)
2. Верд кöть эн кöинтö, сийö век вөрö видзöдö. 3. Висьтав кöть эн тянлы, йöюкъяслы, нинöм онö гөгөрвоий. 4. Велöд кöть эн том йöзсö бугра овны, тöлкыс абу. 5. Шу кöть эн, Васька, тэныд, ас ногыд век вöчан. 6. Юр вылас кöть майöг ёсыты.

Татшöм тэчасъяссö позьö аддзыны йöзкост сёрниысь, художествоа гижöдъясысь. Мыйöн найö лоöны сёрникузяясас? Мыйöн позьö вежны? Формаыс тшöктана наклонениелөн, а вежöртасыс юöртаналөн: *оз ков виччысьны, нинöмла виччысьнысö; кöть и вердан да с.в.* И лоöны найö юөрпасөн öти юкöда юöртана сёрникузясын.

• Лыддыны да висьтавны, мыйöн öткодьöсь и мыйöн торъялöны сёрникузясыс. Торйöдны веськыда тшöктöм петкöдлысь кадакывъяссö.

1. Узин эськö мянын, пемдö нин со. 2. Эн узьöй водз асывсö, энöй, Ывла югыдсö видзöдлам вайö. (*В. Напалков*) 3. Аттьö, Виктор. Тэкöд позьö ыджыд пур кылöдны. И лок ветлам мянö! – чуйдис Самарин. (*Г. Юшков*) 4. Но вот и велöдчан сийö уджас! – лöсьыда гарыштис Ревекка. (*Г. Юшков*) 5. Мича нывъяс, Эжва шöрас петамöй! Бурлак зонъяс, мöдлапöлас вуджамöй! (*В. Савин*) 6. Парпоньыд Семöлы шуö: Вай жö тэ Семö, гез босыт да Мегыртö кöртав, Рынышас пыр да сэтысянь кыскы, Лэбынөн тасянь ме йöткыны кута. (*В. Лыткин*) 7. Дöзмис нин Парпонь, Скöрмис и Семö... Ёрчыштис, шуö: – Омöля йöткан тэ, Парпонь, Вежсям вай местанад! (*В. Лыткин*) 8. Кодкö пусö кералöма, а тэ öтвечайт. 9. Тэ пувсö кисьтин, а ме чукöрт. 10. Öти кывйөн, вид кöть зуав, Кутшöм мортыд – мöд оз пет. Мед нö быдөн аслас руа, Сöмын мортөн вöли мед! (*Г. Юшков*) 11. Сиктса уджтö уджалас пö быдөн, – Быдты нянь и пуктасъястö вöдит, Ытшкыны и куртны-чöвтны куж, – Сиктсаыдлөн уджыс абу öти. (*Г. Юшков*)

Тшöктан наклонениеа кадакывъясөн вöдитчыны позянлунъяс йылысь быть колö панны торъя сёрни, юавны челядьлысь:

- Позьё-ё тшөктөмсө веськөдны ловтөмторьяслы?
- Вермас-ё висьталысьыс аслыс тшөктыны мыйкө керны?
- Кутшөм гижөдьясын быть колөны тшөктана кадакывьяс?
- Кыдзи позьё небзьөдны тшөктөмсө?
- Кыдзи петкөдлыны вежавидзана корөм?
- Пыр-ё тшөктана кадакывьясыс петкөдлөны тшөктөм-корөмсө?

Юалөмьяс вылас отсаласны вочавидзны татшөмсяма вид-лөгьяс.

I. 1. Тракнит медбөрьяысь, коса-й! Вольсав турун – небыд шөвк, Бертовт вынтө, мудзөм кийй, Медбөрьяысь сөтышт, өвт! (*В.Лыткин*) 2. Ывлавылын пашляк ковгө, лязвигтырйи дзуртө лым. Эзысь му выв, ов жө, ов жө! Гажөд, кодлөн сьөлөм пым. (*В.Лыткин*) 3. Югьд кодзув, петав, петав, Дзирдав, пөртмась вылісянь, Дзирдав рытъя кыа бөрын. (*В.Савин*) 4. Дзирдав жө, Коми му, коляоз дзоридзөн, Сьөлаоз синьясөн, Гөрд лежнөг цветьясөн! Быдмы жө Парма шөр коз, Кисьмы жө, керөс дор оз! (*В.Лыткин*) 5. Асья кыа, лэбач шыөн радлун сьөлөмьясө кы вай. Асья кыа, зарни асыв, югдөд паськыд мусө-васө. (*С.Попов*) 6. Зарни төлысьөй, висьтав гусьөн, менө радейтө али оз сийө, син водзө коді усьлө. (*С.Попов*)

II. 1. Нэмнас некытысь эз косавлы Васька дышысла ли полөмысла. А өні босьт да тасянь и бергөдчы! Лючки жө гортөдзыд воөдчы! – аскөдыс сёрнитиг водзө вөрзьөдчис Васька. Тэрма-сьышт, став вынтө чукөрт, рытъя рөмыдыс лэччыны нин кутіс. 2. өксинь тьөтөс садьмөдіс өшиньөд писькөдчысь шонді югөр. Повзьыштіскодь: узьсьөма тай. өксинь, вольпасьтө эновт, пестө пырт да ломты пачтө. Рыгнас колө вөлі лөсьөдны, да ставсө өд лоө аслым вөчны өтнадөн олігад: ватө пыртлы, скөттө идрав, керкатө пелькөд, куканьясыдлы турунтө ытшкы, мөстө вадорө вөтлы. Тайө асья удж. Луннас бара на эн көть и пуксьыв, керкаад көть эн и пырав: картофельтө мудйы, ёгтө нетшкы, каньыдлы черитө кый. Но ки-кокыд оз нин важ мозыс вөрны. Колө эськө эновтчыны ставсьыс да соседка моз карө лэччыны. (*И.Белых серти*)

- Позьё тшөктыны ашөра лөсьөдны да гижны кодкө дорө, мыйкө дорө шыөдчана текст, шуам, «Локтө тулыс» тема вылө татшөмөс: Ловзьөд, тулыс, шорьяссө, Ловзьөд

Парма вөр, Ловзьод сөстөм корьяссө, Ловзьод енэж шөр.
(А.Мишарина)

- Позьё вөйиыны мукөд тема, либө челядыыс асьныс бөр-йöны радейтана темасө, шуам, «Ылі туйө петөмаөсь юсьяс», «Асья кья», «Зарни төлысь», «Сетін кө кыв, мөд ног эн сьыв», «Медбөрья кывтө медводз эн шу» да с.в.

Тшөктан наклонениеө пыртöны сідзжө I морта уна лыда –**ам-ой** суффикса формаяс, кодьяс кутöны вежавидзөмөн корөм вежөртас. Сэки мыйкө вöчны корөмсө висьталысьыс веськөдө кодлыкө и аслыс тшөтш: *Пырам керкаас, бур гөсьт*. Либө уналы: *Петамөй зарни асывлы паныд!.. Зильөдчө, зельөдчө гожсөмыс тани*. Татшөм сёрникузясыс, унджыкыс, шусьöны тшөктан – коран – ышөдан шуанногөн, наын эмөсь шыөдчан кывьяс. Медым велөдчысьяс эз сорлавны I морта уна лыда юөртан наклонениеа формаяскөд, позьё вайөдны орчөдан сёрникузяс. Найөс видлалігөн-торйөдігөн юавны, кызди шусьöны-лыддысьöны, кутшөм юөртан могыс?

1. **Босьтам** көвтны мамлысь чышьян, Дырнос дорлань **мөдам**. Гумладорсянь өдйө **пышьям**, Туйсө сэтчө **төдам**. (В.Лыткин) – **Видлам!** Кутшөмкө йөй ёкыш Эз-ө вугыр самөс кокышт? – Йөрш шедөма – весыс пуд! (В.Лыткин) 2. Мед мичлуныс сылөн (ывлалөн) пыр син водзас йөзыслөн олө... Вайө жө **видзамөй** Сійө ми өнісянь! (В.Чисталёв) – Уна и чери ми талун **кыямөй**... Сөрөдз-сөрөдз **пукаламөй** бипур дорын. 3. Со тай Ош варгыльтө-локтө – Сылысь (Мизялысь) казялөма шогтө: «**Мунам** лов зеляля! Кылан! Туис босьт да пуксы вылам!» (В.Лыткин) – Со и петім Эжва шөрө. Сьөлөм ыркйө, кийө дзөрө: Гыыс ызгө, гыыс лөк... **Мунам** видз вылө кык вок. (В.Лыткин) 4. Энө узьөй, вокьяс, асывсө, энөй, Ывла югдөмсө видзөдам вайө. Чөскыд уннытө өтчыд көть венөй. (А.Мишарина) – Пукалам пөчкөд лабичын да **видзөдам**, кызди төлыс лымсө чайыс.

Тшөктан наклонениеа кадакывьяс йылысь велөдөмторсө позьё кывкөртавны татшөм юалөмьяс серти:

– Мыйла колöны тшөктана кадакывьясыс?

– Мыйөн торьялöны юөртана кадакывьясысь (вежөртас, форма, вежласьөм сертиыс)?

– Кыдзи позьö петкөдлыны веськыда тшөктөм, вежавидзана тшөктөм, сьөлөмсянь сиём, быть вöчны тшөктөм?

– Позьö-ö тшөктөмсö мукöд ногөн петкөдлыны? (тшөктан шуаннога юёртан наклонениеа кадакывьясөн, кывподён, II морта öтка и уна лыда кадакывьясөн).

– Кодлы либö мыйлы позьö веськөдны тшөктөмсö – ышöдöм-сö – сиёмсö?

– Кутшöм суффикса кадакывьяс пырöны сöмын тшөктан наклонениеö?

– Кыдзи позьö петкөдлыны тшөктөмсö соссьöм, мыйкö керö мысь öлөдöм? (эн, энö соссян кадакывьясөн).

– Кыдзи позьö петкөдлыны тшөктан да юёртан кадакыв формаяслысь торьялöмсö таблицаян?

Артмас татшöм таблица.

Тшөктан кадакывьяс			Юёртан кадакывьяс	
öтка лыд		уна лыд	өнiя кад	
			öтка лыд	уна лыд
ме	–	гижам (öй)	гиж-а	гиж-а-м (öй)
тэ	гиж	гижöй	гиж-ан	гиж-а-н-ныд
сийö	–	–	гиж-ö	гиж-ö-ны

Юёртан наклонениеа кадакывьяс велöдöм

«Коми кыв» небöгын юёртан наклонениесö тöдчöдöма-видлалöма тшөктана наклонение бöрын. И тайö зэв бура лöсялö: сöмын юёртан наклонениеа кадакывьяслөн тыр-бура петкөдчö-ны кад, морт, лыд вежёртасьясыс. Найö зэв топыда йитчöмаöсь, шуам, кадакывьяслөн морт вежёртасыс тöдчö наклонение да кад вежёртас да формаяссьыс.

Сёрникуза тэчасын кадакывьяс босьтöны медтöдчана могсö, сы вöсна кадакыв бура велöдöмыс матыстас челядьöс синтаксис дорö. Сидз, öти юкöда сёрникузаяс торйöдсьöны кадакыв наклонение, морт, лыд серти.

Сы вöсна мый велöдчысьяс ичöt школасянь унатор нин тöдöны кадакыв формаяс йылысь, кужöны индыны кад, морт, лыд вежёртасьяс да найöс петкөдлан суффиксъяссö, 7-öд классын колö

кыскыны вниманиесö ёнджыка вежласян формаясөн вöдитчöм вылö, разнöй текстын коланлун вылö, синонима формаясөн вöдитчöм вылö, шуам, кор öнiя кад формаа кадакыв босьтö вежортассö колян кад формалысь да с.в.

Юöртан наклонениелөн аслас торъя суффикс абу. Сiйöс тöдчöдöны када, морта, лыда суффиксясыс. Паныдасьлö юöртана сёрникузясын, кодъяс шусьöны юöртана шуанногөн.

Юöртан наклонениеа кадакыв петкöдлö торъя кадын збыльысь овлан-мунан керöм либö овлытöм-мунтöм керöм. Тайö вежортасьяс сертиыс торйöдöны эскöдана мортасян да соссяна мортасян (спряжение).

Велöдчан небöгас тырвийö петкöдлöма и эскöдана (подув) мортасьöмсö, и соссяна мортасьöмсö, вайöдöма таблица ногөн када, морта, лыда суффиксяссö торйöдöмөн. Тайö зэв ёна кокньöдö тöдчöдны челядылы кадакыв суффиксяслысь вежортассö и налысь сьöрсьөн-бöрсьөн сулалöмсö: када суффикс ляскысьö кадакыв кыввуж/кывдiн дорас, сэсся нин морта и лыда суффиксяс йитчöны.

Кадакывьяслөн кад вежортас

Кадакывьяслөн кад вежортас петкöдлöмыс лöö медся тöдчанаөн. Кывсикас нимас весиг сiйöс пасйöма. Тайö темаас пыртöдан сёрни позьö панны татшöм юалöмьяс серти:

– Кор тi вöдитчанныд кад кывнас? Мыйла колö тöдны кадсö мян олöмын? Кызди ми кылам сiйöс (чувствуйтам)?

– Позьö-ö петкöдлыны кадсö торъякывьясөн? (талун, öнi, аски, сёр, водз да с.в.).

– Кызди петкöдлысьсö кадыс грамматикаын? (кадакывлөн када суффиксясөн).

Кывкöртöд пыдди велöдысь вермас висьтавны, мый збыльывса олöмын кад быть коланатор. Быд морт олö торъя кадколастын, кадыс öти местаын оз сулав, кызди ю дугдывтöг, помтöг визувтö, сiдзи и кадыс мунö. А казялам ми сiйöс олöмас вежсьöмьяс сертиыс. Йöзыс мыйкö керöм панiгас юалöны: *Мыйта кадыс? Эм-ö на кадыс?* да с.в.?

Коми кывворын ыджыд пай босьтöны ‘кад’ вежортаса кывьяс: *öнi, важöн, сёр, водз, тöв, тулыс, вежон, здук* да с.в.

Грамматикаын кад вежортас петкөдлысьё кадакыв када суффиксьяон: пет-а, пет-і, пет-ө, пет-ас, пет-өм-ыд.

Грамматикаын торйөдоны өнія, колян да локтан кад сы серти, кызди керөмыс йитчөма висьталан-сёрнитан здукускөд: керөмыс и сёрни здукуыс лөсялөны өнія када кадакывьяслөн, сёрни здукөдзыс лоөмторсө петкөдлөны -и(-і), -өм колян кад суффикса кадакывьяс, сёрни здук бөрас виччысяна / абу виччысяна керөм петкөдлөны локтан када кадакывьяс, кодьяс өнія кадаясысь торьялөны III морта -ас суффиксөн.

Өнія када кадакывьяс велөдөм

Өнія кад вежортас йылысь сёрнитигөн велөдысь вермас юөртны, мый III морта өнія кад пасьян торья суффиксыс абу вөлөма, кыввужыс петкөдлөма өнія кадсө. Сёрөнджык кыввуж-помса гласнойыс торьялөма и пөрөма суффиксө (водзти кыввужьясыд кык слогаөсь вөлісны).

-ө суффикссө позьё шуны када-морта вежортасаөн.

Соссяна мортасигөн шөр кадакывйыс оз босьт некутшөм форма, кыввужнас / кывдиннас петкөдчө. Кад вежортассө кутө соссян кадакывлөн о- кыввужыс: **ог, он, оз**. Уна лыдас босьтө -өй, -ны суффиксьяс.

Тайө кывьяссө воддза и өнія велөдчан небөгьясын пыртөны кывторьясө. Кывкудьясын найөс некызди абу нимтөма. Збыль-вылас тайө соссяна кадакывьяс: найө босьтөны кадакывлысь кад, морт вежортас, морта-морт сёрниын вермөны вежны кадакывсө, шуам: – Но и котөртлы лавкаас, том на кокыд, – довкнитис юрнас мужичөй. – Ог. – Мыйла он? (Г. Юшков)

Ог, он кывьясыс мынтөдоны өти и сийө жө кадакывсө кык пөв шуөмысь, вежөны сийөс. Өнія када соссяна формаясыс оз торьявны локтан када соссяна формаясысь. Төдмавны найөс отсаласны контекст либө кад вежортаса кывьяс, шуам:

– Эн ыкшаась, эн. Кодкөлун на вөлі норасян, сьөлөмөс пө топөдлө.

– Гортын олөмсыс и топөдлө, а өні со вот нинөм **ог кыв** (өнія кад). (Г. Юшков) Шоныда визмунлі Васька, мөвпыштис да, мый коркө и сылөн визь туйыс содас тайө пасыс динө... Ачыс Васька, дерт, нинөмөн жө **оз пежав** (локтан кад) нэмөвөйся пассө тайөс. (Г. Юшков)

Өнiя када кадакывъяс, шөр вежөртас кындзиыс, зэв тшөкы-
да босьтöны мукöд вежөртасъяс, артмөдöны синонима йитöдъяс
мукöд када формаяскöд.

Тайö аслысплöслунсö быть колö тöдчöдны. Велöдчан не-
бөгас та вылö торйöдöма быдса параграф. Өнiя када кадакыв вер-
мö лоны синонимөн колян кадалы, локтан када – өнiя кадалы.
Тайöс позьö тöдчöдны татшөмсяма видлөгъясөн:

- Лыддыны да тöдмавны, кор вөлöма висьталанторйыс,
лöсялöны-ö кадакыв формаясыс.

I. Пашö Проне вöтасъывлö и öнi на сийö важся воймөм
стенма пывсянсö. Проньöлы медьёна, дерт, воывлис сьлөм вылас
корöсясьöмыс. Батьыс дасьтö пöсь да кöдзыд ва, кötöдö корöсь-
сö... Сэссия найöс гор весьтас кутигөн некымынысь койыштö
доналөм из вылас кöш тыр ва, мед бурджыка пöжсяс корöсьыс.

Пывсян горйыс пыр жö быттьö ловзьö. Заводитö гора мый
вылö кö норасьны, ышлолавны, чискыны. А сэссия пöсь руыс
ыркнитö вывлань да вочасөн тыртö ставнас пывсянсö, сэтшöма
сотö юртö, мыштö, горштö. Кодсюрö весиг петö пывсян кöджö.
Батьö сöмын сералыштö на вылын. (*И.Белых*)

II. И со Проне вокъясыскöд кианыс паськөм тубрасаөсь
восьлалöны бать бөрсяыс пывсянлань. Медводз батьыс пывсянö
пыригмозыс мыйкö шөпкöдыштас ас кежсьыс вомгорулас. Сэссия
койыштас кöш-мöд гор пытшкас, гор вылас да калькöдыштас не-
дыр кежлö пывсян öдзöссö, мед бөръя тшын дукуыс петас. Та бө-
рын нин Петрö Пашөлөн быдтасъясыс восьтöны пывсян öдзöссö.
(*И.Белых*)

- Скобкаясас сетөм кадакывъяссö сувтöдны лöсялана кад
формаö да гөгөрвоöдны.

Быд кадлөн аслас мичлун, аслас буртор. Но век жö нин
быд ловъя лов медся ёна тулыссö (виччысьны). Сэки вөр-ваыс бара
(ловзыны), (заводитны) выль олөмөн овны. И мортыд быттьö
выльысь (чужны). Падей Ёгор (пукавны) кильчö вылас да (нимко-
дясьны) тувсов ывланас. А шондыс сiдзи и (съякйыны) югөрьяссö
еджыд эрдъяс вылö... Нöшта шоныд лөö ывлавылас... Тайöс
тöдöмөн и лэбачьяс (збоймыны) да (нимкодясьны) тулыслысь лов

шысö кылöмөн. Катша-рака (лэбавны) потшöсысь потшöсö, пышкайяс (пуртікасьны) туй вылас да мыйкö (кокавны). А керка бердын быдмысь пожöм да коз (шыбитны) вывсьыныс лым туктаяссö да вежысь – вежöсь (лоны). Быттö дыр узьöм бöрын (мыссьыны) да свадьба кезлö быттö (дасьтысьны). Збыль öд, тулысыд свадьбуитан кад и эм вөр-ваыслы, став ловья полыслы. (И. Шахов)

Текстъяссö видлалігөн колö тöдчöдны: кор вөлöма текстас висьталанторйыс, кутшöм када кадакывьяс медводз лöсялöны сійöс петкөдлыны, позьö-ö мөд сикас кадаөн вөдитчыны, вежсьö-ö текстыслөн вежөртасыс, кутшöм гижөдъясын ёнджыкасö паныдасьлöны синонима кад формаа кадакывьясыс. Сы бöрын босьтны наука текст либö лöсьöдны велөдчысьяскөд, шуам, **кадакывьяс** тöдчөдан текст, да юавны, кутшöм када кадакывьяс ковмасны-лöсяласны. Позьö вайөдны шусьөгьяс, зумыд кивтэчасьяс, мойдыяс и тöдчөдны, кутшöм текстъясын вермасны лоны сöмын öнйя кад формаа кадакывьяс, мыйла колян кадаяссö тшöкыда вежöны öнйя кадаөн. Велөдысьлы отсөг вылө вайөдам содтөд материал.

- Скобкаын сетöм кадакывьяссö сувтöдны лöсялан када формаö.

Олöмыс визув ва моз (визувтны). Олöмад уна вож да чукуль (паныдасьлыны). Кутшöм ваөд (кивтны), сэтшöмөс и (юны). Быд удж муысь (петны). Сямлуныс кыйсьыслөн ноп сертиыс (тыдавны). Коді нянь (уджавны), сылөн нэм (нюжавны). Кутшöма (уджавны), сэтшöма и (босьтны). Синмыд (повны), кийд (вöчны). Бурысь бур (чужны) да (рöдмыны). Панясигад (удзөдны), а уджалігад (видзөдны). Омоль уджысь гөн паныд (шыльөдны). Водз (чеччыны) да этша (печкыны).

- Лöсьöдны дзолядырся олöмысь казьтылөмьяс. Кутшöм кад формаа кадакывьясөн медбура позьö петкөдлыны вунөдны позьтöмсö.
- Тöдчөдны вежөртассö öнйя када кадакывьяслысь сетöм шусьөгьясас.

Шогыд кусыньтö, радлун веськөдö. Гымалöм бöрад öд пыр зэрлö. Дыш вöлыд мегыр пырыс видзөдö. Пуктасыд и кöдзаыд шо-

ныд му любитө. Каньтөгыд и шыръяс йөктөны пызан вылад. Шыр ичөт, быдса мешөкъяс новлө. Коді ньөжмыда сөйө, сийө ньөжмыда и уджалө. Мортыд томсяньыс төдчө. Ветлысь-мунысь мортыд уна тасьтись панялө. Гожөм заптө, төв дзимлялө. Гожся луныд йөлөн-вийөн исковтө. Чериыд ассьыс на няньсө сөйө. Ва гудыртчылө да бөр сөдзө. Ичөт эськө ва войт, да из пискөдө. Йөраыд ыджыд, но и сийө коньясьлө. Өтка путө төв кызди колө нюклялө.

Локтан када кадакывьяс велөдөм

Тайө терминыс төдса велөдчысьяслы ичөт классьясянь. Найө кужөны адзыны локтан кад формаа кадакывьяссө, төдөны шөр вежөртассө, мортасьомсө.

7-өд классын, дерт, колө оз сөмын вынсьөдны челядылысь төдөмлунсө, но и джудждөдны-паськөдны. Сы могысь велөдысьлы колө төдчөдны, мый вылө нөшта колө кыскыны велөдчысьяс-лысь пельсасьсө, эм-ө на мыйкө содтөд юөртанторйыс. Та серти и тыдовтчасны кадакывлысь локтан кад велөдан могьясыс:

- вынсьөдны локтан кад йылысь төдөмлунсө;
- тыр-бура велөдны торйөдны кыв вежлалан суффиксьяссө, локтан кадын мортасян формаяссө;
- тырвийө, бур видлөгьяс вылын, велөдны торйөдны өния кадын мортасян формаясысь
- төдмөдны локтан кадлөн мукөд вежөртасьясөн;
- петкөдлыны налысь сөрнийн, гижөдьясын бергалөмсө, налысь коланлунсө;

Велөдчан небөгас эмөсь локтан кад йылысь мөдпөлавны лөсялана уджъяс. Татшөм уджьяссө, көні колө сөмын төдмавны кадакывьясьлысь кадсө, колө ёнджыка «уджөдны», сувтөдны сод-төд юалөмьяс, шуам: мый серти поэьө төдмавны, кутшөм юкөнъяс серти. А юкөньясыс кө өткодьөсь өния кад формаяскөд? Велөдысь вермас панны юалөмьяс серти темаас пыртөдан сёрни:

- Кызди ті гөгөрвоанныд олөманым локтан кадсө?
- Кызди сийө петкөдлысьсө кывворын, грамматикаын? (Регыд, аски, водзө вылө, недыр мысти, коркө да с.в. кывьясөн).
- Кызди торйөдны өния када да локтан када I, II морта өт-кодь формаяссө?

– Кутшөм мортын век индө локтан кад вылө?

– Вермасны-ө лоны локтан кадлөн синонимъяс?

Юалөмъяс вылас велөдчысыяс вермасны вочавидзны сёрни-кузяяс видлалөм бөрын. Локтан кадлөн шөр вежөртасыс петкөдчө **-ас** суффикснас. Тыр-бура сийө петкөдчө И. Куратовлөн «Закар ордын», «Муса ныланой, мича аканьой!» кывбурьясын. Кывкөр-талігөн поэяс төдчөдны:

Локтан када кадакывьяс петкөдлөны: 1) керөмыс лоө сёрнитан здук бөрас регыдөн: *Но артмас кө вөйтөмыд, регыд и кылан кинад, кыдзи ён чери зутикас сырнад да пессьыны кутас. (Г.Юшков)*

2) действиеыс мунө оз пыр жө сёрни бөрас, а мыйкөдыра мысти. *Аски водз менө, мамө, чуксав, Көть оз садьмы, тэ чуксав быть, Лэчча ва дорө, пыжө пукся, Эм и сьөлөмлөн, төда, выть. (Г.Юшков)* *Югдас Коми муыд, Вежсяс – лоас мөд: Сідзи том йөз шуө, Сідзи лоас, төд! Кыптам, ёнмам, өддзам. (В.Лыткин)*

3) войдөр нин вөчсьөм керөм. Сэки мунө колян кад пыдди. Сэки контекстас быть эм колян када кадакывья сёрникузя. *Сыктыв горувлань паськаліс ваыс: водзті таті море моз ойдас, берегсө кырө-дас. Восьлалө И.А. Куратов няйт туйөд, думайтө, гаикө, медбөрья-ысь аддзылас муса мамө. (Г.Фёдоров)*

4) локтан кад формаясөн вөдитчөны сідзжө уна сикас модальной рөм төдчөдөм могысь. Найө медся бура петкөдлөны: а) кутшөмкө лоөмтор йылысь бура, зумыда, падьявтөг висьталөм: *Шондйыс петас да, руыс разалас. Ва воссяс – сёян вежсяс;* б) лоөмтор йылысь стөча төдтөг падьялөм, мыйтакө соссьөм: *Виччысь, сетас сийө вөв тэныд: тиынсө кө коран, оз сет-а;* в) лоөторйыслөн условие йылысь юөртөм: *Бөжтө кө көтөдан, и чери сёян. Тулысын кө узаян, арын шогө узаян;* г) виччысьтөм лоөмтор йылысь висьталігөн: *Но виччысян пыд пыдди ныв чужас, абу тай көсийөм серти. (Г.Юшков)*

Өткодь формаа өнія да локтан када кадакывьяссө (I и II м.) позьө торийөдны сёрникузя вежөртас сертиыс да кад вежөртаса кывьяс серти (*аски, коркө, мөдысь* и с.в.).

Локтан кадлөн эм сідзжө сложной форма (позьө шуны II локтан кад), коді артмө морт да лыд серти вежласян формаа **кутны, пондыны, мөдны** отсаян кадакывьясысь да шөр вежөртаса кывподысь: *кута висьтавыны, кутан висьтавыны, кутас висьтавыны* да с.в. *Ме дыр мөда висьтавыны.*

Өтка лыд		Уна лыд	
кута гижны	ог кут гижны	кутам гижны	огö кутöй гижны
кутан гижны	он кут гижны	кутанныд гижны	онö кутöй гижны
кутас гижны	оз кут гижны	кутасны гижны	оз кутны гижны

Локтан када I да II морта кадакывъяс öнiя када кадакывъясесь торйöдны велöдöм вылö позьö вöчöдны татшöм уджъяс.

- Сёрникузяясысь гижны медводз öнiя када, сэсся локтан када кадакывъяссö. Кызди позьö тöдмавны?

1. Синтö восьтан: ывла-с вöт кодъ. Гажа öшинь сайын!.. Дырнöс дорö ми чиг öткодъ Чеччöмөн тшöтш каям. (л.к.) Босьтам көвтны мамлысь чышъян, Дырнöс дорлань мöдам. (л.к.) 2. Көркө тыдовтчас и Дырнöс – Гажаинö воам! (л.к.) Мыйöн матыстчам (л.к.), ми пыр жö Варовджыкöсь лоам (л.к.) 3. Шонасö лöдсыштö мамö. – Но сэсся мунам (л.к.) жö гортланы! – Огö на мунöй мам, огöй... Гажа тан, татöни узям. (л.к.) 4. Шоныдкодъ. Пемыдкодъ. Жугыль. Син водзын Сыктывлөн муткыль (чукыль). Пукалам (ö.к.) ва дорын ськөд [Жугыль]. 5. Öтнам ме муна (ö.к.) туй кузя. Сыктывти пароход гыö, жугыля видзöдö кыа. 6. Гожся шондi енэж шöрсянь койö вой му вылö би. Векныд борйöд сьöрсьөн-бöрсьөн Эжва вала лэччам (ö.к.) ми. 7. Ёна жö бара купайтчам (л.к.) чожа чöвтам (л.к.) вылысь паськөм, Ставөн Эжваö быз-баз! Кык час пультикасям (л.к.) гашкö, – ватö туйсыясö кисьтам. (В.Лыткин) 8. Мый нö, зонъяс, гөрöктылам! (л.к.) гашкö, выль ног важсö сьылам. (И.Куратов)

- Гижны висът «Школа помала да...», «Ме кө лоа...», «Петам кузь туйö», «Көркө сувтам ас кок йылö», «Локтас кад...», «Верма кө эськö...» темаяс серти.
- Тöдмавны кадсö шусьөгъясын паныдасылан кадакывъясельсь.

Визувтöм ватö он бергöд. Гожöмнас кө öти лун он уджав, во кыскас. Пöратöг и блин он пöжав. Ойдысь ютö он потш. Мый ытшкан, сийöс и куртан. Лун кежлö кө мунан, нянтö кык лун кежлö босьт. Кутшöм рок пуан, сэтшöмöс и сёян. Нидзувсьыд рок он пу.

Нинөмсьыд нинкөм он кы. Сиөсаян кө өд, и ковмас кыскыны вөв моз. Уджалан кө – лоас, он кө уджав – важыс бырас. Кутшөма көдзан, сэтшөма и вундан. Кокниа најөвитан, өдйө и прөживитан. Дышад кө лэччан, дышыс сёяс.

- Төдмавны, мый висьталөны гут-гаг да лэбачьяс поводдя йылысь?

Лельө кө кайөма турун йылө, (зэрны). Кодзувкотьяс кө пуө кайөны, (кузя кутны зэрны). Юрсигусь кө чукөрөн лэбалө, (зэрны). Геб петө, (зэрны водзө). Черань кө везьялө, (зэрмыны). Вой төв ном кө петас, (көсйыны зэрны).

Чикышьяс ли ракаяс кө купайтчөны, (зэрны). Енмеж баксө (зэрны водзын), чикышьяс кө ва бердті (уліті) лэбалөны, (зэрны). Каляяс кө му вылө локтөны, (зэрны). Джыджьяс кө сиктө кайөны, (зэрны).

- Мойдсьыс кадакывьяссө сувтөдны лөсялана кад формаө.

Петук, кань да руч

Керкаын (овны) петук да кань. Кань (пондыны мунны) псеравны да (шуны) петуклы:

– Ме (мунны), а тэ изки пельөсысь эн пет, – руч (воны), да тэнö (нуны). Петук шуö:

– Ог, муса чой. Ме пыра изки костас, ог пет.

Кань (мунны). Руч (воны) да (шуны):

– Петукö, петукö пет! Ме тэнö (вердны) анькытшөн, кө йдысөн, шыдөсөн.

Руч (шыбитны) китыр көнтусь. Петук и (петны). Руч петукөс (кватитны) да (пышйөдны). Петук (пондыны) сьывны-бөрдны.

Каньöй, каньöй, муса чой,

Менö ручыд пышйөдö

Няйт нюрөдыс чөдья-пувья ягөдыс,

Лыска понөльөдыс!

Кань (кывны). Чер (шыбитны). Вутшкысь вутшкө чеччавны (пондыны). Ручөс (суөдны), ручөс (гыжъявны), петукөс (мырддыны), изки пельөсö (дзэбны).

Мыйөн (помасьны) мойдыс?

- Төдмавны кад вежортассө торйөдөм кадакывьясыслысь.
Мый серти төдмавсьө?

Лөдз, ном да геб костын сёрни

Лөдз, ном да Геб сёрнитöны:

- Лөддзö, кор тэ гортад мунан?
- А ме Прокопей дырйи öбедайтa да гортö муна, ме йöзсö ог дöсaдит.
- А тэ, номйö, кор?
- А ме Илля лунсö на виччыся, öбедайтa да гортö муна.
- Геб, а тэ кор мöдан?
- А ме ог на мöд, сёркни керöмсö виччысьла, кытчöдз оз кöдздöд. *(Коми календар)*

- Торйөдны öнйя да локтан када кадакывьясь.

1. Пужьялөм бор кузя локтам. Тирзьöны кодзувьясь гусьöн.
Мöвпала: «Быдма да вöча Керка ме шона ув кодьöс». *(В.Лыткин)*

2. Тадзи джуджыд чойтi Ислала ме дыр, Кытчöдз мам оз горöд: «Пиук, гортö пыр!» Гортö воа, öдйö кая кильчö пос. Кокөн лымсö пырта – Дыш босьтлыны рос. *(В.Лыткин)*

- Төдчöдны, став кад формаас-ö паныдасьлöны кадакывьясысь зумыд кывтэчасьясын.

Этша ваөн (кötасьны), этша ваөн (изны), эмсö и абусö (сөрны), эмсö и абусö öти дозйö (гудравны), ыджыд из мышку вылысь (усьны), сьöлөм (исковтны) кок чунь йылöдз, сьöлөм да дөрөм (тöдны), (сьывны и йöктыны) деньгаыс, сьöлөм вылын (дильквидзны), сьöлөм вылысь из (вешйыны), сöптыс (потны) да (кыптыны), сапöгыс рок сёйны (корны), сылөн шудыс потшöс костö (сибдöма), öти бала вылын (зэвтны), öти нянь шомысь (пöжавны).

- Вежлавны кадакывьяссö зумыд кывтэчасьясьсыс.

Ылöс гөгöрыс висьтавны, щелльö йöртны да желльöн тупкыны, шыльча йылын бергавны, шоч пиня сынанөн сынавны, шондисö йöткины, саын да гуын овны, нинйөн да бонйөн вузасьны, шемела песны, чунь нёнявны, чуш нюжöдны, уна пачысь нянь сёйны, тыртöм изкиён изны, төв бöрысь вöтлысьны, пель гөгöр сюркнявны.

Колян кад вежӱртаса кадакывъяс велӱдӱм

Колян када кадакывъяс медся бура петкӱдлӱны коми кыв-
лысь агглютинативнӱй сикассӱ, налӱн став мортасян формаас
ясыда торъялӱны кад, морт, лыд суффиксыяс, кодъяс сьӱрсьӱн-
бӱрсьӱн содтысьӱны кыввуж либӱ кывдӱн дорӱ. Велӱдчан небӱ-
гын, таблицаас, бура петкӱдлӱма I и II колян кадлысь подув и
соссяна мортасьӱмсӱ. 7-ӱд класса велӱдчысьяс таблица сертияс
кокниа вайӱдасны тӱд выланьс колян кад формаяссӱ. Велӱдысь-
лӱн мӱдджык могьс: велӱдны челядьӱс вӱдитчыны тайӱ форма-
яснас, сы вылӱ колӱ тӱдчӱдны:

- налысь вежӱртасьяссӱ;
- I и II колян кадлысь торъялӱмсӱ;
- тӱдмӱдны сложнӱй колян кад формаясӱн;
- видлавны I да II колян кад формаяслысь серпаса гижӱдъ-
ясын, газет гижӱдъясын, наука текстъясын паныдасълӱмсӱ, ко-
ланлунсӱ.

Темаас пыртӱдан юалӱмъясӱн велӱдысь кыскӱ сӱрниӱ
челядьӱс:

– Кыдзи тӱ гӱгӱрвоаннӱд колян кадсӱ? Кыдзи сӱйӱ петкӱдчӱ
олӱмас?

– Кутшӱм кывъясӱн колян кадсӱ позьӱ петкӱдлыны? (важӱн,
войдӱр, водзтӱ да с.в.)

– Эмӱсь-ӱ колян кад петкӱдлысь торъя формаяс?

– Кымын колян кад торйӱдӱны коми кывйын?

– Мыйла найӱс колӱ торйӱдны? (I колян кад петкӱдлӱ
сӱрнитысьӱн аддзылӱм керӱм, а II колян када кадакыв петкӱдлӱ
аддзывтӱм керӱм. Найӱ торъялӱны и формаяснас: I колян кадсӱ
петкӱдлӱ **-и (-i)** суффикс, а II колян кадсӱ **-ӱм** суффикс)

– Кыдзи позьӱ петкӱдлыны вӱвлытӱмторсӱ? (эг, эн, эз соссяна
кадакывъясӱн да **абу** кывторйӱн)

– Кутшӱм гижӱдъясын паныдасълӱны I колян када кадакывъ-
яс (серпаса лӱтератураын, мойдъясын, казътылӱмъясын)?

I колян када кадакывъяс

Велӱдысьлы колӱ кутны тӱд вылас, мый I колян када када-
кывъясыс вермӱны петкӱдлыны:

1. Муртса сёрни здукөдзыс лоомтор либө керөм, шуам: *Эжва дорын пемыд Лоис, лэччис му вылө сьод вой. Юлөн гыыс муртса койис, лөня мойдиг рытывбыд. Берег дорын кельчи ворсис, мөдлапөлын узис бадь, өклучина кливзис-горзис, киө кайис ыджыд гадь. (В.Лыткин)* Тайө сёрникузяс лэччис да кайис кадакывьяс петкөдлөны сёрни здукөдзыс чуть водзджык помасьөм керөм, а мукөд кадакывйис – помасьтөм керөм. Найө матынөсь өнйя када кадакывьяслы.

2. Сёрни здукөдзыс ёна важөн помасьөм либө помасьтөм керөм: *Пералөн сулалис вазиник керка. Тройкаяс сизимөн сувтисны сэтчө, гөсьтъясыд пырисны багатыр ордө. Көзьяин вөралис, эз на вөв гортас. (В.Лыткин)* Сулалис, вөралис кадакывьяс кутөны помасьтөм керөм вежөртас, а сувтисны, пырисны кадакывьяс – помөдз воөм-керөм.

3. Адзывтөм, сёрни здукөдзыс помасьөм керөм: *Поэт да учёной В.И. Лыткин чужис сыктывкарбердса Тентюков сиктын. Кык арөсын сийө воштис ассьыс батьсө, кодй пөгибнитис лесозаготовкаяс дырйи. Квайт арөсын сийөс пуксьөдिसны вөв вылө агсавны му, сизим арөссянь сувтөдисны турун куртны, өкмыс арөсын сылы сетисны киас коса. (В.Мартынов)* Татшөм I колян кадыс лөсялө II колян кадлы.

4. Лоөмторьяслысь сьөрсьөн-бөрсьөн мунөмсө либө пома-сьөмсө: *Жугыля видзөдө шондй: Гөжөмыс мунис. Сьодасис са сьө-дөдз войыс, дженьдаммис луныс. (В.Лыткин)*

5. Чайтана, виччысяна, көсьяна керөм: *Мөдысь локтас да, шуин дай, аслым на пө ковмас лэч туйыс. (Г.Юшков)* Көсья, мед ста-выс тиян ладмис, мед шудлуныс тиянкөд овмөдчис. Та дырйи I колян кадыс лөб синонимөн локтан кадлы.

Кадакыв кад формясөн вөдитчан став позянлунсө, дерт, колө петкөдлыны видлөгьяс вылын.

II колян када кадакывьяс

II колян када кадакывьяс, мөд ногөн – адзывтөм колян кад, петкөдлө, мый висьталанторйис вөлөма, но эз висьталысьыс син водзын. Но сийө век жө төдө, кодсянькө кывлөма да, либө керө-мыслөн результатыс кольөма.

Орччөдам: *Асьядорыс кыза пужьялис да Асьядорыс кыза пужьялөма.* Öти сёрникузяс керөмыс лоис быттьө висьталысь син водзас, а мөд сёрникузяс керөмыс лөма виччысьтөмөн.

II колян кадлысь соссян вежортассо петкөдлө **абу** кывтор:
пужъялөма – абу пужъялөма.

II колян кадлөн сөмын кык морта форма: II морт отка лыд –
коль-**өм**-ыд, уна лыд – коль-**өм**-ныд. Паныдасылө нөшта кузьджык
форма – коль-**өм**-ныд-ось либө коль-**өм**-ыд-ось; III морт отка лыда
коль-**өм**-а, уна лыд – коль-**өм**-а-ось. Йозкост вомгора сёрниын
бергалөны коль-**өм**-ны, коль-**өм**-а-сь.

II колян када кадакывъяслөн вежортасьяс

Шөр вежортасын II колян кад петкөдлө:

1. Аддзывтөм керөм: *Рас шөрысь нэриник кыз пу ме аддзылі
– Көсьылі вайны ме гортө – Рос вылө нүөма ёртөй. (В.Лыткин)
Садьмө, чеччө Коми му ... Шуньгө кыркөтши дорті ю. Лөньөма нин
сёрни, мойдөм – Сыркмунөма-сь посни войтыр. (В.Лыткин)*

2. Төдчана–казялана керөм: *Мунө, нюмялө, мича ныв йылысь
Нимкодясиг гажсаа мөвпалө [зон]. Дольд думьясөн юрыс тырөма,
сьлөм пытшикөдзыс сылы пырөма. (В.Лыткин) Увгысь ывлавылысь
пыри гортө, Уси төд вылө мем ёртөй, Сійө вунөма ... (В.Лыткин)
Кытчө оз кучкывлы чер тыинас Прокө Васька, быдлаысь на клён-
кылө. Уна жө нин и пуктөма эськө лои дөзьөрсө – му берд керьяссө
вежөма, вевтсө дзоньталөма, шиферөн мөдпөвсталөма, ошинь юр-
лөсьясыс вьельмөдөма да сідз-тадзсө мый нин абу вөчөма. (Г.Юшков)*

Татшөм вежортасыс ёнджыка төдчө I морта формалөн: *Ми
ёгнас тырөмаоёсь. Ме велалөма нин скөттөг овны. Найөс кокниа
позьө вежны I колян кадаөн.*

3. Пыр овлана аддзывтөм керөм. Татшөм вежортасын II
колян када кадакыв мунө өнія када пыдди: *Нёбдін сикт пуксьөма
Эжва дорө. Миян сикт пуксьөма джуджыд керөсө (өні на пукалө).
Сыктыв ю ёна векнялөма жар гоэжөмнас (ёна векнялө). Ытва не-
код на и абу пыклөма.*

4. Вөчны позьтөм, вөвлыгтөм керөм: *Скөралө, быттьө корысь-
лысь коран мешөксө гусялөма; радлө, быттьө мешөк деньга аддзөма;
откодьось, быттьө оти лу вылө кисьтөмаоёсь; радлө, быттьө по-
паддя ордын ужнайтөма; мый сэтшиөм гажтөм, быттьө мусө-васө
вузалөмыд; откодьось, быттьө оти нянь шомысь пөжалөмаоёсь.*

5. Керөм йывсьыс сёрнитысьыс кывлөма кодсянькө, кы-
тыськө: *А медся ичөтыс на пиысь, Гашикө, став вылас пө сьольшитөма*

да кытчөкө Россияё мунёма кынёмпөтсө корсьны. (И.Белых) Сийё кадсяньыс кузь тыпомса невиджыд видзсө шүёмайсь Кайтём сабриа виддзён. (И.Белых) И мамыс сылы неважён гындысян нуис, нөб ыджда вурун ёкмыль. Васькаыдлы пө татысь, валеги гоз петас, веськыда шүёма Коктём Көсьтаыс, войт абу чиркөма мукөд гындейыс моз. (Г.Юшков)

6. Помөдз вайөдөм морттөм керөм. Татшөм вежөртаса II колян када кадакывьяс паныдасьлөны туялан гижөдьясын, шуам: 1. Фольклорысь хрестоматиясө лөсьөдөма архивысь босьтөм материал подув вылын. Сэтчө пыртөма текстьяс, обрядьяс да ворсөмьяс. 2. Мортыд өд енянь жө, тадзтө кө, – шыясис сэтчө Кузовкин. – Мортыдлы уджавны урчитөма, вежөр нөшта сетөма. А сийө и лөксө на, видзөдан да, уджалө. (Г.Юшков) А батыслы бура на мойвиёма вөрас: кык тулан вайис лаз нопьяс. (Г.Юшков)

Став кад формасө видлалөм бөрын коланаөн лоө кывкөр-тавны юалөмьяс сетөмөн:

– Мый сийө кадакывьяслөн кадыс?

– Мый серти торйөдөны керөмьяслысь кадсө? (сёрни здук-көд лөсялөм сертиыс). Кутшөм када керөмьяс торьялөны коми кывйын?

– Кадакывлөн кутшөм юкөн петкөдлө кад вежөртассө?

– Эмөсь-ө кад петкөдлан торья суффиксяс?

– Кутшөм када кадакывьясөн медся ёна вөдитчөны мойдьясын, шусьөгьясын, казтылөмьясын, приметаясын, газет-журналын, юөрпас гижөдьясын, наука гижөдьясын?

– Вермө-ө өти када кадакывйыс петкөдлыны мөд кадө керөм? (Кадакывьяслөн кад формаясыс вермөны лоны грамматика синонимьясөн: өния када форма вермө босьтны колян кад вежөртас).

Тайө юалөмьяс вылас вочакывьяссө велөдчысыяс аддзасны-төдмаласны вөзийөм уджьяссыс.

• Гижны скобкаас сетөм кадакывьяссө колана кад формаын.

1. Шабдi сөдз юрсиа Ольө Чөдлач лөз синьяссө восьтiс, Тэрыба пөлатысь чеччис, Котөрөн өшиньялань лэччис. Ывлаыс (вежсьыны) – сөдз дөра паськөма. Ывлаыс (вөччыны) – калинкор дөрөма. Столб вылө (пуксьыны) көч, (Жуйвидзны) нинөм оз вөч. (В.Лыткин)

2. Чеччыштіс тай даддбй енэжөдзис нач, менө сэсянь чөвтис Мышку вылам швач. Ачыс меысь пышйис. Дай лым пиө сатш; Видзөда да куйлө – (Чергөдчыны) гатш. (В.Лыткин)

3. Увгө нора төлыс... Пола, гажтөм мен. Керка пытшкын быдөн (ланьтны) чөв. (В.Лыткин)

4. Гожся кадө мича лунө Кокни сьөлөм вылын: Небыд төвру, дзоридз уна... Ывлавылас сьылө. Керка пытшкө зарни шонді (пырны) нин важөн: Дзирыд, югыд, сотө-шонтө, керка тыртө гажөн. (В.Лыткин)

5. А батыслы бура на (мойвины) вöрас: кык тулан вайис лаз нопьяс. (Г.Юшков)

- Содтыны некымын сёрникузя, мед лоис неыджыд висьт. Вөдитчыны лөсялан кад форма кадакывьясөн.

1. Кыза нин эжмөм, турунөн тыртөм пості Васька вуджис шор мөдарө и бөрдөм кыліс да нөшта нывбабалысь ...

2. Мый лоис али мый лоөма? Серко понлөн увтөмыс гежөдмис ...

- Лөсьөдны да гижны висьт II колян када кадакывьясөн вөдитчөмөн бөрийөм темаяс вылө.

Восьті ме өшиньөс, восьті...

Уси төд вылө мем өртөй...

Мый ме төдмалі пөль йылысь...

Мыйысь ворсөны тиян сиктын

- Вежны, позьө кө, кадакывьяслысь кад формасө. Төдчөдны, кутшөм форма лөсяланаджык: мый вөчө, мый вөчис али мый вөчөма?

Со тадзи нэмьяс чөж чөла оліс да вуграліс тыыс сук Парма пөвстын. Лөня вөр-ваыскөд төлкөн-ладөн муніс тані олөмыс. Быд тулыс ты вылө воывлісны поздысьны быдсяма пөтка да сэся быдтысьөм бөрын лэблісны ылі муясө, медым мөд во бара локны асланыс чужанінас, тайө вөрса гөгрөс ты дорас, коді артмис зэв аслысногөн.

... Коркө тані быдмыліс суксьыс–сук вөр. Но друг өти асылө енэжсяньыс Парма шөрө усис–грыпкысис ыджыд из, потіс сө пельө

да пасьнитіс матігөгөрсә вөрсө. Сыркмуніс муыс уна верст пасьта. Пыр жө кутіс ыпъявны-сотчыны пармаыс. Сөмын недыр мысти прөйдитөм ыджыд зэр кусөдіс вөрса пөжарсө. А сәні, кытчө усис изйыс да потіс сө пельө, артмис зэв ыджыд да джуджыд гөгрөс гуран, коді сәсся мөд тулыснас тырис ваөн. Вочасөн и гөлөвняөдз сотчөм пуяс пыдди уна во чөжөн ты гөгөрын быдмис важсьыс на мичаджык да пашкырджык вөр. (И.Белых)

• Вочавидзны юалөмьяс вылас, пыртны юалөм серти лөсялан кад формаа кадакывьяс. Кыдзи коллялөны либө коллялісны либө коллялөмаөсь: Берба лун? Ыджыд видз? Йөввыв? Мый сэки вөчөны, мый вөчлісны, мый вөчасны либө мый вөчлөмаөсь? Отсөг вылө босьтөй «Коми календар» небөг. Мыйысь ворсөны али ворсісны, али ворсөмаөсь томуловыс тіян сиктын?

• Индыны, кутшөм када кадакывьяс паныдасьлөны нөдкывьясын да мыйла?

1. Тшөкыд-тшөкыд вөр (сулавны), а вөлыдлы ньөртө он босьт. (юрси)

2. Еджыд эшкын увті съөд мөс (мунны). (ва да йи)

3. Китөм и коктөм, а өдзөс (восьтыны). (төв)

4. Съөд мөскөс гөрд мөс (нювны). (би, тиын)

5. Ичөтик-ичөтик гөрд юра мужик да быдөнөс (бөрдөдны). (лук)

6. Кык сись (өзйыны), кык пөлян (пөлясьны), нель (пышйыны), көкьямыс (вөтөдны). (вөла дөддя)

7. Юкмөс дорын (пукавны) еджыд юсьяс. (тинь, вом)

8. Бордя да оз лэбав, кока да оз ветлы. (чери)

9. Пөчө пачө (пырны), пөльө зорйөн (вөтчыны). (нянь, зыр)

Кадакывьяслөн морта-лыда формаяс

Кадакывлөн морта-лыда формаяс быть коланаөсь, топыда йитчөмаөсь када формаяскөд. Велөдчан небөгас тайө категория-ссө торйөн абу видлалөма. Велөдчысьяс найөс кокниа торйөдө ны суффиксьяс вылас мыджсьөмөн. Век нин вермасны уськөдны төд вылас велөдчан небөгас пыртөм таблицаяс сертиыс. Мый колө

ношта тӱдны 7-ӱд класса велӱдчысыяслы тайӱ тема сертигыс? Кутшӱмджык могыс велӱдыслӱн? Медводз колӱ:

- мӱдпӱвӱвтны кадакыв вежласянног йылысь;
- тӱдмӱдны кадакывъяслӱн мортасьӱм понятиеӱн;
- петкӱдлыны кадакыв вежӱртаслӱн мортасян формаяс вылас тӱдчӱмсӱ;
- тӱдчӱдны эмакывъяслӱн да кадакывъяслӱн морт да лыд вежӱртас серти вежласьӱмсӱ;
- петкӱдлыны морта-лыда формаясӱн вӱдитчӱмын позян-луньясӱ, аслыспӱлӱслунсӱ.

Та вылӱ колӱ босьтны быдпӱлӱс гижӱд: серпаса, юӱрпаса, шусьӱгьяс, приметаяс, зумыд кывтӱчасьяс да с.в. Кутшӱмсиюрӱс вӱзьям тайӱ небӱгас.

Мед челядь окотапырысь велӱдисны кадакывъяслысь морт-лыд серти вежласьӱмсӱ, велӱдыслы колӱ бура думыштны темаас пыртӱдан юалӱмьяс, чуйдӱдан юалӱмьяс, шуам:

– Кутшӱм ӱткодь грамматика вежӱртасьяс эмӱсь эмакывлӱн и кадакывлӱн? (морт, лыд)

– Мый петкӱдлӱны эмакывъяслӱн морта суффиксьяс? (эмторсӱ кодлыкӱ асалӱм: сӱрнитысьыслы, вомьӱртыслы либӱ кодлыкӱ коймӱдлы)

– Мый петкӱдлӱны кадакывъяслӱн морта суффиксьяс? (кодӱ лоӱ керӱм-вӱчысьнас: висьталысьыс либӱ вомьӱртыс, либӱ кодкӱ коймӱд)

– Став кадакывйыс-ӱ вермӱ мортасьны? (оз дзик ставыс, шуам, сюмавыны (кынӱм сюмалӱ), куньсьыны (синмӱй куньсьӱ), шогӱдны (менӱ шогӱдӱ) да с.в. овлӱны сӱмын III мортын)

– Эмӱсь-ӱ кадакывьяс, кодьяслысь керӱм вӱчысьсӱ оз позь индыны? (морттӱм кадакывьяс: зӱрӱ, турӱбалӱ, лымьялӱ да с.в.)

– Мый петкӱдлӱ лыд вежӱртас эмакывъяслӱн да кадакывъяслӱн? (эмторйыс ӱти либӱ некымын, кадакывъяслӱн ӱтка и уна лыд петкӱдлӱны: керӱм вӱчысьыс ӱти либӱ некымын)

– Позьӱ-ӱ ӱтка лыда кадакывнас петкӱдлыны уналысь керӱмсӱ? (шуам, йӱзыс мыйкӱ шензис, урыс танӱ олӱ)

– Позьӱ-ӱ уна лыднас петкӱдлыны ӱтилысь керӱмсӱ? (вежавидзана сӱрниын, наука гижӱдьясын позьӱ)

– Мый серти позьö тöдмавны кадакывъяслысь мортсö? (кыв вежлалан суффиксяс серти, морта нимвежтасьяс серти)

– Эмось-ö дзик морта суффиксяс? Эмось-ö дзик лыда суффиксяс? (отка лыда II м. -н III м. -с -а уна лыда I м. -м II м. -ныд II м. -ны, -ось)

– Эмось-ö када-морта-лыда формаяс? (öния када I м. -а III м. -ö, I колян када I м. -и (-i)).

Став тайö юалöм сертиыс ковмас нуöдны уна сикас удж, видлавны кадакыв морта-лыда формаяслысь уна ног петкöдчöмсö видлögьяс вылын.

Медводз, дерт, колö тöдчöдны, мый кадакывлөн морта-лыда формаяс, кызди и када формаяс, быть коланась. Найö зэв топыда йитчöмась. Сёрниын бергалöны öтвылысь. Öти кадакывйын вермö петкöдчыны став категорияыс, шуам, *Керкаясыс важмöмаось* сёрникузяын *важмöмаось* кадакыв – II колян када (-öм), III морта (-а), уна лыда (-ось). Тайö суффиксясыс ляскысьöны кыввуж/кывдин дорас сёрсьөн-бёрсьөн. Торйөн öта-мöдтöгыс оз овлыны, артмöдöны суффикс тэчас. Сы вöсна важджык небөгьясын эз торйöдлыны. Збыльвылас, быд категориялөн эм торья суффикс, кодi петкöдлö либö сöмын кад, либö сöмын морт, либö лыд. Некымын вежөртас босьтöны сöмын -а, -ö, -и (-i) суффиксяс. I да II морта öтка лыда кадакывьяс ладмöдчыны **ме**, **тэ** нимвежтасьяскöд, но унджыкысьсö овлöны нимвежтастöгыс.

Морта-лыда формаяслөн шөр вежөртасьясөн велöдчысыс тöдмасисны ичөтджык классьясын. 7-öд классын колö сöмын мöдпöвъявтны, уськöдны тöд вылö найös либö таблицаяс серти, либö сёрникузяяс видлалöмөн, либö юалöмьяс вылö вочавидзöмөн.

I морта öтка лыда кадакывьяс

I морта öтка лыда кадакывьяс петкöдлöны, мый керöм вöчысьнас лоö сёрнитысьыс, шуам: 1. *Лов тырөн нимкодяся гажавыланас, лолала сöстём сынöднас, кокниа восьлала.* 2. – *Та йылысь ме думайтi жö нин, аслам динö нин көсийи, завыскöд сёрнитi и, мися, гаикö, аддзысяс уджстор детинкаислы да.* (Н. Куратова) Сэки кадакывйыс босьтö ö.л. -а суффикс, кодi петкöдлö оз сöмын мортсö, но и öния кад, öтка лыдыс тöдмавсьö нуль/абутöм суффиксөн. Позьö вöзйыны татшöм уджьяс:

- Индыны мортсö торйöдöм кадакывъяслысь. Мый серти тöдмалінныд?

1. 1. Чолöм тэныд, Мозын ю, Вайи Изьва юсянь. (В.Попов) – Тi да ми да тi – öти дружнöй котыр. И ме, парманымлön пи, Пукта улöдз копыр. (В.Попов) 2. Гуляйтi ме öти нывкöд, Тувсов ластва вывтi ветлім дыр. (В.Попов) – Пырджык гожöмын ми чужан сиктаным волам. (В.Попов)

Кутшöм сёрникузясын мортсö кык пöвстөн петкöдлöма? Быть-ö колö I морта нимвежтасысь, кутшöм сёрникузя лöсяланаджык? Велöдчысьяс кывкöрталасны, мый абу быть кадакыв бердас I морта нимвежтасысь. Позьö сiдзжö вöчöдны кывкöрталан таблица:

I морта öтка лыда формаясь				
Кад	Öнiя кад	Локтан кад	I колян кад	II колян кад
мортасыöм				
Подув	пукала	пукала	пукалі	–
Соссян	ог пукав	ог пукав	эг пукав	–

Челядьöс позьö корны тыртны таблицасыö лöсялана видлөгъясөн, кодъясöс вермасны босьтны велöдчан небөгсьысь.

- Торйöдны I морта кадакывъяссö, индыны кадсö. Мый серти тöдмавсьöны найö?

Зарни амысь тöлысьсö судзöда,
 Брошка пыдди мед öшöдны морöсад.
 Тэнад синьясö лöz рöмсö рудзöда
 Паськыд люстра кодъ енэжысь – Коран кө.
 Ёльысь гумовта бисер кодъ кодзувöс,
 Пеляд исерга пыдди мед пысавны.
 Дзирйив осьта пöсь сьölöмлысь öдзöссö:
 Сэтысь лыддян тэ, мый ог шу кывъясөн,
 Гажа раскын тэд зарава войтöда,
 Кыдз кодъ еджыдөн көсьян кө лоны тэ...
 Тадзи шулывлi тэныд ме войпукиг,
 Кор тай ыдждöдлi тэнö пыр шондiөн. (В.Напалков)

... А ме пукала важ тöдса ордын, Тагъя ырöшөн веськöда горш. Весиг йöзын – ме бытьöкö гортын, – Чужан муаным некор ог вош. (В.Напалков)

- Гижны нейджыд висът «Ме кыккирудз ог ов», «Кызди ме дасътыся паськыд туйö петігкежлö?», «Мыйысь меным кокни овлö», «Видза ассыым дзоньвидзалун», «Олам ас му вылын», «Кызди коллялі велöдчан вояс?», «Чужан муаным некор ог вош» темаяс вылö. Кутшöм морта-лыда кадакывъяс ковмасны?
- Лöсьöдны да гижны «Мый ме тöда кадакывъяс йылысь». Мыйсянь колö заводитны?

I морта уна лыда кадакывъяс тöдчöдöны, мый керöмсö вöчö сёрнитысьыс оз öтнас, кодьяскöдкö öтвылысь, шуам, вомъёрткöд. Сэки лöсялö **ме тэкöд, ми тэкöд, ми асьным** тэчасъяслы. Паныдасълöны **-мö, -мöй** вариантъяс. Тайö вежöртассö кутö **-м** суффикс, шуам: *Кор ми ёрткöд воча волам, вöйнам бара öтитор: Мыйла джёмдылёмöн олам? Öткөн кывзам олём гор? (В. Попов)* Уна пöрйö сёрнитысьыс пыртö асьсö уна лыда йöз котырö. Сэки лöсялö **ми ставöн, ми быдөн** тэчасъяслы: *Парматі мунöны... Кодъяс нö мунöны? Ставным ми мунамö сэт!.. Дзользöй ті, пöткаяс, Дзордзалöй дзоридъяс, – Тулысыс нюжсала мед! (В.Лыткин)* Ас кежын ми серавламö сійöс [фальш] *И тетрадьöн динысь Югыдджыка биöс Öзтылам каминьсь... Регыд видламö и йöз водзын ми кидс. (И. Куратов)*

Кадакывйыс ладмöдчö нимвежтасъясыскöд морт-лыд серти: *Ваыд [Эжва] тэнад уна – тырмас, Морöс пытшыкыд абу кын, Сійöд и сыллам пыр ми Тэнсьыд эбöс, тэнсьыд вын. (В.Лыткин)*

Татшöм сёрникузяясас кыкпöвсталöма морт-лыд вежöртассö: петкöдлöма нимвежтасөн и кадакыв морта-лыда формаөн. Но унджыкысьсö морта нимвежтассö уськöдöны. Сэки ёнджыка тöдчöдсьö керöм-вöчöмыс, керöм вöчысьсö петкöдлан торъя кывйыс оз ков. Сёрникузяыс лоö öти юкöда, тырвийö мортаөн.

- Лöсьöдны таблица I морта öтка и уна лыда формаяс вылö да тыртны сійöс кадакывъясөн.

II морта öтка лыда кадакывъяс

Мый колö тöдны велöдчысьяслы **II морта öтка лыда кадакывъяс** йылысь? Кызди петкöдчöны сетöм видлөгъясас? II морта

отка лыда формаясыс петкөдлөны сёрнитысылон вомъертон вочан кером. Сы выло индө **-н-** суффикс öнiя, локтан и I колян кадын; II колян кадын **-ыд** суффикс. Сийö вежортассö вермöны вынсьодны тэ, ачылд нимвежтасьяс: *Тэнад олöм эз вöв кокныыд [мам], Сьöкыд кадö чужлiн. Тöдлiн нянь кусöклысь донсö, Уджавны тэ кужлiн. (А.Мишарина) Тэ кө менö гөгөрвоан, Сьöкыд дырйи дзык пыр воан. Сидзкө, тэ мен ёрт. (А.Мишарина)* II морта нимвежтастөгыс сёрникузяыс лоö öти юкөдаөн жö, тырвийö мортаөн. Мед эз ков некымынысь шуавны, I да II морта нимвежтасьяссö унджыкысысь уськөдöны. II морта кадакывйөн йöзкост сёрниын вöдитчöны I морта пыдди, шуам, В.Савинлөн «Чужи-быдми съод вөр шöрын» кывбурын. *Кага бöрдö, ачылд бöрдан. Гораджыка горзан. Пöжжөм йöлөн сюрись вердан. Косджык рузум корсян. (В.Савин)* Тöдчö, мый керöмыс лöсялö висьталысыслы аслыс, но сийö веськөдö керöмсö быдөнлы, быдөнкөд йитö.

Тшöкыда II морта отка лыда кадакывьяс петкөдлөны оз торья вомъертлы, а быдөнлы лöсялан кером. Сэки найö босьтöны öтувтан вежортас. Татшöм вежортаса кадакывьяс овлöны шусьөгьясын. Тайö аслыспөлöслун вылас быть колö сувтлыны торйөн, вöчöдны сикаса уджьяс:

- Индыны II морта кадакывьяссö, тöдчöдны вежортассö (вомъертлы, сёрнитысылы, быдөнлы лöсялан кером).

1. – Кырныш сийö ставсö тэныд коляс, яйсыс öтдор. – Мый нö куш лысыыд да гөнсыыд? – Сийö öд и эм, – кайтiс батыс. – Водзöс он косöд пезлысь ни. Кöть, шуам, и лыян, кытчö сэсся воштан?! Нитш улö и сюян, мед дуксö оз вöч. (Г.Юшков) 2. Вадорлань Арсень эз лэччы, зэрыштö да. Вөр дорад, кöть и пуяс улö дзебсян, сидзи жö кöтасян лысванас. (И.Белых) 3. Кодi öнi локтас сы пыдди куканьяс дорын ноксыны, куйöд да няйт пövстын лукйысыны. А мöдарö кө, кытчö нö эновтан гректöм ловьясöс. Уджыс тырмö, небось. Пока идрасян да сёодчан да лэдзан куканьясöс йөрö, шондыс лун шöрлань нин удитöма бергöдчыны. Муртса кежалыштан гортад, бара нин фермаö тэрмасын. (И.Белых) 4. Зарни көсатö чунь помад гартан. Дона көсатö чунь помсыыд разян. Ланьтлан сутш, ловтö тэрмасытөг вежан, Тувсов гы моз морöсыд лыблö (В.Попов) А мортыдлөн олöмыд öти здук вöлöма. Сöмын на быттьö лöсьодчан бура овмöдчыны, нэм помыд нин воöма. (И.Белых)

• Кадакывъяссö пуктыны лöсялана морт формаö «мый керан и мый тэкöд лоö» бала серти.

Биö (пырны)-(сотчыны), ваö (пырны)-(пöдны), вөрö (кайны)-(вошны), шоглы кө (сетчыны) – унджык шог (чöжны). Öти шогысь (мездысьны), мөд важөн нин юр вылад. Шырлы кө бөж вылас (тальчыны), и сийö горöдас. Йöзлы гутö (кодйыны), ачyd (усьны). Йöз туй вылö лэч эн сиав, ачyd (шедны). (Велöдчыны) кө, морттуй шедö. Мыйысь (лөгасыны), сыысь и (бурасыны). Кутшöма (вольсавны), сэтшöма и (узыны). Кутшöм öдзöсö (таркөдчыны), сийö и (воссыны). Мыйөн (локны), сийөн и (мунны). (Гудравны) рок, эн жалит и вый. Мыр кө (вөчöдны), и сийö лоö мича. Уджтö кө он радейт, пинь кежсыд (овны). Тулыснас кө (узыны), арнас шогö (усьны).

- Торйöдны сёрникузяссö II морта кадакывъяс вежөртас сертиыс да гижны медводз вомьёртлы лöсялан керём петкөдлысь, а сэсся быдөнлы лöсялан керём петкөдлысь кадакывъяссö.

1. Сьöd пемыд кадын [И.А.Куратов] тэ чужин, Шувгис кор лэчyd вой төв. Здук кежлö Комиö волін, Узис кор Комиыд чөв. Медвойдөр меліа сылін, Лелькуйтін ас чужан кыв. Кывбуртö тэчин тэ ылын – Комиödз шыыс эз кыв. (*В.Лыткин*) 2. Медся нин бур му лэчъяс октыны: кульыштін еджид нитшсö да небзьöдыштін лыасö, сэсся бедь да вожка перйин, сатшкин найöс шөрвыяс дозмөр төран костөн. (*Г.Юшков*) 3. – Эн пов, уджала на сы донтö совхозыдлы, – вомалис Зоя. – Уджалан... татшöм көдзыд вирнад! – нерыштіс Прокö Васька. (*Г.Юшков*) 4. Кык көч бөрся вөтчан, да некоднансö он кут. 5. Ас нянь вылад петан да, быдтор йылысь лоö думайтны. 6. – А мый сэн мудеравнысö? – эскытöма юалис Бузмаковыс. – Сувтін, шуам, и сувтін. Локтіс кө йөрәыс – лыйин. Вот и став уджыс. (*Г.Юшков*) 7. Збылысь öд, абу и сьökыд öнiя кадö мортыдлы тшыксынытö. Пуяс моз öти туй пөлөн сулалан ставөн, да көсьян ли, он ли, а кызкө да олөмыс вөрзьöдлас нин. И абу кө пыдi вужъя, косьмыны и кутан сэсся. (*Г.Юшков*) 8. Мам дiнад волан да, бара Быттьökö бордьясьлас лов – Аскилы лэбовтан воча, усьöмысь ньöти он пов. (*В.Попов*)

II морта уна лыда кадакывъяс петкөдлөны, мый керөм вөчысьнас лоёны сёрнитысьлөн вомьёртыяс. Төдчөдсьө сійө -ныд суффиксөн: мун-і-н-ныд, коді лөсялө ті нимвежаслы. Паныдасьлөны нөшта варианта формаяс: өнія, локтан, I колян кадьясын -н-ныд суффикс пыдди -д суффикс: *Кытчө нө мөдөдчид, том войтыр, челядыас?* (В.Лыткин)

II колян кадын -ныд-өсь: *Лунтыр нинөм абу вөчөмныдөсь.* Öнія коми кывйын тшөкыда кутісны вөдитчыны II морта өтка лыда формаа пыдди II морта уна лыда формаөн, ёнджыкасө вежавидзана сёрниын, наука гижөдьясын, шуам: *Павлик бара шыөдчис мугов чужөма Исмаил дінө: – Ті, тыдалө, вывтасянный жө.* *Абу өд ставыс сэтшөмөсь дзескыдінад. Мукөдыс и сідз-тадз на сэтчө веськалө.* (И.Белых) *Асывсяныыс кантораса начальник Иван Иванович корис Öльөксанөс ас дінас. Нюмъялігмоз шыасис: – Но мый, Александр Петрович, вунөдінныйд нин, көнкө, кыдзи косатө киад кутны?* (И.Белых)

I да II морта өтка и уна лыда кадакывъяс индөны ловья керөм вөчысь вылө, петкөдлөны ёнджыкасө мортлысь керөм-вөчөмсө. Тайө формаяссө вермөны босьтны и лэбач, пемөс нимьяс, мойдьясысь нимловьяс, а сідзжө кывбурьясын морткодьялөм, метафораалөм ловтөм керөм вөчысьяс, шуам: *Тэ жө [Ыджыд-видз], видзөда да, быд во томман, Вильмөмыд да мичмөмыд, эг төд.* (А.Мишарина) *Томдырся кад, тэ тувсов лым моз сылін.* (А.Некрасов) *Пөсь чолөм тэныд, эзысь Волга, – Россиянымлөн медшөр сөн. Тэ уна карө, сиктө волан, Зэв кузя нюжөдчөм шөвк вөнь.* (В.Напалков)

Велөдчысьяслы позьө и колө юөртны нөшта өти аслыспөлөслун йылысь. Коми кывйын став кадакывйыс өткодя мортасьөны, өткодь морта-лыда формаясын овлөны. Но оз дзик став кадакывйыс став сикас формаас овлыны, а сөмын кутшөмкө өти формаын, шуам, *куньсьыны (синмөй куньсьө), сюмавны (кынөмөй сюмалө), чөсөдны, дільквидзны, зэрны* да с.в. кывьяс овлөны сөмын III мортын өтка лыдын. Татшөм кадакывьяслөн кыввор вежөртасыс зэв векни. Унджыкыс петкөдлөны мортлысь, мортгөгөрсә вөр-валысь состояниесө. Сы вөсна на бердын оз вермы лоны нимтан вежлөгә кыв – подувпас. Татшөм кывьясыс пырөны **мортгөм** кадакывьяс чукөрө и бергалөны өти состава мортгөм сёрникузясыс: *Лунтыр зэрө (лымъялө, югьялө, востымасьө).* *Мукөд бердас вермө лоны сө-*

мын керан вежлӱга кыв – содтанпас: вугрӱдлыны (менӱ вугрӱдлӱ), очсӱдлыны (менӱ очсӱдлӱ), кынтыны (менӱ кынтӱ) да с.в.

II морта ӱтка и уна лыда формаяс йылысь позьӱ корны лӱсӱдны кывкӱрталан таблицаяс. Видлӱгъяссӱ велӱдчысьяс асьныс вермасны корсьны кывбурьясьсӱ, серпаса гижӱдьясьсӱ.

- Тыртны таблицаыссӱ лӱсялана кыв формаясӱн, морта суффиксыяссӱ торйӱдӱмӱн.

II морта ӱтка лыда формаяс				
Кад	ӱня кад	Локтан кад	I колян кад	II колян кад
мортасыӱм				
Подув				
Соссян				
II морта уна лыда формаяс				
Кад	ӱня кад	Локтан кад	I колян кад	II колян кад
мортасыӱм				
Подув				
Соссян				

1. Тӱн вочакывсӱ ӱртыд сетас, син водзад тӱдса серпас петас, Тшӱтш сысь нимкодӱ лоӱ тӱн, Мый быдмин сӱн, мый петлӱн сӱтысь, Мый муса керӱс тӱнад сӱн (*В. Попов*) – Тӱ жӱ, видзӱда да, быд во томман, Вильмӱмыд да мичмӱмыд, эг тӱд. (*А. Мишарина*)
2. Ой, важ моз шлывгӱ Изьва юным, Нӱмъяс шлывгӱ, а век том. (*В. Попов*)
3. Вӱрын тӱдчымӱн дзескыдджык Лоис – Гожся паськӱмсӱ кышалӱс вӱр. (*В. Попов*)
4. Видзӱдӱ, тӱ видзӱдӱ! Увлань кодзув нӱӱв моз лыйӱ, Сӱмын туйсӱ кольӱ сийӱ... Туйсӱ аддзылӱнныд-ӱ? (*И. Куратов*)
5. Тшыглунысь да кӱдзыдысь Лӱк керкаӱ мунӱн, Став мортвужсӱ янӱдысь, Лӱк олӱмӱ сунӱн. (*И. Куратов*)
6. – А тӱ волӱй жӱ коркӱ миянӱс видлыны. Ми эстӱн, мыльк саяс, сулалам. Каянныд да аддзанныд чомсӱ. Ог кӱ ло, стадаын кӱ лоа, юаланныд, кӱнӱ Аким Ваньыс. (*Г. Юшков*)
7. Мый нӱ, нывъяс, мый нӱ сӱсся, бурьяс, Мый нӱ оланныд тӱ чӱв? (*В. Попов*) – Кытчӱ нӱ муанныд, кытысянь локтанныд, Сьӱд Парма пиянъяс, яла яг йылӱмъяс. (*В. Лыткин*)

- Индыны кадакывъясыслысь кадсö, мортсö, лыдсö. Пасйыны налысь суффиксьяссö.

1. – А-а, кывлі. Взрывайтанныд пö тай мусö. А сідзсö нö мыйкö сюрö жö? – юалис көр видзысь Латкинлысь. (Г.Юшков)

2. – А ті мөвпыштлінныд, кодлөн муыс? – вочаалис райисполкомсаыс. – Колхозлөн. – Абуджык. (Г.Юшков)

3. Мортлы дзескыд пемыдын... Шонді петмысьт быдсö таті Паськөдас тай тиянлы! Лолыштанныд кокныыда ті. (И.Куратов)

4. Вокъясöй! Ёртъясöй! Коми му пиянöй!.. Аддзанныд, кымынөн ми Чукөрмим öтлаö, татчö, Став Коми му вывсьыс ті кыссинныд-локтынныд карö: Сыктылысь, Эжваысь... Тöданныд-ö, Кодъяс ті асьныд? (В.Чисталёв) – Ті нö мый, смекайтчанныд сабри вылас, – ылысянь на заводитіс Коктöм Кирö. – Коді нö та ыдждасö тані панлывлö?.. Сісьтанныд öд став турунсö... Кызди кужанныд, но мед бур сабри вöлі. (И.Белых)

- Торйöдны I да II морта öтка и уна лыда формаясын овлан кадакывъяссö, сэтшöм формаяссö артмөдöмөн. Кутшöм кадакывъяс оз овлыны индöм формаясас да мыйла?

Руавны, вазыны, кынтыны, вöтавны, зэрны, котöртны, вежöдны, вугрöдлыны, ёнтыны, пасьтавны, визувтны, дöзмыны, повны, вөрны, пусьыны, кымöртчыны, косöдны, тöлавны, войтöвтны, кокчунаясны, рöдмыны, йывмыны, куйлыны, вöравны, тэчны, косьмыны.

III морта öтка лыда кадакывъяслөн керöмыс лöсялö кодлыкö, мыйлыкö, ловъялы и ловтöмлы, код йылысь либö мый йылысь висьтавсьö сёрниас, гижöдас.

Кадакывъясыс босьтöны öнiя кадын **-ö**, локтан да I колян кадын **-с**, II колян кадын **-а** суффиксьяс. Подувпас пыддиыс вермасны лоны кызд эмакывъяс, сідзи и **сийö, тайö, коді, мый, кодкö, мыйкö, кодсюрö, мыйсюрö, ачыс, мукöд, быдөн, ставөн** да с.в. нимвежтасьяс: *Но медъёна вөр керкаса да пармаса кöзяинъясöс öнi майшöдліс öтитор: коляс-ö на черыс тайö зэв мича вöрса тыас да оз-ö зновтны та бöрын сийöс... лэбач-пöткаыс.*

Медводз позьö челядькөд öтвылысь лöсьöдны таблица сетöм видлөгъяссьыс лöсялана формаяссö пыртöмөн.

III морта ӧтка лыда формаяс				
Кад	Ӧнія кад	Локтан кад	I колян кад	II колян кад
мортасьӧм				
Подув				
Соссян				
III морта уна лыда формаяс				
Кад	Ӧнія кад	Локтан кад	I колян кад	II колян кад
мортасьӧм				
Подув				
Соссян				

Видлӧгъяссӧ позьӧ корсьны велӧдчан небӧгын сетӧм уджъяссьыс, серпаса гижӧдъясысь, кывбурьясысь. Вайӧдам и ми сёрникузяяс: 1. Но тайӧ пӧрийӧ Арсень шензис сы вылӧ, мый багатыр кодъ козыйс абу вужнас пӧрӧма, а дінтіыс кымын чегӧма. (И.Белых) 2. Юсьяс аддзисны бордьясныс улысь Мулысь шорьясӧн вундалӧм бансӧ. (В.Попов) – Юсьяс кывтісны. Аддзи ме мусянь: Тэрыб бордьяссӧ некод оз дом. (В.Попов) 3. Мыйла, шуам, Кокадӧн нимтылӧмаӧсь налысь сиктнысӧ? Да сы вӧсна, мый кокасьӧмӧн вӧчлӧмаӧсь кӧдза муяссӧ, тувйӧн-тувйӧн пырӧдчылӧмаӧсь вӧрас, да сідзи нин мырддылӧмаӧсь вӧрыслысь бурджыкинъяссӧ. (Г.Юшков)

Бӧрья сёрникузяас торйӧдӧм кадакывйыслысь керӧмсӧ вӧчысьыс абу петкӧдлӧма торья кывйӧн – подувпасӧн. Сійӧс ӧгӧ вермӧй индыны стӧча и III морта уна лыда форма сертиыс: кодъяскӧ керӧны-вӧчӧны, а стӧчмӧднысӧ оз ков. Сы вӧсна сёрникузяыс лоӧ ӧти юкӧда стӧчмӧдтӧм мортаӧн, но III морта уна лыда кадакывсӧ позьӧ лэдзны кык юкӧда сёрникузяысь, воддза сёрникузяас кӧ индӧма керӧм вӧчысьсӧ. Сэк сёрникузяыс лоӧ кык юкӧда абу тырманаӧн: 1. Тылатӧ весалиг Перавид кинас нетшкывліс пуяссӧ ректысянінас... Кырымас эз босьтлы пила ни чер, Моздорас новлӧдліс гыр кыза кер. (В.Лыткин) 2. Гӧсьтьяс мӧдісны локтавны, кодӧ печканӧн, кодӧ кысянӧн. Пырасны да ыджыд пернапас чӧвтасны, быдӧнлы копыртчасны да варовитны мӧдасны. (И.Сажин)

III морта уна лыда кадакывъяслысь кӧ тайӧ аслысплӧслунсӧ велӧдчысьяс гӧгӧрвоасны, кокныда кутасны торйӧдны прӧстӧй

сёрникузя сикасьяссö: кык состава тырмана и абу тырмана да öти юкöда стöчмöдтöм морта сёрникузяяс. Позьö вöчöдны татшöм удж:

- Тöдмавны мортсö торйöдöм кадакывьясыслысь. Сэсся лыддыны подувпастöгыс да висьтавны, быть либö оз быть ков подувпасыс.

I. ... А öни батя-пия катисны Сылва юöд кузь пыжйөн. Батыс зібьясис. А Сеньö пукаліс пыж шöрас. Ая-пия негораа тэрмасьтöг варовитисны ас костаныс... Раминик лун төв улын енэжöд кывтісны еджыд кымöрторьяс... Көнкö неылын лыддис вояссö көк... Батыслөн быд зібйыштöм бöрын саякмунліс чериыс. (И.Белых)

II. 1. Гожся рытын öшинь дорын Шондi лэччöм бöрын öт-нам пукала ме сёрöдз. (В.Лыткин) 2. Йöзкостса олöмын ылöг. Пöрьясьöм медыджыд, ён зэв. Сьöлыштам синмас ми сылы. Рөгыд нин корсям ми помсö. (В.Лыткин) 3. Тэ войнас пукалін зэв сёрöдз Ас жугыль пемыд öшинь дорад. (В.Лыткин)

III морта öтка лыда формаяс вермöны петкöдлыны быдöн-лы лöсялан керöмьяс, а оз торья керöм вöчысьлы. Татшöм вежөр-тассö найö босьтöны шусьöгьясын, зумыд кывтэчасьясын, шуам: *кык син костсьыд ныртö гусялас, этиша ваён изö, юрас вой төв шутьялö, кымöс вылас гижöма, шемела пессö, шапкаөн чужöма; рыношыс сотчö, пыти пырöма* да с.в.

Тшöкыда III морта öтка лыда кадакывьяс паныдасьлöны морттöм сёрникузясын и тöдчöдöны керöм вöчысь көсийтöг лоöмторсö, шуам:

– Эн ыкшаась, эн. Кодкөлун на вöлі норасян, сьöлөмөс пö топöдлö. (Г.Юшков) Таысь Васькалөн юрыс быдөн лётмунлі, сэтшиöма нюкыртöдліс сійöс виччысьтöм шогысла. (Г.Юшков)

Топöдлö и нюкыртöдліс кадакывлөн керöм вöчысьыс некыз абу пасйöма, сійö ковтöм. Вöчысьсö вермö петкöдлыны керан, сетан, асалан вежлöга нимвежтас либö эмакыв, шуам: – *А кытчö нö эськö быттьö ачыдсö?* – юалис Елиса. – *Чöстуясьны?* – *Ог, чöс туйсьыс менам важөн нин эновтчöма. Коктö öни сэтчö чеган.* (Г.Юшков) *Сыв кыза нучера джуджыд коз сулаліс База туй бокын, да сы дінö кежöдіс Прокö Васькаёс.* (Г.Юшков) *Но и мустöмасö эз жö сійöс [Васька] ышловзьöд: öд мöдарö кө шуны, кыйны жö сьлөн петöма.* (Г.Юшков)

Морттөмлуныс ёна петкөдчө **-сь** суффикса возвратной кадакывьяслөн, шуам: Васькалөн муртса эз ыкөстсьы таысь, кыдзи тай визмунлём дойысь. Некийдз на эз эскыссьы сылы, мый Кальё Коляыслөн тайё кыйёмыс. (Г.Юшков) Сэккоста Прокё Васькалөн кытшиовтсьяс нин, бөр аслас паччөрө локтас. (Г.Юшков)

III морта уна лыда кадакыв вежджык петкөдлө, мый керём вөчысынас лоёны кодьяскө, мыйяскө, некымынён. Морт, пемөс, а сіджө ловтөмтор, шуам: Тайё кывьясыс сэтшиёма йиджисны сиктсаялы сёлөманыс, мый Өнөпөс өтка кёинён кутисны шуны син саяс. (И.Белых) Бать-мамыс Өнөплөн колхоз котырттөдз на зымнитлөмаөсь аслыныс катыд помас... ыджыдкодь коромина. (И.Белых)

III морта формаяс вермёны босьтны содтөд вежөртасьяс: 1) отувтана вежөртас петкөдчө шусьөгьясын, зумыд кивтэчасьясын: кыйтём пөткаөс оз куштыны, өти өшмөсыс юёны, тэнэ тыын пыртлөмаөсь, денгаыд мустө оз зырт; 2) урчиттём керём вөчысь вежөртас петкөдчө кадакывьяслөн өти состава стөчмөдтём морта (неопределённо-личной) сёрникузясы, кёни подуспасыс абу, сы вөсна мый действие вөчысыс төдтём, да сийөс оз и ков төдны, шуам: Миян сиктөдз вөчисны чорыд веркөса туй. Абу трактор ли машина мунёма кынмывтөдзис бөрьяысьсө... а куканьясөс вайөдөмаөсь ю катыд ыб выльысь. (Г.Юшков)

III морта өтка и уна лыда кадакывьяслысь уна ног петкөдчөмсө төдчөдөм вылө поэьё вөзйыны татшөмсяма уджьяс:

- Индыны, мыйён өткодьөсь и мыйён торьялёны пасйём кадакывьясыс.

I. 1. Өшиньыс руавліс асывводзнас. – Васькалөн руавліс син водзас, чайтсьыліс весиг, мый вөйё зэв джуджыд ваө. (Г.Юшков)
2. Вежгөмысла дільквидзыштас Васька да котөртас гортас. (Г.Юшков) – Морөспань улас дільквидзис Васькалөн, да горш кузялаыс мисьтөма горзьөдліс өти картофелён умөмсыс. (Г.Юшков)
3. Мамыс коколюкаён кыскис пөжавны суйём картофельсө да вайис пызан вылө. – Код төдас, мыйла кыскис найөс өта-мөд дінас. Гашкө, сийён, мый орччөнөсь керкаясныс, гашкө вирныс ли, оласногыс ли лөсыліс. (И.Белых)
4. Васькаөс ызыьөдіс выльысь ломзьөдны бипурсө. (Г.Юшков) – Юралыслөн сёрныыс ызыьөдіс кыв-

зысьяссө. 5. Чилөстас сэн кодкө нимкодъысла ли мыйла, да пеляс и тіньсидзө Васькалы, кызди тай варышлөн тивөстөмыс. (Г. Юшков) – Көдзыд дырйи керасигөн черыс тіньсидзө. 6. Черыслөн көрыс кучкис Васькалы нырас, и сылөн төдлытөг тільыштсис ныр увсө. (Г. Юшков) – Ныв-пиыслы юраныс кучкөма чукөстны дась пызан сайö суседьясө.

II. 1. Ю катыд ыб вывсынь да Энь ю дорөдз öнi му бөрся му, ставсө турунөн көдзөма. (Г. Юшков) – Бөрья воясө Ольөксан вадорса пармаyslөн плешьяс вывсыс вынсьөдөма мусө да сус пу койдыс көдзөма. (И. Белых) 2. Не кө тайö, эз и эскыссы, гашкө, мый чомйö веськалiн, сы вöсна мый гөгөр вöли сайөдөма мича занавесьясөн, торья вежөс кодьөс лөсьөдөма быд гозьялы. (Г. Юшков) – Енэжсө кымөр сайөдөма. Öнөп төв кежлас лөсьөдөма кос тшак, быдсикас вотөссө. (И. Белых) 3. – Мортыдлы уджавны урчитөма, вежөр нöшта сетөма да. А сийö и лөксö на, видзөдан да уджалö. (Г. Юшков) – Нылыс водзвыв урчитөма карас лэччан лунсö. Сийö бать-мамыслы сетөма кыв, оз кө артмы институтö пырны, локтас бөр гортас.

- Пуктыны кадакывьяссө лөсялана морта-лыда формаö, гөгөрвоодны вежөртассө.

Пельтөм ылысь (кывны), немöй медьяна (пөрьясыны); сөптыс (потны) да (кыптыны), кузь туяд и шыла вороп (сьөктөдны), телегайд мавтас (корны), синмысь би (петны), син водзöй (воссыны), середанас и пекничанас (видзөдны), öти бала вылө (зэвтны), öти пөлөс пызысь (пөжавны), бать кок туйсö (талявны), нинкөмөн (көмөдны), мустö (зыртны), усырыд (орны), гөгйид (вөрзыны).

- Индыны, кутшөм када-морта-лыда формаөн позьö вежны текстсыс кадакывьяссө.

Олөма йөз казтылөны, мый том пөраас ыджыд видзлөн бөрья вежон дырйиыс вөлөм чукөртчөны да ветлөдлөны öта-мөд дорө керка мыськавны, идравны. Джоджьясыд вөліны краситтөмөсь, и төвбыдөн чукөрмөм няйтсө вөлөм ниртөны дзимбырөн. Пөчьясныс тшөктөны вөлі мыськавны тагөс увсянь, мед пө керкаысь да котыр костысь нинөм оз чин. Мукөдлаас мыськасян ваö содтөны пуөдөм тусяпу ва. Сийөн жө мыськалөны дозмукьяс. Татшөм уджьяссө эштөдөны ыджыд пекничаө. (Коми календар)

- Лыддыны сёрникузяссө, индыны кадакывъяслысь мортсө, лыдсө. Вайёдны тыр формаяссө.

1. Паччөр-пöлать вылын, труба сайын ылын Быдсө госьтьяс мян! Джаджъяс вывсянь пиян öшöдöмны кокъяс. (И. Куратов)

2. Тöда ме – морöсныд чукойн тыр көсиймөн, вöчанныд вöтъясысь збыль, Вежал му... петкöдчас выль (В. Лыткин)

3. Кытчö нö мöдöдчид, том войтыр, челядьяс? Чукөрөн-чукөрөн тэрыба мунанныд? Мöдöдчид югдöдны юр? (В. Лыткин)

4. «Лямпаöс сутшка ме туй бердас лымъяс, Кодыр тi Москваад тройканад воад, Сы серти тöданныд, кытöн ме лоа» – Пераыд шуис. (В. Лыткин)

5. Тiян зарни лун-вой эм на; Тiян олём югыд, лöнь; Тiян вылö бергöдчöмны Зиль синъяс рам нывъяслөн. (И. Куратов)

6. Мый тi бара венсяд, видчал, морта-мортлы пига мыччал. (И. Куратов)

7. Кöмтöм кока войтырöй, зорöд дорö верзьöмөн Турун юръяс ваялад Панласьöмөн, вензьöмөн... Сёйны пуксяд, вöвъяслы Нянтö джынсö сеталад... Урлысь сиктöд вуджöмсö Тi жö медводз казялад, Вöтлысяд да вöтлысяд, Дөрöмныд тшöтш вазылас. (А. Мишарина)

8. Сiмтö вушта кирпич пызьөн – Сiдзи, медым йöзыс шызяс. Кутад дзирдавын сэк бара. (В. Лыткин)

Кутшöм кывлөн формаясыс тöдчöны кадакыв формаяс вылö?

Кадакыв морта-лыда формаяс вылас тöдчöны подувпаслөн формаясыс: подувпассö петкöдлан эмакывлөн лыд да нимвежтаслөн морт формаыс, көть и кадакывйöн петкöдлан юөрпасыс да подувпасыс ашшөрöсь, некоднанныс оз зависитны öта-мöдсыс. Татшöм йитöдсö шуöны ладмöдчöмөн (координацияөн).

1. I да II морта öтка и уна лыда кадакывъяс ладмöдчöны подувпас–нимвежтасьяскöд: *Ме тöда – тэ тöдан, ми тöдам, тi тöданныд. Ме шыöдча тiян дiнö да кора вöтлыны Кöдзыд синмаöс, сылысь пеж ёртъяссö мян дiнысь. (И. Белых) Тi тöданныд, кутшöм ускöттö асланыс му вылын суис локтöмаясöс. (И. Белых)*

2. III морта кадакывъяслөн подувпасыскöд ладмöдчöмыс овлö зумыд и вежласяна, зумыда ладмöдчигөн и подувпасыс и кадакыв-юөрпасыс öтсыма формаынöсь, шуам: *Неважёнся шоньид зэръяс бöрын медводдз дона гобъяс бырснитöмаöсь. (И. Белых) Быд во видз вылö петöм бöрын мужичöйяс весавлисны ключ гöгöрсö, джуджыд юкмöс кодь кодйылисны. (И. Белых)* Вежласяна ладмöдчигөн

кадакывйыслөн лыд формаыс оз лөсяв подувпас лыд формаыс-көд; подувпасыс өтка лыдын, а кадакывйыс уна лыдын, шуам: *Бөръя кадас и карсаыс на вельмисны: локтöны быдпөлөс машинанас, да кутшöм туй вежö веськаласны, сэтчö и суйсьöны, тиак-вотөссьыд удзөдöны. (Г.Юшков) Ныв-пныс удитисны нин өтдортчыны бать-мамлөн керкаысь. (И.Белых) Сэки ладмөдчөм вылас төдчö подувпаслөн вежөртасыс: 1. Өтка лыда эмакывйыс петкөдлө унаөс, чукөр, шуам: Челядьыс лунтыр ислалöны. Йöзыс оз и петавны Өнөн ордысь; Шензöны, ваксьöны Москвас войтыр: Кутшöмкө морт ныргорөн узьö. (В.Лыткин) 2. Ставөн, быдөн, код-сюрö нимвежтасыс, шуам: Быдөн уджалисны окотанырысь. Ставөн петисны дорйыны кар. (В.Лыткин)*

Тшөкыда паныдасылө кык нога ладмөдчөм: подувпас форма сертиыс и вежөртас сертиыс, шуам: *Нель чоя-вокаыд уджалис зия. (В.Лыткин) Уна йöз чукөрмис узьысь морт динö. (В.Лыткин) Ворсö му выв. Шензö войтыр, Сьөлөм нимкодьлунөн ойдис. (В.Лыткин) Кызкө-мыйкө куйм вокаыд Кималасөн, бау кокөн Кавшасисны гöра йылөдз. (В.Лыткин) Гусянь-позсянь шуö зверьид: «Миян кокным пельк и тэрыб... Быдөн косяд эськө петис...». (В.Лыткин)*

Велөдчысыяслы позьö вöзйыны татшөм уджъяс:

- Төдчөдны кадакывъяслысь подувпаскөд лыд сертиыс ладмөдчөмсö.

1. Сэккості туй бокын сулалігөн Öльөксан дорö орчча козья вөр ді боксянь матыстчисны кык мужичöй. 2. Öльөксанлы медводзсянныс эз воны сьөлөм вылас тайö войтырыс. Код төдас, мыйла. 3. Со тадзи уна во оліс, вöраліс ты дорын Морт аслас пияныскөд. А сэсся пияныслөн нин пияныс көзйичайтисны тыбердса пармаын. И эз бырлы татысь звер-пөткаыс. 4. Берег пөлөн быдмыліс тырмымөн васа турун, кодөн пөткөдчылісны тани шойчысь лэбач-пөтка. 5. Вочасөн өткымын юсь, дзодзөг да утка гоз овмөдчисны некодлы на төдтөм вöрса ты вылас. 6. ... Сійö август заводитчига сиктысь медбөръя крепид мужичöйяссö босьтисны ыджыд война вылө. Колисны сөмын челядюлов. 7 И батя-пия сэсся öта-мөдныслы тшөктытөг кутісны ректыны машинаысь көлуйсö да мыйсюрö пыртлыны керкаö. (И.Белых) 8. Ставыс кыз синваөн бөрдзис, Сьөлөмас быдөнлы мөрчис, Татшөм юөр кыліс кор. Коді виысьöс оз ёр? Ставыс горзö, ставыс корö: «Петля морт

виысьлы, смерть!». 9. Быдман да йӧз костӧ петан кор, Оз нин ло сідзи: Быдӧн сэн тойыштӧм вӧзйӧ – Лэптыныс некод оз кӧсйы. 10. Лӧсьыд олӧм воас, Узьысь войтыр чеччас, Сэки нин тэ узян, сэки вӧлись шойччан! 11. Менам дона тасьтӧ-паньӧй!.. Олӧм зэв бур лоӧ тӧян... Сімтӧ вушта кирпич пызьӧн. Сідзи, медым йӧзыс шызяс. 12. Уна йӧз чукӧрмис узьысь морт дінӧ. Шензьӧны, ваксьӧны Москва войтыр. (*В.Лыткин*) 13. Пыр жӧ вӧлімӧ ми шаньӧсь... Ми эг кужлӧ гусясьны, воас йӧз и мян пачысь Шыд-рок кыскавлывліс ачыс. (*И.Куратов*) 14. Коді тӧдлӧма сиктсаыс войнасӧ, мыйлакӧ нелямын нельӧд восӧ лыддьӧны медся сьӧкыднас. (*Г.Юшков*)

- Индыны, эм–ӧ керӧмсӧ вӧчысь петкӧдлан кывйыс торйӧдӧм кадакывьяслӧн. Кӧні сійӧ колӧ, кӧні оз ков. Мыйла?

1. Дерт, зэв ме тӧдча... Дерт, эг вӧвлы ме поэт, Кӧть и шулісны поэтӧн Школасянь. (*И.Куратов*) 2. – Вӧр пилитан завод карын зымкнитӧмаӧсь, – ыштӧкӧ тӧд вылас уськӧдіс Пиок Витень, кор эштӧс кыв-ворыс. (*Г.Юшков*) 3. Пиок Витень сола тшаксӧ на мамыслысь ошкыштӧс, вомад пӧ сылӧ, татшӧм посни рыжиктӧ пӧ сарлы вылӧ Комисьыд вотлывлӧмаӧсь. (*Г.Юшков*) 4. Челядьдырйиыс на видз вылын уджалігӧн Кузь тысьыс васӧ босьтлісны пусьыны да чай пузьӧдны. (*И.Белых*) 5. Ӧні ӧд сӧмын тракторӧн ытшкӧны-куртӧны да кос турунсӧ веськыда ферма дорӧ катлӧны. (*И.Белых*) 6. Кайтӧм сабриӧн нимтывлісны тайӧ видзсӧ, сылӧн [Аркадь] челядьдырйи на. И «мыжаӧсь» таысь вӧліны буретш найӧ, челядюлов. (*И.Белых*) 7. Сэся коркӧ сиктын стрӧитісны выль клуб. Вевт улӧдз нин вайӧдісны. Радлуныс мыйта вӧлі сиктсаяслӧн. (*И.Белых*)

- Индыны кадакывьяслысь кадсӧ, мортсӧ, лыдсӧ. Тӧдчӧ-ӧ керӧм вӧчысьыс?

1. Важсьыс кольӧмаӧсь, выляс абу воӧмаӧсь. 2. Бур кӧзаянӧс вӧв сертиыс тӧдӧны. 3. Гриваын Илля лунӧ ен джаджйӧ пунктӧны выль урожайысь зӧр, ид да рудзӧг кӧйдыс. 4. Илля войӧ пӧ позьӧ мынтӧдчыны градвывса йӧнысь. Сійӧс ытшкӧны сотчӧм гормӧдчанӧн. 5. Вичкоын служба нуӧдӧм бӧрын ывлавылын куимысь пищальысь лыйӧны енэжӧ. 6. Висерын Илля лунӧ начкӧны мӧскӧс, пуӧны яйсӧ да сеталӧны йӧзлы. 7. Петыр лунӧ энвотчылӧны турун пунктӧмысь. Уджалӧны пажынӧдз, а сэся воӧны гортас ылысса видзьясысь пывсьыны да петырлунасьны. 8. Бурдӧдчигъясӧн Иван

лунё чукөртөм корось корьяссө пөжөны пөсь ваын да юёны кы-
зөмысь. 9. Иван лунся рытсө уналаын шуёны Купальнича лунөн.
Сэки медводдзаясь пывсёны кызд пу корөсьөн, содтөны купаль-
нича чвет либө кольквиж рёма дзоридзьяс. 10. Заравасө вийөдоны
тулыснас кызд пуысь да чукөртөны туйсө. (*Коми календар*)

• Индыны, көні III морта өтка и уна лыда кадакывйыс петкөд-
лө торья керөм вөчысьёс. Көні и мыйла сийө быть колана?

1. Лун шөр шойччыны тай водлас, Шондысь оз яндысьлы.
(*И. Куратов*) 2. Шензёдө быд йёзөс асөн. Нималө став Изьва-
тасын вема мортөн. (*И. Куратов*) 3. Лёсялим – и синъясөс Көрталө-
ны чышъянөн, Көрталөны, ноксёны зэв, Мед ог аддзы нинөм ме.
4. Шонді кусөдіс И оз ломзёд мем төлысь-кодзувсө. (*И. Куратов*)
5. Турдытөдз исласисны мөд луннас. Кальё Коля гортөдзыс эз нин
и во, Васьякаяс ордө жө пырис. Кайисны паччөрө да чужйөн чөс-
масисны шонтысигмозныс. (*Г. Юшков*) 6. өні, мөвпала да, мыйысь
эськө и вөлі яндысьнысө. Челядь на өд сэки вөліны да, дерт, челядь
руаёсь. (*И. Белых*) 7. Ставыс тані, Эжва ковтысын, вөлі зэв төдса.
Көть куньса синмөн эськө прөйдитіс и өтарө и мөдарө. Со эсийө
кустьяс сайсьыс коркө көчьясөс повзёдіс. (*И. Белых*) 8. Асланыс
карса патераясысь челядыс көть оз и петавлыны. А воylvлөны
кө нин батыслөн вадорса гожея керкаас, сөмын шойччыштны
да гажөдчыштны. Ёнджыкасө бать выланыс на надейтчөны.
9. Сетісны Олюксанлы мотора пыж да шуисны: кыйөд бакеньяс
бөрся да видзөдлывлы ляпкыджыкиньясын валысь джудждасө.
10. Паськыд Эжва увлань пыр на кылөдлывлісны гырысь пурьяс.
11. Көть кызди эз велөд өлюксан ассьыс челядсө вөрті да ваті вет-
лыны, найө сідзи эз и велавны. Челядьдырйиис тай вуграсьыштіс-
ны да вотчыштісны на мыйкө мында, а верстяммисны да веськодь
лои налы вөрыс. 12. Сэсся посёлоксө шуисны пөдлавны, вөрыс
бырис да. (*И. Белых*)

Морттөм кадакывьяс

Кадакывьяс системаын эмось морттөм формаяс. Велөдчан
небөгас налы сийма торья юкөн и колана ногөн төдчөдөма мор-
таясысь торьялөмсө. Велөдысьлы, дерт, паськыджыка колө на
вылө видзөдлыны. Морттөмлун – грамматикаын сэтшөм пет-

көдчөм, кор керөм вөчысьсө оз позь индыны. Грамматика боксянь абу төдчөдөма нимтан вежлөгөн.

Тайө кадакывьясыс морт серти оз вежласьны. Налы лөсялөны аслысьяма вежөртасьяс да синтаксис признакъяс. Морфология боксянь найө вермөны лоны өткодьөсь III морта вежлясян формаа кадакывьяскөд: *Вугрөдлө энь сюзьөс. (Г.Юшков) Нюмъялө ывлаыс, Сералө вак-вакөн... Меліа ме вылө видзөдө... Шы ни төв. Лөнь. Шондіа. Пөжө. Пөсь. (В.Лыткин)* Торйөдөм кадакывьясыс лоөны морттөмөн, нимтан вежлөга керөм вөчысьыс на бердын абу и оз ков. Тайө вежөртасьыс некыз оз петкөдлысьсы, торья суффикс абу.

Мортаясьсыс найө торьялөны вежөртас сертиыс. Öтияс петкөдлөны вөр-васа лоөмторьяс, морт гөгөрын вөвлөмторьяс: *Асыв-сянь кымрасьө. Руалис. Чардалис.* Мөдьяс петкөдлөны мортлысь состояниесө: *Кынтө мыйкө менө. – Эн ыкшась, эн. Кодкөлун на вөлі норасян, сьөлөмөс пө топөдлө. (Г.Юшков)* Морттөм вежөртасын зэв тшөкыда паныдасьлөны **-сь** суффикса пассивной вежөртаса кадакывьяс: – *Но, – шыбитіс Ардальон вуштан сёркнисө да котөрөнсорөн пырис гортас. Öдйөджыксь сьлөн эз котөртсьы: Кача сөчөныйд тай коть кодөс ньөжмөдө. (Г.Юшков)*

Сідзжө **-өм** суффиксаяс: *Сэсся юрөн нин мед вөлі олөма. (Г.Юшков) А батьыслы бура на мойвиөма вөрас: кык тулан вайис лаз нопяс. (Г.Юшков)*

Вежлясян кадакывьясысь найө торьялөны синтаксической признакъяснас и артмөдөны грамматика подуvsө өти юкөда морттөм сёрникузяслысь. Мукөд кывьяскөд йитөдыс налөн абу паськыд, этша кывкөд овлөны, шуам: *Асывнас кыза лысваалис. Рытланьыс войтөвтіс.*

Мукөд морттөм кадакывйис, өнджыкасө состояние вежөртасаясыс, босьтөны ас дорас:

1) керан вежлөга кывьяс: *Сыв кыза пучера джуджыд коз сулаліс База туй бокин, да сы дінө и кезжөдіс Прокө Васькаөс. (Г.Юшков);*

2) сетан вежлөга кывьяс: *Шуны кө, вывтiasьөмөн на чайтсьыліс Васькалы тадзисө асьсө ышөдөмыс. (Г.Юшков) Тэня дувмунлі, быттьө вежөр вывсьыс вошліс, и Вириня өдйөджык восьлаліс сы дінысь чукльөдлөмөн, сетчис нөрыс дорөслань, көзяинлань, кытысь Тэнялы аддзысьөма нин сійөс. (Г.Юшков);*

3) асалан вежлөга кывъяс: *Самаринлөн руасьліс жё син водзас яндзимысла. (Г.Юшков);*

4) керанторъя вежлөга кывъяс: *Сьöd сэтөр көрөн өвтыштис шор дорсяньыс.*

Морттөм кадакывъяслөн зэв ыджыд позянлуныс быдсикас модальной рөм петкөдлөмын:

1) мортлысь мый вылө кө шензьөм: *Ылөдз нин мунсьөма;*

2) действиесө көсийтөг, төдлытөг вөчөм: *Ревеккалөн гораа шусис да с.в.;*

3) керөмсө быттьө абу висьталысьыс вөчөма: – *Ме бара некытчө ог вөрзъы. Кытөн чужөма да олөма, мед сэтөн и кула. (Г.Юшков)*

Велөдчысьяслы позьө вөйиыны татшөм удж:

• Индыны, вежласьөны-ө торйөдөм кадакывъяссыс морт серти.

1. Кар сайө тай кызъя менам петсьөма, Кодыр йөзлөн шондi вөлі лэччөм. (И.Куратов) 2. Уджтөг оз нин овсы сылөн, Уджтөг зэв шог пөчлы. (И.Куратов) 3. Илля лунө век гымалө да чардалө.

4. Латкин лыбөдчис джек вылысь... Но эз удит кусөдны сисьсө, кодкө локтысь лои сы динө... «Кодөс нин кыскалө?» – мөвпыштис Латкин. (Г.Юшков) 5. И кызди тай мукөд пуыс оз-оз дай дзуркнитлө, төладжык лунө, сідзи жө кузяла дзугльөдліс туяс Латкинөс. 6. Мичаалис гожөмыс. Эз пөж, а оняліс: луннас шоньд зэрөн пызйыштавлис вой улас. 7. Тамара лөгасьөмакодъ пукаліс, куткырасис, быттьөкө кынтө сійөс. (Г.Юшков) 8. Шуйга пеляд кө тіньгас – шог юөр воас, а веськыдад – бур юөр. 9. Илля лун гөгөр сютө кынтө. 10. Чипанъяс кө зэр улын кокасьөны – дыр зэрас. 11. Петук кө кок пөв йылас сулалө – көдздөдас.

• Вежны, көні позьө, торйөдөм зумьд кивтэчасьяссө кадакывйөн, сувтөдны колана кадө, мортө, лыдө.

1. Пөрысь потшөс ковакылө, Кусысь петө коньөрыд – ывлывылын жөдзыд сылы. (И.Куратов) 2. Кулас жө өд сійө [Яг морт] коркө! – «Кыз тэ төдан, мый эз кув?» – «Ме ог төд, мый сійө куліс». – Вокъяс, каттьөй сылысь сюв, Сэсся вөлісь шуө: «куліс». 3. Дас вит арөс меным тырис, Сөмын воис кад и вын – Мый нө бара меө пырис? Удж оз кутчысь киясын. 4. Томдырйи сідз тай арталан,

вокö! Он курччы гырлдзатö, матын көть лёка! (*И. Куратов*) 5 Мися жö, комибс быдöн долыда оліс, качсö эз кульы, ни эз казакавлы некодлы. Вай эн гöгрöдлы менö аслад мыр гөгөр. 6. – Гөстимöй делö! – ливкнитіс мамыс. – Вөрзясджык сёрниыд, а то быттьöкö мыр бертанныд. (*Г. Юшков*) 7. – Кывзы, Максим! Эм тэнад төлкыд и сямыд... Верман бура велöдчыны, да весиг нималана мортөн лоны, сöмын ва нылыдыд эн мун. 8. Лөгысла и шöйöвошöмысла Латкин воштыліс сійöс син водзсыс. Сьöд вирөн тырлі юрыс, кызди эськö сиктын висьталісны. 9. Сяммис ли эз на, а сьöлöмсö быдлаö пуктіс Тоняыс, битөг пуис, комиөн зэв öдйö велаліс швачкыны, сійөн и Васькалы сьöлөм вылас пуксис. 10. И збыльысь пытш быттьö пырис йöзыслы, мыйөн Васька висьталіс, кызди сэсся пуктас уджсö. 11. Мый нö, янöдас сэсся Тоняыс карсö? Дзирнясысь гөтыр быть сэтчö колö? Ылö чөвтасянынд эня-пия кык вугырөн! Видзöдлам, коді шедö! (*Г. Юшков*)

Отсөг вылö: *скöравны; нöйтны; оз уджавсы; он бергöд; пöрйöдлыны; мудзны; кокньöдчыны; скöравны; зільны, тöждысыны, кажитчыны; ыззыны; бöрйысыны.*

Вуджан да вуджтөм кадакывьяс торйөдөм

Ичöt классьяслы тайö темасö уджтасын абу урчитöма. Сідзи жö и кадакывьяслысь залог категория (сёрнививзь). 7-öd классын вуджан да вуджтөм кадакывьяс понятиянас велöдчысыяс төдмасыöны медводдзаысь. Велöдысьлы колö бура думыштны, кызди позьö гөгөрвоанаджык төдчöдны, мыйла тайö темасö колö велöдны. Öд синтаксис тшупöдын кадакывьяслөн мукöд кывьяскöд йитчöмыс подулавсьö налөн **вуджан/вуджтөм** вежөртас вылö, а сідзкö, төдчö сёрникузяслөн тэчас вылас, шуам, *кыны – кыöдны – кысыны* кадакывьяс торьялöны синтаксис боксяныыс: *кыны кепысь, кыöдны (пöчлы) кепысь – кысыны емөн.*

Вуджан/вуджтөм кадакывьяс велöдöмыс отсалас челядьлы бурджыка гөгөрвоны кывьяскостса йитөд сикасыяссö, налысь тэчассö. Сідзкö, велöдысь төдчөдö тайö темасö велöдан паськыджык могьяс:

- төдмöдны вуджан/вуджтөм кадакывьяс понятиеөн;
- төдчöдны вуджан/вуджтөм кадакывьяс торйөдöмыслысь коланлунсö;

– тѳдмѳдны кыввор, морфология, синтаксис боксянь найѳс торйѳдан позянлунъясѳн;

– гѳгѳрвоѳдны залог (сѳрнивизь) формаяс артмѳдѳмын тѳдчанлунсѳ.

Вуджан/вуджтѳм кадакывъясѳн тѳдмѳдѳмсѳ позьѳ заводитны видлѳгъяссянь. Найѳс видлалѳмѳн велѳдысь вайѳдѳ челядьсѳ торья кывкѳртѳдѳ: уна кадакывлѳн кыввор вежѳртасыс оз ло тырвуйѳ гѳгѳрвоана, абу кѳ сы бердын эмтор вежѳртаса кыв, код вылѳ вуджѳ керѳм-вѳчѳмыс. Позьѳ босьтны татшѳм кывчукѳр: *вайны, висьтавны, шуны, сѳйны, гѳгѳрвоны, лѳсьѳдны* да с.в. И корны лѳсьѳдны сѳрникузяяс, кѳнѳ эм сѳмын подувпас, ногапас, шуам: *Бать вайис вѳрысь. Челядь висьталѳсны велѳдысьлы* да с.в. Юалѳмьяс вылѳ вочавидзѳмѳн велѳдчысьяс воасны колана кывкѳртѳдѳ: сѳтѳм кадакывъяслѳн кыввор вежѳртасыс лѳѳ тырвуйѳ гѳгѳрвоана керан вежлѳга кывкѳд йитѳгѳн. *Бать вайис вѳрысь тшаак-вѳтѳс. Вайис* кадакывлѳн керѳмыс вуджѳ *тшаак-вѳтѳс* керан вежлѳга кыв вылѳ (объект). Сѳдзкѳ, сѳйѳ вуджана. Велѳдчысьяслысь позьѳ юавны:

– Кызѳи тѳ гѳгѳрвоанныд сѳтѳм кадакывъяслысь вежѳртассѳѳ? (Вайны – кѳ босьтѳмѳн мыйкѳ, кытыськѳ, кытчѳкѳ нуны);

– Кутшѳм содтѳд вежѳртас налѳн петкѳдчѳ? (кыввор вежѳртасас пырѳ тшѳтш, мый вылѳ вуджѳ керѳмыс);

– Мый тѳ вѳчинныд, мед налѳн вежѳртасыс вѳлѳ тырвуйѳѳ? (керан вежлѳга кывкѳд йитѳм);

– Тырмана-ѳ шуны: – *Ме гѳгѳрвои... Бать вайис... ме висьталѳ...* да с.в. (Абу тырмана: кадакывъясыс вуджанаѳсь, быть корѳны керан вежлѳга кыв (содтанпас).

Сэсся босьтны мѳд кыв чукѳр, шуам: *пырны, пукавны, узьны* да с.в. и наѳн артмѳдны кывтѳчасьяс да юавны:

– Вермасны-ѳ лоны на дорын керан вежлѳга кывьясыс? (оз, тайѳ вуджтѳм кадакывьяс);

– Тѳдчѳ-ѳ кадакыв формасыс, колѳ содтанпасыс либѳ оз ков? (Кыкнан чукѳрас сѳтѳм кывьясылѳн оз тѳдчы).

Велѳдчан небѳгас сѳтѳм уджъяссыс велѳдчысьяс торйѳдѳны **-т, -ѳд, -сь** суффикстѳм кывьяссѳ кык чукѳрѳ: вуджан да вуджтѳмьяс вылѳ. Содтѳд юавны: кызѳи торйѳдѳсны, мый серти? Мыйла колѳ тѳдны вуджан али вуджтѳм кадакывйѳс? (Медым тѳдмавны, артмѳны-ѳ **-ч, -сь; -ѳд, -т** суффикса формаяс), шуам: кыпѳдны (мый?) – кыпѳдчыны, кывзыны (мый?) – кывзысьны да с.в.

– Кызди вежсьо кадакывйыслон вежлӧга кывъяскӧд йитчанногыс? (вуджанаыс йитчӧ керан вежлӧга кывкӧд, вуджтӧмыс – косвеннӧй вежлӧга кывъяскӧд);

– Кызди вежӧны **-ӧд, -т** суффиксыясыс кадакывьяссӧ? (вуджтӧмыс пӧрӧ вуджанаӧ).

Тайӧ аслыспӧлӧслунсӧ видлалӧм вылӧ видлӧгьяссӧ сетӧма велӧдчан небӧгас. Сӧмын колӧ корны челядьӧс торйӧдны **-ӧд, -т** суффикса кадакывьяссӧ, лӧсьӧдны наӧн кывтэчасьяс, видлавны налыс артманногсӧ да гижны параӧн подув формаыскӧд, шуам: *повзьӧдны – повзьыны, торйӧдны – торьявны, пыртны – пырны* да с.в.

Быть колӧ тӧдчӧдны **-ӧд** суффикслыс вежӧртасьяссӧ. **-ӧд** суффикс вермӧ лоны кыв артмӧданаӧн, шуам: *кӧмӧдны, пасьтӧдны, дӧрӧмӧдны, чышьяӧдны* да с.в. Та дырйи сийӧ артмӧдӧ кадакывсӧ и вуджан вежӧртассӧ. Велӧдчысыс вермасны сорлавны найӧс кывбердыс **-ӧд** суффиксӧн артмӧм кадакывьяскӧд, шуам, *вижӧдны, гӧрдӧдны* да с.в., кодьяс лоӧны вуджтӧмӧн.

-ӧд суффиксӧн артмӧны **-ч, -сь** суффикса вуджтӧм кадакывьясыс вуджана кадакывьяс, шуам: *вӧрзьыны – вӧрзьӧдны* (вуджан) – *вӧрзьӧдчыны* (вуджтӧм) – *вӧрзьӧдчӧдны* (вуджан). Вуджтӧм кадакывсӧ **-ӧд** суффикс вермӧ кык пӧв пӧртны вуджанаӧ, шуам: *бергавны – бергӧдны – бергӧдчыны – бергӧдчӧдны; бурдны – бурдӧдны – бурдӧдчыны – бурдӧдчӧдны* да с.в.

Велӧдчан небӧгас сетӧм таблицасӧ велӧдчысыяскӧд позьӧ стӧчмӧдны да юалӧмьяс серти велӧдмтор йывсыс вӧчны кывкӧртӧд.

Вуджан кадакывьяс			Вуджтӧм кадакывьяс		
суффикс-тӧм кыввуж	-ав суффикса	-ӧд, -т суффиксаяс	суффикс-тӧм кыввуж	-ч суффикса	-сь суффикса
Кыйны	Серпасавны	Бырӧдны	Мунны	Вотчыны	Дзессыны
Пуны	Маавны	Лэчӧдны	Мудны	Видчыны	Ноксыны
Вайны	Чолӧмавны	Куштыны	Дӧзмыны	Сетчыны	Кульсыны
Шыбитны	Куранавны	Содтыны	Узыны	Вӧтчыны	

Кывкӧртӧд.

– Мый тӧдмалінныд вуджан да вуджтӧм кадакывьяс йылыс?

– Мыйла колӧ кужны торйӧдны найӧс?

- Мый серти позьö тöдмавны найöс?
- Вермас-ö вуджтöмыс лоны вуджанаөн, вуджанаыс вудж-тöмөн.

Велöдысь вермас содтöд висьтавны, мый вуджан кадакывъ-яссö позьö тöдмавны нöшта **-ав** кыв артмöдан суффикс серти, а вуджтöмьяссö **-ась** суффикс серти, шуам: *пызьявны (шyd)*, *нöкъявны (рок)*, *кузявны (дöрöм)*, *куснявны (сутуга)*, *соскавны (платтьö)*, *нёнявны (кампет)*; *чышьянасьны, нопьясьны, öдйöасьны* да с.в.

Петкöдчö нöшта сэтшöмтор, мый öти и сийö жö кадакывийыс вермö лоны вуджанаөн и вуджтöмөн. Татшöмыс овлö уна вежöртаса кадакывьяслөн. Öтияс став вежöртас сертиыс лоöны вуджанаөн, шуам: пуктыны – 1) ~ *пызан вылö небöг*; 2) ~ *турун*; 3) ~ *керка*; 4) ~ *кырымпас*; 5) ~ *картупель*; 6) ~ *лыа (ю йылысь)*; 7) ~ *тув*; 8) ~ *дозйö ва*; 9) ~ *дöмас*; 10) ~ *пуктыны* ним да с.в.

Мöдъяс оз став вежöртасас лоны вуджанаөн, шуам: биавны – 1) вуджан – *сартас биавны*; 2) *лампа биавны*; 3) вуджтöм – *кагаыс биалö*; 4) вуджöдöм вежöртасын вуджтöм – *кывтö паныд шуан, да пыр и биалас*; уджавны – 1) вуджтöм – ~ *горт гöгөр*; 2) вуджан – ~ *кер*; 3) вуджан – ~ *видз-му*; 4) вуджан – ~ *нинöм абусö*; шердйыны – 1) вуджан ~ *шydöс*; 2) вуджöдöм вежöртасын вуджтöм – *шердйыны* – *мунны* да с.в.

Тайö аслыспölöслун йывсьыс тöдмалöмсö вынсьöдöм могьсь «Коми – роч кывчукöр» небöг серти позьö сетны татшöм удж:

- Тöдмавны, позьö-ö сетöм кадакывьяссö стöча шуны вуджан либö вуджтöмөн.

Казьявны, юавны, удитны, шутьлявны, шуны, шогавны, шötны, югдыны, шыбитны, эштыны, шуркнитны, мунны, сины, чöвтны, чуксавны, чирйыны, чинтыны.

- Индыны, лоöны-ö кадакывьясыс тырвийö вуджан либö вуджтöм.

Пуны – 1) *шyd* ~ 2) *ваыс пуö* 3) *кодзувкотыс пуö* 4) *уджыс пуö* 5) *удж вылад пу* 6) *эн пу*, *успокоитчы*; сынавны – 1) *юрси* ~ 2) *зорöд* ~; усьны – 1) *гуö* ~ 2) *зэр войт эз усь* 3) *лым улö усьны* 4) *лысва усьö* 5) *сюмöд усьö* 6) *туйыс усис* 7) *шорьяс усьöны юö* 8) *йöз син водзын усьны* 9) *чиныд оз на усь*; чегны – 1) ~ *бедь*

2) куран вороп ~ 3) кок ~ 4) вуджөдөм вежөртасын – бордтө регыд чегасны тэнсьыд 5) кольк ~ 6) коскөй чегөмөн чегө (вуджтөм).

Тайө уджъяссө вөчөм бөрын лөсялө вөчны кывкөртөд, мый вуджан/вуджтөм кадакывъяссө позьө төдмавны и кыввуж вежөртас сертиыс, кор абуөсь **-т, -өд, -сь** суффиксьясыс.

ЗАЛОГ КАТЕГОРИЯ ВЕЛӨДӨМ

Велөдчан небөгас тайө темаыс эм, пыртөма лөсялана уджъяс залог вежөртас артмөдөм вылө, кадакыв тэчас видлалөм вылө. Кадакыв тэчасас петкөдчөны, шуам, **-ч, -сь** суффиксьясыс, и найөс торйөдигөн быть колө төдчөдны вежөртассө, шуам, мыйөн торьялөны **мыськавны** и **мысьыны**, **дзэбны** и **дзэбсьыны**, **вотны** и **вотчыны**. Велөдчан небөгас вайөдөма залог формаа кадакывъясөн сёрникузяс. Позьө гижөдны кадакывъяссө подув формаыскөд орччөдөмөн.

Велөдысьлөн могъяснас вермасны лоны татшөмьяс:

- төдмөдны залог вежөртасьясөн;
- төдмөдны залог сикасалөмөн;
- петкөдлыны залог сикасьяслысь кыв тэчас боксянь торьялөмсө;
- төдмөдны возвратнөй кадакывъяс вежөртас сикасьясөн;
- велөдны торйөдны залог формаяссө;
- петкөдлыны залог формаа кывьясөн вөдитчанногьяссө.

Водза юкөнас видлалим вуджан да вуджтөм вежөртаса кадакывъяс велөдөм. Тадзи кадакывъяссө юклөмыс зэв топыда йитчөма залог грамматика категориякөд, кодэ төдчөдө керөмыслысь йитөдсө керөм вөчысьыскөд да керөм улас сюрөм эмторйыскөд. Видлөгьяс вылын велөдысь петкөдлө, кутшөм сикас йитөдьяс, отношениеяс петкөдчөны коми кывйын, шуам:

Нылыд ветьок корсьө кыськө, Бура ставсө чышкө-мыськө. Öдзөс дзирйө кысьтис сир: эз кут дзуртны öдзөс дзир. Мелөн мавтис пач, Вуштитс-чышкис чугун-рач. (В.Лыткин)

Тайө юкөнас став кадакывйыс вуджан. Керөм вөчысьыс (субъектыс) петкөдлөма грамматика боксянь нимтан вежлөгөн,

кодi сёрникузяс лоо подувасён. Сылён керомыс вуджё, веськё-
дёма мёд эмтор вылө, кодос петкөдлөма керан вежлөгөн.

нылыд →	корсьö →	ветьöк
нылыд →	мыськö →	ставсьö
нылыд →	кисьтiс →	сир
нылыд →	мавтiс →	пач
нылыд →	вүштiс-чышкис →	чугун-рач

Сидзкё, кадакывьясыс вермёны петкөдлыны öти эмтор-
лысь керомсö мёд эмтор вылө веськөдөм-вуджөдөмөн. Татшөм
кадакывьяссö шуоны **веськыд (действительной) залогаөн**. Найос
пасьян торья суффиксыс абу. Веськыд залогаөн лоо став вуджан
кадакывийыс. Налы лөсялө кером вöчысь → кером → кером улө
веськалөм эмтор схема.

Возвратной залога кадакывьяс

Возвратной залог велөдигөн поэть сетны челядылы татшөм
юалөмьяс:

- Кывлинныд-ö кадакывьяслөн залог йылысь?
- Мый төдмалинныд сы йылысь роч кыв велөдигөн?
- Мый төданныд возвратной залога кадакывьяс йылысь?
- Кызди найö артмёны, вуджан либө вуджтөм кадакывья-
ясысь?

– Торьялөны-ö вежөртаснас **-сь, -ч** суффиксыас? Мыйөн
торьялөны? (тайö суффиксыасыс вежөртаснас оз торьявны, сөмын
-сь-ыс важджык, **-ч**-ыс лоис сыысь т, д шыяс бөрын).

Велөдысь төдчөдө, мый возвратной залога кадакывьяслөн
коми кывийын эмөсь найос торийөдан формаяс **-сь, -ч** суффиксыас.

-сь суффиксыс важсяджык, сыысь лоис **-ч**, орччөдам: *Менам
талун нинөм оз вöчсьы и Кöч бөрся вöтчыс кöин. -сь*-ыс взрывной т, д
бөрын лоис **-ч**: *мөдöдчыны, вöтчыны*. Возвратной залога кадакывья-
яс артмёны вуджан кадакывьясысь. Видлөгьяс вылын колө пет-
көдлыны налысь вежөртасьяссö, шуам: *Сэсся лючки ставсьө мыськис
(Дарья), сөстөм кузьчышьянөн чышкис. (В.Лыткин) Кузь туй бө-
рад тэ гортö жугыль локтан, Эжва ваён öдийö мысьян. (В.Лыткин)*
Воддза видлөгяс керомыс тырвийö йитчө кером вöчысьыскөд и
кером улас сюрөм эмторийыскөд:

Даръя → мыськис → (чышкис) → ставсö. Мöд видлöгыслы тайö схемаыс оз лöсяв: керöм вöчысьыс – эм, керöмыс – эм, но абу и оз вермы лоны эмторйыс, код вылö веськöдöма керöмыс:

субъект (тэ) мыссян ←→

Сидкö, возвратной кадакывьяс петкöдлöны керöм, кодi абу веськöдöма торъя веськыд объект вылö, керан вежлöга содтанпас вылö: керöмыс быттьö йöршитчöма керöм вöчыяс. Возвратной залага кадакывьяс чукöрын вежöртас сертиыс торъялöны:

1. Тырвийö возвратной вежöртасаяс: *керöм вöчысьыслөн керöмыс ас вылас жö и веськöдöма: шильöдчыны, сикöтшасьны, бытшкысьны, сынасьны, пöрчысьны, кöмасьны, мыссьыны, косьтысьны, тшашитчыны.*

Керöм вöчысь (тэ) = объект (ачымöс, асьтö, асьсö) → керöм-вöчöм.

Тайö тöдчö суффикссьыс да кадакыв вежöртассьыс, торъя кывйöн оз петкöдлысьы.

2. Абу тырвийö возвратной вежöртасаяс, кодъяслөн керöм-вöчöмыс оз вудж веськыд объект вылö и оз бергöдчы субъект вылас: *кывзысьны, донъясьны* и с.в. Найö петкöдлöны уна сикас вежöртас:

а) действиеыс вöчсьö керöм вöчысь пöльза вылö: *ньöбасьны, леститчыны, лыддьысьны, велöдчыны;*

б) керысь вежöрын лöны пытшкöсса вежсьöмьяс: *лöгасьны, дивуйтчыны, думышитчыны, жугыльтчыны;*

в) субъект керöмын, состояниеын лöны ортсыса вежсьöмьяс: *бергöдчыны, матыстчыны, уськöдчыны, дзебсьыны, мыджсьыны, лэдзчысьны;*

г) субъектыслөн керöмыс лöма торйöдана пырся аслыс-пöлöслунöн: *орьясьны, сьöласьны, люкасьны, ылöдчыны, увтчыны, сорласьны;*

д) мортлөн керöмыс лöма быдлунся уджөн: *кыйсьыны, вурсьыны, пöжасьны;*

3. Кык либö некымын морт костын овлан керöм, кодöс вöчöны быдөн öттшöтш и быд керысьлы инмö мукöдыслөн керöмыс. Öти керысьыс петкöдлысьсö нимтан вежлөгөн, а мукöдыс – öтвывтан вежлөгөн: *пиньясьны, тышкасьны, сёрнитчыны, паныдасьны, киасьны, торйöдчыны, венласьны, сывьясьны;*

4. Пассивно-возвратной вежортасаяс петкөдлөны керысь төдлытөг, көсийтөг вөчөм действие. Вермөны артмыны вуджан и вуджтөм кадакывьясысь **-сь** суффиксөн: *овны* (вуджтөм) – *овсьыны*; *петны* (вуджтөм) – *петсьыны*, *сьывыны* (вуджан) *вьльсьыланкыв* – *сьывьсьыны*. Тайө кадакывьясыс лоөны морттөмөн. Збыльвывса керысьыс петкөдлысьсө либө сетан, либө асалан вежлөга кывйөн, коді сёрникузаяс мунө содтанпас туйын: *Кутишөм яра сьөлөм йөктө, Вирөй ворсө, овны тишөктө! Кутишөм кокныыда мем овсьө, Кулөмысь оз весиг повсьы.* (В.Лыткин)


5. Страдательной вежортаса кадакывьяс петкөдлөны действии, кодөс вөчысыс, нимтан вежлөга подувпасыс оз ачыс вөч, а терпитө сийөс збыльвывса вөчыссяныыс, кодөс петкөдлөма керанторья вежлөг формаа содтанпасөн. Артмөны **-сь** суффиксөн и овлөны сөмын III морта өтка и уна лыдын: *Карса уличаяс югдөдсисны уна рөма лампочкаясөн.*

Зэв кокниа татшөм сёрникузаяссө позьө вежны веськыд залога кадакывьяөн. Велөдысьлы колө кутны төд вылын, мый **-сь** суффикс вермө петкөдлыны керөм помасьөм, сэки сийө оз кут залог вежөртассө и лоө керөм мунанног петкөдлан суффиксөн, шуам: *няныыс вартсис нин, туруныс куртсис мяян, зорөдыс тэчсис мяян.*

Вөчөдан (понудительной) залога кадакывьяс

Тырвийө вөчөдан залог петкөдлө, мый керөмсө вөчө керысьыс оз ачыс, а тшөктө кодөскө. Артмө **-өд** суффиксөн вуджан и вуджтөм кадакывьясысь: *гижны* – *гиж-өд-ны*, *вур-ны* – *вур-өд-ны*, *лыддьыны* – *лыддь-өд-ны*.

Тайө кадакыв формаясыс петкөдлөны керөм, кодөс өти керысь тшөктөм серти вөчө мөд керысь, кодөс вермас лоны петкөдлөма сетан вежлөгөн. Мөдсө, збыль керысьсө, унджыкысьсө кутам юрын: *Ме вурөді вьль платтьө* (кодлы). Петкөдлам схемаын:



Татшом кадакывьясыс век вуджанаось: *Ёна эськё и уджодли ме зня-пиаос* (Эня-пиа ёна уджалисны менам тшөктөм серти).

Вөчөдан залога кадакывьяс чукөрын торъялөны:


1. Тыврыйө вөчөдан вежөртасаяс, кодьяслөн керөмыс лөсялө мортлы: *көмөдны, пасьтөдны, юктөдны, дорөдны*;

2. Мырдөн вөчөданаяс: *котөртөдны, уджөдны, пукөдны, сулөдны, мөдөдны*.

3. Вөчөдана-вуджөданаяс, кодьяслөн вөчөдан вежөртасыс кусөма. Найө кутөны сөмын вуджан вежөртас. Артмөны вуджтөм и вуджан кадакывьясысь **-өд** и **-т (-д)** суффиксөн: *орны – орөдны, вешыны – вештыны, кусны – кусөдны, тырны – тыртны, чинны – чинтыны*.

Колө кутны төд вылын, мый **-өд** суффикс вермө лоны кыв артмөданаөн и залога суффиксөн өттшөтш, шуам: *көмөдны, пасьтөдны, дөрөмөдны*; либө сөмын кыв артмөданаөн: *вежөдны, гөр-дөдны*. Татшом кадакывьяслөн залог вежөртасыс абу. Велөдчысыяслы тайө аслыспөлөслунсө колө төдчөдны и вөчөдны торъя удж.

Мукөд кадакывсыс артмө кыкнан сикас вөчөдан вежөртасыс:

пукавны 

Некутшөм залогө оз пыртны татшөм вуджтөм кадакывьяс, кыздз: *мунны, уявны, чеччыны, гылавны, шонавны* и с.в. Татчө пырөны **-ч, -сь, -өд, -тө** суффикстөм вуджтөм кадакывьяс: *висьны, узьны, кынмыны, вөтавны* да с.в.

Тайө небөгас вөзьям татшөмсяма уджьяс:

- Висьтавны, кызди вуджан кадакывйис вермө пөрны вуджтөмө. Петкөдлыны сетөм кадакывьяс вылас. Артмөдны кывтэчасьяс. Төдмавны залогсө. Вөчны тадзи: *висьтавны кывбур* (вуджан, веськыд залога) и *висьтасьны мамлы* (вуджтөм возвратнөй залога).

Радейтны, чинтавны, сөвтны, куртны, шөравны, шырны, сёрнитны, дзэбны, видзөдны, кыйны, кыны, аддзыны, вештыны, разьны, кучкыны, чегны, манитны, сетны, өктыны.

- Торйодны кадакывъяссö торъя чукөръясö -öd суффикс вежөртас сертиыс.

Öдзöдны, банöдны, кокньöдны, кушöдны, гөрдöдны, долöдны, жергöдны, элöдны, косöдны, сайöдны, пуöдны, тыöдны, исöдны, пösöдны, эрдöдны, вурöдны, шедöдны, курöдны.

- Индыны кадакывъяс, көні -öd суффиксыс оз торъяв кивдинсьыс, төдмавны залогсö.

Гылöдны, видзöдны, вөтöдны, гажöдны, горöдны, гатшöдны, ышöдны, зурöдны, дзерöдны, пальöдны, вильöдны, гольöдны, зымöдны, жугöдны.

- Гижны торъя чукөръясö сöмын -т суффикса кадакывъяссö, төдчöдны вежөртассö. Гөгөрвоöдны торйөдөмсö?

Пöлыньтны, пестыны, гудыртны, öтдортны, пактавны, вевтыртны, быдтыны, вартны, куртны, пöртны, эштыны, öктыны, ректыны, öтувтны, чукöртны, письтыны, пöльтны, пашкыртны, ружтыны, чуктыны.

- Индыны залогсö да артманногсö сетöм кадакывъяслысь.

Гөгөрвоöдны вежөртассö, кодлы либö мыйлы лöсялöны керöмъясыс.

Агсасьны, номйöссыны, аклясьны, кырымасьны, сөйöссыны, лымйöссыны, муöссыны, көмасьны, руасьны, вөтасьны, беринöссыны, бусöссыны, серöссыны, пöлясьны, аттьöасьны, весасьны, кокниасьны, вывтиасьны, кымрасьны, висьтасьны.

- Висьтавны, вермас-ö öти и сийö жö кадакывйыс лоны вуджанаön и вуджтöмön, возвратной и вöчöдан залогаön. Быд кадакыв гижны йитчысь кывйыскöд, вöчöй таdzi: *кытавны* (вуджтöм, залогтöм) – *кытöдны* (вуджан, вöчöдан залога) – *кытöдчыны* (вуджтöм, возвратной залога).

Велавны, вуджны, кылавны, тырны, вунны, пöрны, кусны, бурдны, веськавны, ворсны, бöрдны, бергавны, пыркавны, жу-глыны, вөрзыны.

• Гижны «Мый мекöд (тэкöд) вöчсьö либö оз вöчсьы» тема вы-
лö нейдждь висът сетöм кадакывъяссö лöсялан залог да
морт формаын пыртöмөн. Гөгөрвоодны налысь вежöртассö.

Мунны, мөвпавны, вöчны, овны, керны, уджавны, пукавны,
петны, велöдны, пырны, вугравны, лолавны, кывны, кöсийны,
повны, узыны, думайтны, бöрдны, горöдны, радейтны, висътавны,
шуны, сулавны.

• Сетöм кывъяснас артмöдны наука гижöдъясын паныдасьлан
сёрникузяс.

Гижсьыны, висътавсьыны, юавсьыны, петкöдлыссьыны,
лыддыссьыны, сёрнитсьыны, пуктыссьыны, сувтöдсьыны, сод-
тыссьыны, тöдчöдсьыны, сетсьыны, торйöдсьыны.

• Торйöдöм кадакывъяслысь тöдмавны залогсö да вежöртас
сикассö. Тöдчöдны налысь вежöртассö.

1. Сэккоста Васькалөн кытшовтсяс нин, бөр аслас паччөрö
воас. Бур, мый эз манитчы тöрыт нылысь-зятъыс ордын. 2. И он
лысьт кодлыкö висътавны, став олёмöс пö кöсья ас синмөн выльысь
аддзавны. Кутшöм морт шөрö на веськалан дай...: кодкö серамвив
лэптас, оз пö тай овсьы тэныд, бара пытш пырöма гач вöнь костад.
3. Таысь Васькалөн юрыс быдөн лётмунли, сэтшöма нюкыртöдлис
сийöс виччысьтöм шогысла. 4. – И тэныд нинöмысь на бöрднысö, –
кывкöрталис Прокö Васька, эськö кызöктöдис жö асьсö яндзимысла
да: тöдöмөн быттьö мöд туй вожö кежöдис мортсö. 5. Васькалөн
муртса эз ыкöстсьы таысь, кызди тай визмунлём дойысь. Некедз
эз эскыссьы сылы, мый Кальö Коляяслөн тайö кыйöмыс. 6. Пуксис
лабичö Васька да мурчнитис пиньнас, мед эз бөрлдзыссьы. 7. Дерт,
та бöрын Васькалы эз нин пукавсьы асланыс паччöрын, вöтчис
Коля бөрся ывлаö. 8. Жугылысла Васька бөр йöткысис пöлатъ
пыдйö, лөнъöдчис, ыштöккö эз на веськав унмыс. 9. Пиок Витеньыс
коли на, кодй сэн... – эз куж шуны Васькалөн батыс колана кывсö.
Гашкö, видны, медым эз мисътöм кыв шусьы. (Г. Юшков серти)

• Бөрйыны скобкаын сетöм кыв формаяссьыс лöсяланасö да
подулавны. Мöд кыв форманас лöсьöдны сёрникузя.

1. Чер пуыс, гашкө, весът кузя на ошаліс пидзөссъыс улө, тешкодя (видзөдчис, видзөдсис), но он на өд та понда кезъявны кут. 2. Васька унмовсис да батьсө вөтөн аддзыліс, лэбаліс сыкөд енэжөдыс. Водзджыксө өтнас и лэбзис (тойыштсис, тойыштчис) мусъыс кокъяснас да кыпаліс и кыпаліс. 3. Мыйөн джудждаммис тэчасыс, Васькалы тшөктісны вылысас кайны. Мусяньыс висьталісны, кутшөм кольта да кытчө пуктыны, кыздикөн (паськөдчыны, паськөдсьыны) либө (векньөдсьыны, векньөдчыны). 4. Кыз путкыльөн (видзөдчис, видзөдсис) карсаыс, варгөсөн да ыштөкө важөн нин ылөсө абу петавлөма гортсьыс. (Г. Юшков) 5. Дзескыд керка меям ылын... Сөмын шылыд енвевт вылын Югыд төлысь (петкөдчас, петкөдсяс), сөмын вой шөр кучкалас, вөвъясөс ми пуклөсалам; Пемыд чомъяс шыбиталам. (И. Куратов) 2. Верстьө туйө олөмыс... лунысь лун лэптөдіс Васькаөс, медся нин ас син водзас, да та вөсна төдөмөн и (орөдчис, орөдсис) сійө аслас ичөтдырысь. (Г. Юшков) 7. – Лэччылам (вугравны, вуграсьнытө)! – өтчыд Кальө Коля гортас локтіс (нуөдчынысө, нуөдсьынысө). – Мык шедө, козувкот кольк вылө босьтө. (Г. Юшков) 8. Кальө Коля и зонпосниыс шыалісны кывтыдын, ошйысяна (горөдчылісны, горөдсьылісны) шедөмысла, босьтны, тыдалө, кутөма мыкыс. 9. Пинь йиран скөрвылысь (вөрзьөдчис, вөрзьөдсис) Васька да пондіс вотйыны бо-тансө пидзөс вылас. 10. Мед эз (кежөдсьы, кежөдчы) сёрнисьыс, Прокө Васька бөръяпомыс Москва вылө ыстысис. (Г. Юшков)

Кадакывъяслысь залог категория велөдөмсө кывкөрталөм могысь велөдысь сувтөдө медшөр юалөмъяс:

- Мый петкөдлө залогыс?
- Колө-ө быть кадакывъяслөн залогыс? Мыйла колө?
- Мый боксянь стөчмөдөны кадакывъяссө залог формаясыс?
- Кутшөм залог формаяс торйөдөны комиын?
- Мыйөн торьялө роч кывйын залогъяс сикасалөмыс?
- Кывлөн кутшөм юкөн петкөдлө залогсө? Залог суффиксыс кыв артмөдана либө форма артмөдана?
- Кутшөм шөр вежөртасыс возвратнөй кадакывъяслөн? Став кадакывйыс-ө артмөдө возвратнөй залогсө?
- Мыйөн аслыспөлөс вөчөдана залогыс? Кутшөм юалөм позьө сувтөдны вөчөдан залога кадакывъяс дорө? (мый вөчөдны?)

- Мый ті төдмалінныд кадакыв залог йылысь?
- Ставыс-ө тиянлы лоис гөгөрвоана? Мый кажитчис сьөкыдөн?

Позьö вöчöдны нöшта татшöм уджъяс:

- Тöдчöдны торйöдöм кадакывъяслысь залогсö да залог вежöртас сикассö.

1. Кор локтісны бөр ыджыд чукөрөн да Аким Вань бөрся гузьгисны-пырисны чомъяс, ляпкыдик пызанъясыс сэк чайтсисны вöйöмаöсь муас сёян-юан сьöктаысла. 2. Ваймысь бипур ньöжйöника ломаліс кушөн кольыштöм му вылын, да сы весьтын öшаліс кык ыджыд пöрт да чайник. Не кө тайö, эз и эскыссы, гашкö, мый чомйö веськалін. (Г. Юшков) 3. Сыкөд и пондіс кулöмасьнысö Васька. Сэсся и ветельяссö на вöйталісны Виям ты йылас. 4. Лунйисны сэтөн, йи тымöдьясас, да унджык гуджгисны сукарсö, мый лун кежлас сетсьö. (Г. Юшков) 5. Тундраöдыд он на зэв öдийöась, нöшта нин кор веськыда көсьян воёдчыны. (Г. Юшков) 6. – Мыйла кузьджык бöжыс вина шырыслөн. – Көть мый кузя, вот! Ылöдлыссьö-ма нин öнi тэныд менö! – серöктіс Васька 7. Васькалөн руавліс син водзас, чайтсьыліс весиг, мый вöйö ньöжйöник зэв джуджыд ваö. 8. Но и шедöма на вöлі лэчкас: еджыд ныра да гөрд синкыма чукчи юр тшöтш видзöдсис вожка мöдарсьыс. (Г. Юшков) 8. Тöлыс со помассьыны нин кутіс. Пескыс локтан тулысöдз тырмас на. (И. Белых)

- Тöдчöдны торйöдöм кадакыв формаяслысь артмöмсö. Индыны быд юкөнлысь вежöртассö.

1. Мыйла унджыкöныс, Наталья Тольö коддьöмсö он нин шу, öти лунья гажөн олöны, сöмын асьнысö пуртікасьöдöны? 2. Водзöсö мунны Васька эз на лысьтöдчы. Колода ни мыр: нинöм матöсö эз лöсая, да увйöсь эжа вылас и пуксис. 3. Кымынысь Прокö Васька кежавліс тайö коз улас зэрысь ли шлякаысь, а то и сідз, нопсьыс кокньöдчыны. 4. А батыс кыті копыртчылö, кыті доровтчылö; торья шарскöм ни трачкөдчöм сы бöрысь оз и кыв. 5. Васькалы быть сэсся ковмыліс нöшта на выныштчывлыны, вöсьса вомөн вötöдчывны. 6. Онтон Иван, Чужмудорысь. Ая-пия жö найö таті ветлөдчöны. – Кыдзикö? – Войö кайöны горсяныс, а сэсся асыввыв сетчöны. 7. Онтон Иван чöv усыліс да ыштöккө сэки и скöрмөдчöма ас кежас, ньöти виччысьтöг тшетшйысяна пондөдчис. (Г. Юшков)

- Видлавны торйөдөм кадакывъяссө тэчас сертиыс. Индыны кывдінсө, кыв вежлалан формаяссө, кывдінса юкөнъяссө.

1. Водыштавласны вөлі voidөрсө йөзыс пусянінас пажын бөрас, но мудзсө ни ойбырсө пыдди эз пуктывны: өта-мөд вежмөныс пондылісны бөр мунавны. (Г.Юшков) 2. И рытыс дзирдалан шондіа вөлі да лөнь, и шылялөма ваыс сөн кузялаыс гыштавліс гыбалөмсьыс. 3. И кымыныс на та бөрын өтлаын пукалігас сиктса-яс шмонитігмоз шыөдчывлісны Аркадь да Егорей дінө (И.Белых) 4. Нюкыртліс сьөлөмсө Ольөксанлыс сьыс, кызди пөрөдчөма-өсь налөн жө сиктыс войтырыс. (И.Белых) 5. Гөгөрвоис Микулай, мый абу нин ловья сылөн төдтөм ёртыс, код дорө сійө шыөд-чывліс мөвпьяснас кузь войясө. (И.Белых) 6. А суис жө тай рөкыд Рөдьөтө. Абу, тыдалө, весьшөрө Педьөыд тшөктылөма видзчы-сьыштлынытө. (И.Белых) 7. Сэтчө жө, мед семьяыс эз тшыгъяв, век жө недыр кад кежлө кытчөсюрө Осип медасьлывлө договор серти уджалыштны. (И.Белых) 8. А Борислы кыкыс корөм оз ков. Ойдөжык кайисны пур вылас да йөткыштчисны кузь беддөн. (И.Белых) 9. А гозья ас костаныс көть и броткөдчыштлісны корсюрө, эз нин сэтшөм омөля овны. (И.Белых)

КАДАКЫВЪЯСЛЫСЬ КЕРӨМ МУНАННОГ ВЕЖӨРТАСЪЯС ДА ФОРМАЯС ВЕЛӨДӨМ

Коми кывлыс аслыспөлөслунсө петкөдлөны кадакыв формаяс, кодьяс төдчөдөны керөм мунанногсө. Тайө формаяснас быть колө төдмөдны велөдчысъясөс, сы вөсна мый найө зэв тшөкыда бергалөны серпаса текстъясын, кывбурьясын. Найөс пыртөма-пасйөма кывкудьясө. Велөдчан небөгас торья юкөн абу сиөма налы, пасйөма на йылыс кадакывъяслыс артманногсө видлалан юкөннын.

Велөдысьлөн могыс:

- төдмөдны керөм мунанног петкөдлан вежөртасъясөн да формаясөн, петкөдлыны текстъясын налыс төдчанлунсө;
- велөдны челядьөс вөдитчыны тайө формаяснас;
- төдчөдны торья стильяслы лөсялөмсө.

Збыль, керөм мунанног формаяс зэв тыдаланаөсь, синмө шыбитчанаөсь, и налөн вежөртас сикасъясыс ясыдөсь, гөгөрво-

анао̄сь. Артмо̄ны по̄шти став кадакывсьыс вежо̄ртас вылас видзо̄дто̄г, сы во̄сна найо̄с коло̄ видлавны торйо̄н. Медым велодчысьяс казялісны, аддзисны найо̄с, коло̄ быд по̄рйо̄ орччо̄дны кадакыв подув формаясыскод, шуам: *видзо̄дны – видзо̄длыны – видзо̄длывлыны – видзо̄дыштны – видзо̄давыны.*

Нюжавлас (нюжалас) сьыланкыв меліа, небыда – Лун то̄ло̄н по̄льыштас (по̄льтас) йи ко̄дзыд моро̄со̄, Чо̄в оло̄ во̄рын быд ну, Тио̄к ланьтлас (ланьтас) став Коми му. (В.Лыткин)

Татшо̄м видло̄гъяс подув вылын велодчысьяскод позыо̄ панны се̄рни юало̄мъяс серти:

– Мый позыо̄ то̄дмавыны се̄рникузяясас паныдасьлан кадакыв формаяс да нало̄н вежо̄ртасъяс йылысь?

– Орччо̄дой найо̄с подув формаыскод да висьталой, кутшо̄м содто̄д вежо̄ртас казяланнуд торйодо̄м кадакывъясыслысь?

– Кодыс сто̄чджыка петко̄дло̄ керомсо̄?

– Кывъясло̄н кутшо̄м юко̄нъяс отсалоны сто̄чмо̄дны керомсо̄? Мый боксянь найо̄ сто̄чмо̄до̄ны керомсо̄?

Велодчан небо̄гысь, «Кадакывло̄н артмо̄м» юко̄нысь, уджъяс во̄чо̄до̄м бо̄рын кером мунанног петко̄длан быд суффикс позыо̄ видлавны торйо̄н: кутшо̄м суффикслы кутшо̄м вежо̄ртас ло̄сяло̄, став кадакывйыс-о̄ босьто̄ быд суффикс, кымын вежо̄ртас вермо̄ петко̄длыны быд суффикс. Челядьо̄с та йылысь се̄рнио̄ позыо̄ кыскыны татшо̄м юало̄мъясон: Кызди вермо̄ мунны, во̄чсыны керомыс? (неуна, оз тырвийо̄, ичо̄т о̄дон; некумынысь, неотчид, унаысь; здукон, отпыр; паськало̄мон (разало̄мон)? Кутшо̄м суффиксъяс ло̄сяло̄ны тайо̄ керанног сикасьясыслы? (**-ышт-**, **-лывл-** (**-ывл-**), **-л-**, **-ав** (**-ал**)). Став кадакывйыс-о̄ вермо̄ босьтны быд суффикс? Вермо̄-о̄ оти керомыс мунны некумынног оттшо̄тш? Вочакывъяссо̄ велодчысьяс аддзасны видло̄гъясысь, быд суффиксон то̄дмасьом бо̄рын.

Ичо̄тмо̄дан вежо̄ртаса кадакывъяс

Тайо̄ вежо̄ртассо̄ босьто̄ны **-ышт** суффикса кадакывъяс формаяс, шуам:

1. Вадорын сьылісны нывъяс... Дугдісны сьылόμεысь нывъяс. Ме чайта, кыр йыло̄ кайисны ичо̄та шойччыштны. (В.Лыткин)

2. Ньөжйөникөн паськыд туйөд Рөдтышта ме вөлөн. Джу-
джыд козьяс, мича пуяс сувтөма-сь туй пөлөн. (В.Лыткин)

3. Шондыс вөр сайсянь медводдза югөрсө Меліа, вежаа шен-
зигтыр мөдөдіс. Ыстыштіс, кесйөдіс: «Мун, вөч, восьты му вылө
лун!»... Вөр пусө вевттыштіс виж шөвк... Туй вылын вит морта
чукөр... Йөктыштө шонділөн югөр... Мунөны нопья йөз ю дорті,
яг пөлөн,.. Кок улас дзуртыштө лым. (В.Лыткин)

4. Нывбаба шойччөдыштіс сингьяссө да выльысь видзөдліс.
Збыльысь, чуграсянь кайис тшын. (Г.Юшков)

5. Виччысьыштіс (энь сюзь) да адзис рак нопья да пищала
мортөс, коді петіс ройөссьөм козья вөрысь. (Г.Юшков)

6. Сибир туйыс вөрсялыштөма нин, но кодьяскө век на ге-
жөдика ветльвлөмаось. (Г.Юшков)

7. Тэ нө тырсюсь али абу? – шайпаймуныштіс Стакей. –
Петкөд. Виринь, сэсся эн каитчы. (Г.Юшков)

8. Вириня өдйөджык уськөдчис керкаас, нетшыштіс тувйысь
лестовка да кутіс копрасыны. (Г.Юшков)

9. Видзөдлы: көсйөны вины. Видзөдлы: лэптөны черсө. Ви-
дзөдтө: керыштны көсйө. Видзөдлы, видзөдлы: черыс... Видзөдлы:
веськалө изйө. (В.Лыткин)

Сёрникузяссө видлалөм бөрын **-ышт** суффикс йылысь кив-
көрталігөн велөдысь юалө:

– Кутшөм шөр вежөртасыс **-ышт** суффикслөн? Мыйла сійөс
шуөны ичөтмөдан суффиксөн? Кутшөм сёрникузяын медбура
төдчө сылөн шөр вежөртасыс? Кутшөм мунанног сикас нөшта
позьө петкөдлыны **-ышт** суффиксөн?

– Төдчө-ө кадакыв вежөртасыс **-ышт** суффикс вежөртас вы-
лас? Быд кадакыв дорө-ө ляскысьө? Став сёрнитан стильыслы-ө
лөсялөны **-ышт** суффикса кадакывьяс? (Наука текст, газетьясысь
босьтөм юөртана текст да с.в. серти).

– Лөсьөдөй **-ышт** суффикс йылысь наука текст. Мый лоас,
пыртны кө сэтчө **-ышт** суффикса кывьяс?

Позьө корны челядьөс лөсьөдны вөр-ва дорө шыөдчан текст.
Висьтавны, мый, йөз шуөм серти, вөрө колө пырны вичкоө моз.
Босьтны кө нин сэтысь мыйкө, то колө лыддыны сійөс козинөн.
Мый колө төдны, кор медводдзаыь пыран вөрас, кыдзи колө

шыёдчыны сы дорө? Кутшөм суффикса кадакывъяс отсаласны вежавидзөмөн шыёдчыны вөр дорас?

- Төдмавны керөм мунанног сикассө **-ышт** суффикса кадакывъяслысь, кутшөм кывъяс позьё сувтөдны на дорө?

1. Купайтчим, гашкө, час-куим. Лөзөдіс быдөнлөн яй. Тірзигтыр пасьтасиг шуин: «Черитор кыйыштам вай!». (В.Лыткин)
2. Лунтыр ми мый колө керам, Удж вылө мунны оз ков. Тыдовтчис шор нюкөс матын, дзольгыштө ичөтик ю. 3. Со и кыа рытиввывьянь Шөвкөн вевтчис Парма вөр. Со тай ломтысьыштө пывсян, тшыныс вадорө оз төр. 4. Ва вывті пыжаяс Шуньгөны-чилөны: пульскөдчө-польскөдчө, чужьясьө пельис, Лювзыштө, лявзыштө, Кливзыштө сынантув. 5. Ылын, рөмыдын паськыд би югнитис, Клопмуні, дзужигтыр вөр вомө матыстчис, Йирыштіс пиньсө да «гып» – кер и мыр вылө эз лыб!.. Вөчыштіс сыв судта гуран. 6. Ывлаыс ловзис, өвтыштіс киён, Енэжлөн лөньыс видзөдліс чөв. Зумыштчөм чужөм кисьтыштіс йиён. 7. Коз пу вылын ворсө Ур, Муртса тыдалыштө юр. 8. Щеллысь зарни юра чирк джодж шөрө чеччыштіс звирк. (В.Лыткин)

Отсөг вылө **-ышт** суффикслысь вежөртассө төдчөдысь кывъяс: *неуна, негораа, ньөжйөнник, омөля, слаб шыён, друг, муртса, здукөн.*

Уна пөв мунан вежөртаса кадакывъяс

Тайө вежөртаса кадакывъясыс артмөны **-лывл, -ывл (-л)** суффиксыяс отсөгөн.

Тайө суффиксыяснас вөдитчам, кор колө петкөдлыны керөмыслысь уна пөрийө, неөтчыд мунөмсө, кадысь кадө либө пыр петкөдчөмсө. Шуөны найөс унаысь овлан керөм петкөдланаён.

Сёрникузяяс: 1. *Перавид быдмигас чуймөдліс йөзтө, Не өтчыдысь шензёдліс войтырөс сійө.* (В.Лыткин) 2. *Гыа ватө тэнсьыд, Эжва, вуджлі Аслам нэмөн уна пөв.* (В.Лыткин)

Тайө видлөгъясас **-л** суффикс петкөдлө унаысь овлан керөмысь шөр вежөртассө. Водзө вылө вөзъям татшөмсяма уджъяс:

- Скобкаын сетөм кадакывъяссө сувтөдны лөсялана формаө коалөм сертиыс: Мый кужисны али мый кужлісны?

Кор (чужис – чужліс) кага, то суседьяс (юасисны – юасьлісны) бать-мамлысь: «Вотчысь али дозмөр кыйысь, вөралысь али пач дорын ноксьысь чужис?».

Сэкса челядь өніяяс дорысь ёна (торъялісны – торъявлісны). Детинкаяс квайт арөссиянь нин дзугйөн (кыйисны – кыйлісны) уркай. Арнас, кор кольяс (воисны – волісны), тайө лэбачыс сикт гөгөр уна (чукөрмис – чукөрмыліс). Уркай да пельсыкай (косьтісны – косьтывлісны) да шыд (пуисны – пулісны). Челядь (чукөртісны – чукөртлісны) тшак-вотөс, быдсяма быдмөгсө, коляоз, куз.

Вит арөса зонкаяс (сяммисны – сяммылісны) нин верзьөмөн ветлыны вөв вылын да (кужисны – кужлісны) веськөдлыны көр доддьөн, пуктавыны лэч. Дас кык арөса детинкаяс ас кежысь нин (вөралісны – вөравлісны).

Нывкаяс квайт-сизим арөсын вөлөмаөсь нин мамлөн отсасысьясөн: (идрасисны – идрасьлісны) керка пытшкын, (пусисны – пусылісны), (видзисны – видзлісны) посни чой-воксө. Во да кык мысти нин (вайөдісны – вайөдлісны) гортаныс мөсьясөс, куканьясөс, кодьяс ас кежысь (йирсисны – йирсьылісны) вөрын. Төвнас (лэччөдісны – лэччөдлісны) юктавыны вөвьясөс. Кужисны нин вурсьыны, печкыны. Дас арөса нывкаясөс гождөм кежлас (медалісны – медавлісны) кага видзны. Налы таысь (вештысисны – вештысьлісны) шайт да джын сьөмөн.

- Гижны, кадакывьяссө сувтөдны уна пөв мунан керөм петкөдлан формаө лөсялана кадын.

1. Бөрлань видзөдіг (шуны): «Тані долыдін, тані гажаин, Тані сьөлөмлы шойччанін». Сійө керкаас (овны) Небыд сьөлөма пөрысь ань. Сійө паныд мем (петны), сійө бур кыв мем (шуны): «Пырав шойччыштныд, пырав, бур мортөй. Дыр нин эн волыв ме дорө!».

Сэтчө ичөтсянь (воны), Аньлысь мойдөмсө (кывзыны), Юлысь шувгөмсө (видзөдны), вөр пу шувгөмлы (шензьыны).

2. Кильчө вылө (петавны) Мича-мича ныв, көдзыд төлыс (нетшыштны) Сылысь платтьө – шлыв. Мича эшкын (пыркөдны) сьөлөмшөр том ань. Корьясөкө (видзөдны) менам өшиньлань.

3. Тулыс и гождөм (петавны) кья... Олөмлөм туйыс паськыд и кузь.

4. Вокöй лёкысь видчö сійö: «Босьт пельстö!.. Бöжав, ййö!» менам (ыркмунны) сьёлöм... Кыдзкö вуджим мöдлапөлö.

5. Кодыр кутам кынмыны да мудзны (туйным вöли лёка кузьнин), (пыравны) шонтысьны да узыны. Öтчыд бура узим дядьö ордын. (В.Лыткин)

6. Тані быд пöрйö друг ордö (волыны). Варов сёрниным во-йöдз оз ор.

7. Пöч асывъяснас (долны) «Отче наш», и Ме тшöтш ськöд (чöвтны) пернапас. (В.Напалков)

- Лöсьöдны-гижны висьттор либö войвылын арся поводдя-лөн уна ног петкöдчöм йылысь, либö сиктаныд быдвося гаж йылысь, либö бать-мамныдлөн челядьдырся казьтыв-лöмьяс йылысь.

- Торйöдны кадакывъяс, кодьясысь позьö артмöдны уна пöв мунан керöм вежöртаса кывъяс. Пасйыны суффиксьяссö.

Шуны, зэрны, вöччыны, мöвпавны, пöльтны, тöлавны, шыасьны, небзыны, мунны, кыскыны, торксьыны, лолавны, кыв-зысьны, мыччысьны, пöльыштны, койыштны, тöдны, гажöдчыны, мöдöдчыны, мöдöдны, норасыны, юкны.

- Висьтавны, мыйла колöны да мый петкöдлöны торйöдöм кадакыв формаясыс. Орччöдны подув формаясыскöд. Вид-лавны кыв тэчассö.

1. Пывсян бöрын пызан сайын пукалiгөн батыс важ моз бытьö петкöдчывлiс пияныслы томөн. Чуқыръясыс сэки молясь-лiсны. Бан бокъясыс банылысны-гöрдöдыштлiсны. Синъясыс коркöя моз томмывлiсны. Со öд, мый вермö вöчны пывсяныд мортыдкöд. (И.Белых) 2. Тайö кадеянь öдöття тшöкыда кутiс во-ливлыны аслас важ керка дорö. Танi сiйö и збыльысь шойччывлiс ловнас. (И.Белых) 3. Пераыд зэв удал вöралысь вöли. Сьöрсыйс эз новлöдлы некутшöм пищаль, кыйсигас босьтливлiс сöмын Кузь шысö: Сидзикөн петливлiс зверьяскöд тышö. (В.Лыткин) 4. Кы-мынысь ми купайтчывлiм Эжваын да видзьяс пöлөн лöсталысь вадъясын, вугравлiм ёкыш да кельчи, чöсмасьлiм сэтöрөн да озйөн, вотливлiм мöдлапöвса веретясысь тшак, узьмöдчывлiм чомйö чöскыд дука турун вылын. (И.Белых)

Өтпыр, недыр овлан керөм вежөртаса кадакывьяс

Тайө вежөртаса кадакывьясыс артмөны -в (-л), -ав (-ал) суффиксысөн, ясыда төдчөдөны керөмыслысь өтпыр, недыр му- нөмсө, шуам: *босьтны – босьт-л-ыны, кольны – коль-л-ыны, вось- тыны – восьт-ыв-ны.*

Сёрникузяс:

1. Паськөдліс поэялөм бордьяссө (энь сюзь) да көсийліс нин лэбзыны, и кыліс болскөм. (Г.Юшков) 2. Тэня пыртліс нопсө чомьяс. 3. (Тэня) эновтіс уджсө да кутіс корны Виринейөс пыравны чомьяс, пөсь шыд дінө пуксывыны. 4. Здук кежлө төвся лун восьтыліс синьяссө, видзөдліс сикт вылө – пышйис бөр съод вөрө. (В.Лыткин) 5. Недыр кежлө и сэзьдыліс, войвывсянь бара локтісны кымөрьяс. 6. Гильыштчыліс Виринейлөн кывйыс, көсийліс содтыны сэтчө, мый эз на ставсө вай, мында көсийсыліс, но аслас мудерлуныс пановтіс сійөс. 7. И збыльысь, муныштіс водзөджык Вириней да уналаысь на адззыліс чапалөм яласө. 8. Да и ачыс Ревекка би моз ыпнитлө, кор тай кос лыс сэтчө шыбитан, сөмын би кывйыс сы пытшкысь оз петавлы да трачкакылөмыс оз кыв-а. (Г.Юшков)

Өтпыр муан керөмсө мукөд сёрникузяс төдчөдөны: *өтчид, өтшысь, өткымынысь, сути, здук кежлө, регыдөн* кадакывбердяс. Татшөм кывьяссө вайөдөмөн поэьө челядьөс велөдны торйөдны уна пөв муанног вежөртаса -л- суффикса кадакывьясысь, шуам: 1. *Синьясыс Колялөн сэттиёма векняммылісны лөгасьөмысла, и кияс- сө нин сійө шамыртліс да лэптыліс морөс весьтөдзыс, но уськөдчы- нысө сідзи и эз лысьт.* (Г.Юшков) 2. *Пукалис Васька да вашьяліс, мый талунсянь сійө, төдөмысь, батыскөд нин ветлысь лоө, и батыс быдлаө кутас сійөс нуөдлыны.* (Г.Юшков)

Төдмалөмторсө вынсьөдөм вылас вөзьям уджьяс:

- Төдмавын керөм муанног сикассө торйөдөм кадакывьясыслысь. Вайөдны подув кывсө.

1. Висьө кө сьөлөмыд, курыд кө олөмыд, Шудыд кө тэ ордө сутш кежлө волөма, Сэки тэ вадорө лэччы. (В.Лыткин) 2. Аски асывнас, Васькалөн садьмытөдз на, батыс удитөма нин катыны Виям ты йылө. (Г.Юшков) 3. Васькалөн руавліс син водзас, чайтсыліс весиг, мый вөйө ньөжйөник зэв джуджыд ваө.

(Г.Юшков) 4. Вєськөдчис Васька мөсьяслөн лудө ветлан туй вылө, тэрыба тувчаліс, но тэрыблунсө воштыліс на, весиг падмыліс да кальөг вомөн люті-лєті муныштіс. (Г.Юшков) 5 Сөйыштіс сэсся Васька... да кайис гөбөч вылас, нюжөдчис мудзсө вєськөдыштны, колөкө, и унмовсьылас, но унмыс матө эз волы. 6. Виччысигмозыс Васька эз жө дзик кирудз сулав: кыкысь содтыліс васө төчилаувса ворьяс, сэсся Катерина пыддиыс пуксьыліс лэчтасьны, кор сійө ыжъяссө йөртны уськөдчыліс. (Г.Юшков)

- Артмөдны өтпыр мунаннога керөм петкөдлысь кадакывьяс. Ставсьыс-ө поэь артмөдны?

Котөртны, чеччыны, вайны, нуны, паськөдны, йөктыны, гижны, шедны, кыйны, вотны, вугравны, вөйтны, пукавны, ытшкыны, бурмөдны, кыны, өшлыны, лыйны, пыкны, пөръявны, ышловзыны, босьтны, висьтавны.

Паськалөмөн мунан керөм петкөдлысь кадакывьяс

Тайө вежөртаса кадакывьясыс артмөны **-ав (-ал)** суффиксьяс-өн и петкөдлөны разалана-паськалана керөм:

Но өтчид, чөс туйсө кытшиовтгөдөн, кыпөдіс Вириня пув өктысь дозмөр котырөс, и разіпель лэбзьылөм пөткаясыс, видзөдаліс да, ставныс лэччалісны кытчөкө тод саяс. (Г.Юшков)

Татшөм действиеыс поэяна, кор:

1. Керөмсө вөчысьыс уна и налөн действиеыс шымыртө паськыд ин (уналаө лэччалісны).

2. Öти керысьлөн действиеыс вуджө уна эмтор вылө (видзөдаліс пөткаяссө). Арнас Югыд-Лягаын бара лавка воссяс, морт локтас вөлөсьтысь, куяс да кыйдөс босьтавны, и сэки Ревекка быть нин ачыс ньөбас самөварсө. (Г.Юшков)

3. Уна субъектлөн керөм улө вєськалө унатор: *И нөрыс гөгөрыс, кыті козья да неуна вотөса, октыясны эня-пиа, сьөла кыйны сёр лэчьяс вөчаласны*. (Г.Юшков)

4. Керөмыс паськалө, разалө уналаө: *Васө кисьталісны стөканьясө*.

5. Уна керысьлөн действиеыс өтилаө вєськөдөма: *Бипур дінө чукөртчалісны мудзөм йөз*.

Тайö видлөгъяссье велөдчысьяс гижöны кадакывъяссö подув формаяскөд орччөдөмөн. Велөдысь юалö, мыйөн найö торьялöны öта-мөдсье, шуам: *кисьтыны – кисьтавыны*.

- Гижны сёрникузяссö лөсялана кадакыв формаяс содталö-мөн. Мый серти бөрйынысö?

1. Сиктысь йöзыс чукөртчисны. Öшинь улö (локтисны – локталисны). Тöдны окота öд ставсö, кодi лун и вой пыр равзö. (*В.Лыткин*) 2. Вуграсьысьяс чукөртчисны чом дорö да (пуксисны – пуксялисны) пузьöм чай виччысигмоз пашкыр коз улö пестöм бипур гөгөр. (*И.Белых*) 3. Рыгъявылыс на тöрыт (сэзьдiс – сэзьдалiс) енэжыс, быгалöм рудөн гөгөр (воссис – воссялис), сэся кодзувьяс (мыччысисны – мыччысялисны) пемдандорыс. (*Г.Юшков*) 4. Енсыкөдөн (өвсисны – өвсялисны) скөтничаяс да (вөрзисны – вөрзялисны) лыссö вундыны. (*Г.Юшков*) 5. Аскинас Васька да Коктöм Көсьта бара на катлисны Виям ты йылö, (лэптисны – лэпталисны) ветельяссö да (öшөдiсны – öшөдалисны). (*Г.Юшков*)

- Вежны, көни позьö, торйөдөм тэчасьяссö кадакыв формаөн.

1. Мый сэся, вежонся удж бöрын позьö недыр кезлö и личөдчыны, неуна шойчыны быдлунья тöждысьбөмсье. 2. Бöрын пукалысь мужичöйыс друг лэптiс кияссö водзынджык пукалысьлөн юрлöс весьтас да кутiс мыйкö ас кежысь негораа мургыны... Водзвывсаыс весиг неуна бергөдлiс юрсö ёртланьыс. 3. Кык друг мөдөдчисны вадор веретяö медводза оз этшаник вотны. Кöсийсны асьныс неуна чöсмасьны и гортсаясöс гөститөдны. 4. А кымынысь төвнас овлiс сiдзи, мый пөттөдз исласьöм бöрын Борис, йизьöм гача, турдöм киа, веськөдчис Öльөксан ордö, мед сэнi төкөтьö косьтысьны. 5. Школа помалöм бöрын Борис овмөдчис карö, да Öльөксанкөд сэся некутшöм йитөд нин эз вöv. Сöмын корсюрö кылiс сылөн ичөтджык чой-воксянь, ыджыд вокыс пö войвылын, шахтаын уджалö. 6. А коркөя уджтөмалöм йивсье, збыльысь кө, вöтын моз сöмын Михайлö тшөкыда казътылис да шулис ас кежысь, мед сэся некор жö нин оз ло татшөмторйыс ськөд. 7. Öдөттялы унаысь нин шуисны ныв-пиыс, мый регыд нин осьтасны туйсö. 8. Джуджыд мылькывса шойна вылын рыгъя рöмыдас муртса тыдалöны сьодасьöм крестьяслөн мыгөръяс. (*И.Белых серти*)

• Торйөдөм кадакывъяссө видлавны тэчас сертиыс. Төдчөдны керөм мунанног сикассө.

1. Өнi мудз дырйи некытчө Менсьым сьөлөмөс оз кысы. Сэки важсө ме казыштла, Сьөлөм вуж дiнсянь шулывла: «Вөли долыдiн, вөли гажаин...». (В.Лыткин) 2. Со тай мукөдырйи морттө Шыбельө ляскөбтас шляч, Төпкан шерддыштывлас ортсө – Шегйөс моз печиктас нач. Мортыд сийө винөв рөдысь – чеччас бөр, гыжъялас бок. (В.Лыткин) 7. – Эз удайтчы менам сукөд бур олөмыс да, та вөсна и эновтi войвывса карсө да локтi татчө... Но важыс пыр син водзын да сьөлөмөс кырыштывлө донөдөм ем моз, – содгiс Сир Вась. (И.Белых)

Тайө тшөкыда паныдасьлан суффиксыс кындзыыс керөмысь мунанногсө петкөдлөм вылө комиын нөшта эмөсь сутшөн мунан керөм төдчөдысь-пасйысь суффиксыс: **-нит-, -өбт-, -өкт-, -овт-, -өст-**: *югнитны, косьөбтыны, кызөктыны, чукөстны, воськовтыны*. Но тайө суффиксысыс йитчөны сөмын өткымын кадакыввуж дорө, кодъяс тайө суффиксыстөгыс оз нин овлыны. Татшөм кадакывъяссыс аслысикасөсь, ёнджыка паныдасьлөны вомгора сёрниын, серпаса гижөдъясин.

-овт (-ёвт) суффикса кадакывъяс: *нюмъявны – нюмъёвтыны, иславны – исковтыны, юкны – юковтыны, гартны – гартовтыны;*

-өст суффикса кадакывъяс: *равзыны – равөстны, руксыны – рукөстны, чипсыны – чипөстны;*

-өбт (-өпт) суффикса кадакывъяс: *гымөбтыны, юөбтыны, швачкөбтыны, дзенөбтыны, сынны – сынөбтыны;*

-өкт суффикса кадакывъяс: *серавны – серөктыны, ружтыны – ружөктыны* да с.в.;

-нит суффикса кадакывъяс: *ыпъявны – ыпнитны, зымөдны – зымнитны, югъявны – югнитны* да с.в.

Тайө суффиксыс вылас позьө сетны татшөм удж:

• Торйөдны керөм мунанног петкөдлысь кадакывъяссө, төдчөдны вежөртассө да артманногсө.

1. «Сынөпта жө, сынөпта ме. Пыжөй вөрзис, пыжөй кайө Гыяс вылысь гыяс вылө – өнi пасөй коляс сайө!».

2. Гортас локтөм мысьт, мырпом сикъяссө Тэныд висьталас (зон), пеляд ваш-

көптас. (И.Куратов) 3. Но Ануш сөмын серөктыштис мамыслөн тайө кывъяс бөрас, йөктыштис-чеччалыштис дждж шөрас, а сэся крапнитис керка өдзөссө. (И.Белых) 4. Чеччисны сэк кулөм мортъяс, колялисны сисьмөм гортъяс, кулөм чукөр льөмөстис... йөла накөд ойгөбтис. (И.Куратов) 5. Доддьө чиктылигтыр сөлам, Асья шондi син оз ёр. Со тай мукөддырйи морттө шыбельө ляскөбтас шляч. Төпкан шерддыштлывлас ортсө – Шегйөс моз печиктас нач. 6. Төлөн новлөдлан лым чиръяс сэнi өвтыштисны кинас меным. 7. Паськыд ва дорын, гажа ю дорын, Выйим өти пыж, өти важиник. Пуксис пыжө зон, кань моз чивкнитис, и нимкодясигтыр ур моз тривкнитис. 8. Юркнитлы, йөлаөй, Коми му кузяла! Юркнитлы сэтчө тшөтш, кытөнi узьөны. (В.Лыткин)

Кадакывъяс йылысь төдмалөмторсө кывкөрталигөн позьө юавны:

– Мыйөн торъялөны кадакывъясыс мукөд ашшөр кывси-касысь: вежөртас боксяныыс, грамматика боксяныыс?

– Кыдзи найөс позьө торйөдны сёрникузясысь?

– Кадакывъяслөн кутшөм грамматика вежөртасъяс быть коланаөсь?

– Төдчө-ө кадакывлөн кыввор вежөртасыс кад, морт, лыд вылас?

– Кыдзи йитчөны наклонение да морт вежөртас?

– Вермө-ө кадакывйыс лоны морттөмөн?

– Кутшөм морта-лыда кадакывъяс паныдасьлөны шусьөгъ-ясын, мойдъясын?

– Позьө-ө кадакыв форманас төдчөдны керөм муанногсө?

– Мый петкөдлө залог вежөртасыс?

– Кутшөм залог сикасъяс торйөдөны комиын?

– Вермас-ө став грамматика вежөртассө босьтны өти и сийө жө кадакывйыс?

ШӨРКЫВ ВЕЛӨДАН НЫРВИЗЬЯС

7-өд классын шөркыв да ногакыв кыз кадакывъяслөн вежласътөм формаяс видлавсьёны медводдзаысь. Художествоа текстъясын наён зэв тшөкыда вөдитчёны, и велөдчысьяс, дерт, паныдасьлёны тайё кывъяснас да мыйтакө төдмалёны на йылысь, налысь кадакывбердыяс серти торьялөмсө. Но кыз торья тема пыртөма 7-өд классын велөдөм вылө.

Велөдысь сувтөдө ас водзас сэтшөм могъяс, кодъяс сетасны позянлун вайөдны системаө шөркывъяс велөдөмсө. Шөр могъяснас лоёны татшөмъяс:

- төдчөдны-гөгөрвоөдны шөркыв йылысь понятие;
- петкөдлыны, мыйла шөркывсө йитёны кадакывкөд, мый найөс матыстө;
- велөдны артмөдны шөркывъяссө;
- петкөдлыны, мыйён сийө матыс кывбердкөд;
- велөдны торйөдны кывбердысь;
- велөдны торйөдны-аддзыны өтка шөркывъяссө да шөркывъя тэчассө текстысь;
- төдчөдны налысь текстын коланлунсө, торья стильясын наён вөдитчан позянлунсө.

Сы вөсна мый шөркывъяс йөзкост сёрниын паныдасьлёны гежөда, челядь сёрниын пөшти оз бергавны, колө бур видлөгъяс вылын, бур текстъяс вылын нуөдны быдсикас уджсө, мед пөртны олөмө сувтөдөм могъяссө. Шөркывъясөн төдмөдөмсө позьё заводитны юалөмьясянь, кодъяс отсаласны челядьлы пырөдчыны темаас, ышөдасны унджык төдмавны аслысьяма кывъяс йывсьыс, шам:

- Мый ті төданныд роч кывйын причастие йылысь? Кызди артмөма причастие кывйыс? (Латин *participiam* кывйысь лоөма, коді төдчөдө матыслунсө кадакыв и кывберд дорө)
- Кызди ті чайтанныд, лөсялө-ө шөркыв нимыс комиын?
- Мыйла шөркывъяссө шуёны кадакыв формаён? Кутшөм йитөдыс на костын?
- Мыйён найө торьялөны кадакывъясысь?
- Кутшөм кывсикаскөд найөс позьё сорлавны?
- Кызди позьё торйөдны шөркывъяссө да кывбердыяссө?

– Мыйла колёны шөркывъяссыс? Позьё-ё натөг сёрнитны-
гижны?

Тайё юалёмъяс вылас вочакывсё велёдчысыяс аддзасны велёдчан небөгсыс, көні тырвыйё гөгөрвоёдма шөркывсё, индёма морфология и синтаксис шөр признакъяссё, артманногсё, сётма шөркывъя тэчасъяс йылысь юёртём да с.в.

Тёдчөдём-гөгөрвоёдёмъяссё вынсьөдём вылө небөгас пыртёма колана уджъяс, шуам, шөркывъяс да кадакывъяс өткодялём да торйөдём вылө, шөркывъяс да кывбердъяс торйөдём вылө, шөркывъяс артманног вылө.

Велөдысьлы век жё колө төдчөдны, мый вылө ёнджыка кысыны челядьлысь пельсадсьө. Медводз колө стөчмөдны шөркыв төдчөдөмсө. Велөдчысыяслы овлө гөгөрвотөмөн, кызди эмторлөн керөмыс (действиес) вермө лоны признакөн.

Небөгас сетём кывтэчасъяс орччөдём бёрын челядь казяласны, мый өтиладорас сетём морта-лыда суффикса кадакывъяссыс петкөдлөны стөч керём, а мөдладорас – керөмыс гөгөрвоөдө сы бёрын сулалысь эмторсө, лоё сылөн торъялана аслыспөлөслунөн: керка, көні олёны – олан керка да с.в. Шөркывъяс петкөдлөны керөмсө аслыснога, оз морта-лыда кадакывъяс моз. Но кадакывъяскөд налөн зэв уна өтласаыс:

- 1) өткодъ кыввор вежёртас;
- 2) өтувъя кывдін;
- 3) залог петкөдлём;
- 4) керём муанног петкөдлём;
- 5) кад вежёртас;
- 6) мукөд кывъяскөд йитчём.

Быд өтласа признак видлавсьө торйөн видлөгъяс вылын:

1. Шөркывъяс, кызди и кадакывъяс, подулас кутёны стөч вежёртас, шуам: *мортыс тэрмасьё – тэрмасьысь морт, пуыс вежөдөс – вежөдөм пу, васё юёны – юан ва, видзсө эз ытшыкыны – ытшыктөм видз, черыс мыніс – мынөм чери, сыланкывсө эз кывлыны – кывлытөм сыланкыв* да с.в.

2. Шөркывъяс артмёны кадакыв кывдінысь, шуам: *визувтны – визувтысь (шор), лыддьыны – лыддян (небөг), кыйны – кыйөм (ош)* да с.в.

3. Шөркывъяс вермёны кутны залог вежортас, шуам: *паськөдны – паськөддём (му), паськөдчыны – паськөдчём (парма), вевттьысыны – вевттьысян (эшкын), ноксыны – ноксысь (сосед), вөдитчыны – вөдитчан (дозмук), тиупсыны – тиупсысь (мужичёй)* да с.в.

4. Вежлясян формаа кадакывъяслөн керём мунанног вежортас вуджө шөркывъяслы, шуам: *повзьышитны – повзьышитём (челядь), кывлыны – кывлытём (мойд), видзөдлывыны – видзөдлывысь (нывбаба), шедлыны – шедлан (чери), аддзывыны – аддзывытём (серпас).*

5. Кад вежортассө шөркывъяс петкөдлөны жө, но оз веськыда, а кадакыв-юёрпас кад сертиыс, сы серти, кутшөм кадө вөчөм керөмлы лөсялө, шуам: *кагаыс узьө (өня кад) – узьысь кага, садьмысны йозыс (колян кад) – садьмём йөз, кывбурсө лыддьөны – лыддян кывбур, чужөмыс гөрдөдөма – гөрдөдём чужөм* да с.в. Но век жө тайө формаяссө оз ков лыддыны шөркывлөн кад серти вежласьөмөн.

6. Шөркывйөн петкөдлан керөмыс вермө мунны мөд керөмкөд өттшөтш, шуам: *Лөзов енэжсянь Сералис шондi, саякйис му вылын вералан ру. (М.Елькин) Салдат Иван помалис висьтсө, дыр чөла видзөдiс гөрд кывйөн ломзьысь сись вылө. (И.Торопов) Либө шөр кадакывнас петкөдлан керөмысь водзджык, шуам: Би ыргыны пондiс. Көтасьөм паськөмөй ме вылын руасьө-косьмө. (И.Торопов) Көть и торйөдөны өня да колян када шөркывъяс, век жө тайө абу вежлясян кадакывъяслөн кодь кад категория, кодi төдмавьсө сёрни здуккөд лөсялөм серти.*

7. Шөркывъяслөн мукөд кывъясөн, формаясөн веськөдланногыс, йитчанногыс вежлясяна кадакывъяслөн кодь жө, шуам: *База туй вывти таялём ордымыс водзө нуөдiс Прокө Васькаөс. (Г.Юшков) Та вөсна кутшөмкө тырмытөмтор осьласас и кутiс артмыны, ньөти нин лөсявтём нэмсө мөгөн ветлысь мортыды. (Г.Юшков) Төлөн топөдөм пурным ньөжйөникөн кывтө кыркөтти пөлөнөдыс. (И.Торопов) Аксень келис Кыддза ю вомөн, кодөс тадзи шулөмаөсь сылөн берегыс пөлөн, чукөрөн-чукөрөн быдысь кыдзьяс вөсна, да осьлалiс нин ыджыд парматi чуклялысь векныдык ордымөд. (И.Белых)*

Медым велөдчысыя кужисны торйөдны шөркывсө сы дорө йитчысь кывъяснас, позьө корны вежны шөркывсө кадакывйөн и юалөмьяс сувтөдөмөн петкөдлыны мукөд кывъяскөд йитөдсө; *кызьяс быдмөны (кызди?) чукөрөн-чукөрөн, (көни?) сылөн берегыя пөлөн*. Өтка шөркывйислөн оз ло тырвыйө вежөртасыс, юөртөмыс. Быть колөны сийөс гөгөрвоөдан кывъясыс. Тадзи артмөны шөркывъя тэчасьяс, кодьяс сёрникузяын лоөны өти юкөдөн – төдчөданпасөн.

Шөркывъя тэчасьясөн төдмөдигөн позьө сетны сёрникузя и тупкыны шөркыв дорө йитчысь кывъяссө, сёрникузясыс торйөдны юкөдьяссө и юавны, ставыс-ө тырмө, мый колө вөчны? Сэсся велөдысь восьтө тупкылөм юкөнсө, а велөдчысыяс вөчөны кывкөртөд, мый шөркывйыс корө стөчмөдны сылысь вежөртассө. Мый колө содтыны, кутшөм кывсикасыя?

Сёрникузяя: *Платон Ваньө да Васька Карлө, дерт, пыр жө и юөртисны Өнөпкөд сёрни йылысь чери кыйысь войтырлы. Чери* кывсө тупкөмөн лыддьөны челядь и казялөны, мый быть колө содтыны *кыйысь* кыв дорас гөгөрвоөдысь кывъяс. Кутшөмьяс ковмасны? (*чери, пөтка, көч, пармаысь, вөрысь, юысь, тыысь*). Челядь та бөрын вөчөны кывкөртөд: шөркыв да сы дорө йитчысь кывъяс артмөдөны шөркывъя тэчас, коді пыр йитчө эмакыв динө: *Рытив-лунвыв-сянь дыр пөльтысь төв вайлывліс кыскө зэра кымөрьяс.* (И.Белых)

Шөркывьяслысь кадакывьяс кодь петкөдчөмсө вынсьөдөм вылө велөдчан небөгас эмось лөсялана уджьясыс: вежны кадакывьяссө шөркывйөн, шөркывьяссө вежны кадакывьясөн, кадакывьясыс артмөдны шөркывьяс да с.в. Бур уджьяс пыртөма шөркывъя тэчасьясөн төдмөдан юкөнө: адззыны шөркывъя тэчасьяс, орчөдны өтка шөркыв да шөркывъя тэчас.

Татшөм уджьяссө вөчөдөм бөрын позьө сувтөдны юалөм: Мый йитө шөркывьяссө кадакывьясыскөд? – Кадакывьяс моз жө найө... (сёрникузясө помалөны велөдчысыяс). Мый серти позьө торйөдны шөркывьяссө кадакывьясысь? (шөркывьяс босьтөны аслыссикас суффиксыя.)

Шөркывъяс да кывбердъяс

Шөркывъяс торъялӧны кадакывъяссыс кывберд кодъ грамматика признакъяснас:

1. Эмакыв водзын мунӧны тӧдчӧдысь-гӧгӧрвоӧдысь кыв пыдди и оз вежласьны, оз ладмӧдчыны ськӧд ни лыд, ни вежлӧг серти. Велӧдчан небӧгын индӧма, мый найӧ вочавидзӧны *кутийӧм?* юалӧм вылӧ. Но сийӧ лӧсялӧ и кывбердъяслы. Медым тайӧ юалӧм сертиыс велӧдчысьяс эз сорны кывбердъяскӧд, позьӧ велӧдны сувтӧдны *мый керысь? мый керан? мый керӧм? мый кертӧм?* юалӧмъяс. Шӧркывъя тэчасъяс, ӧтка шӧркывъяс, кызди и кывбердъяс, пырджык сулалӧны тӧдчӧдан кыв водзын. Налӧн зумыд кыв артыс. Тӧдчӧдан кывсӧ кӧ гӧгӧрвоӧдӧны шӧркыв и кывберд, сэк кывбердыс сувтӧдсьӧ кыв дорас медматӧ, шуам: *Нывъяс ас кыйӧм дӧбраысь вурӧм мича паськӧмаӧсь*. Кывбердъяс моз жӧ шӧркывъяс вермӧны мунны эмакыв пыдди и вежласьны сы моз жӧ, шуам: *Абу ёна гырысьӧсь чериясыс, но и абу поснийӧсь кыснан вылад шедӧмаясьд*. (Г.Юшков) *Кӧсья ме сьыланкыв тэчны Посни сӧстӧм дзирдалан изъясысь, оз тай артмы сӧ зарни тэчасыс*. (В.Лыткин) Кызди и посни сӧстӧм кывбердъяс, дзирдалысь шӧркыв оз босьт тӧдчӧдан кывйыслысь формаяссӧ, а вежласьтӧг примыкайтӧ сы дорӧ (ляскысьӧ).

2. Шӧркывсӧ тӧдчӧдан кыв бӧрас сувтӧдигӧн, торйӧдигӧн, вермӧ босьтны сылысь формасӧ, шуам: *Сийӧ жӧ луннас Ревекка петӧс гортсьыс весьтас Чугралань. Виль норт, Яковлысь вӧчӧмсӧ, кыскис бӧрсьыс*. (Г.Юшков)

3. Сёрникузяын шӧркыв вермӧ лоны юӧрпасӧн. Сэки ладмӧдчӧ лыд серти гӧгӧрвоӧдан кывйыскӧд: *Сьӧлӧм дойыд бурдтӧм. Видзьясыс ытшкытӧмӧсь. Йӧзыс узьтӧмӧсь*.

4. Шӧркывъяс дорын вермас лоны **медся** кывтор: Медся ышӧдана кывъяссӧ шуны кӧсий, да эз артмы. Медся виччысяна гӧсьтъяс локтисны. Найӧ вермӧны босьтны ӧткодялан **-джык** суффикс: *Мӧрччанаджык дой кылис морӧспань улас Падей Ёгорлӧн*. (И.Белых)

Век колӧ кутны тӧд вылын, мый и кывбердъяс серти шӧркывъяс аслыспӧлӧсӧсь:

а) кывберд петкӧдлӧ пырся признак, а шӧркыв – вежласяна признак. Тайӧ признакыс лоӧ сӧмын мыйкӧ керигӧн. Шӧркывсӧ

век позьö вежны кадакывйöн, кадакывсö – шöркывйöн: *Локтас Кельчипи Тарас, кодi олö юкöд, тыкöд (юкöд, тыкöд олысь Кельчипи Тарас). Локны көсийс Ошпи Макар, Комын Ошкös чергöдысь, а кань куын ветлöддысь. (И. Куратов) (Ошпи Макар комын ошкös чергöдö ма, а кань куын ветлöдлö.)*

б) артмöны сöмын кадакывйысь аслыспөлос **-ысь, -öм, -ан, -ана, -тöм** суффиксысөн.

Сидзкö, кывбердыскöд шöркывьяс ёнджыкасö матынöсь синтаксис боксянь, а кадакывьяскöд – пытшкөсса вежортас да кыв тэчас боксянныс.

Коми кывйын паныдасылöны **-öм, -ан, -ысь** суффикса эмакывьяс – омонимьяс. Налöн сидзжö петкöдчö öткөдылуныс кадакывьяскöд: артмöны кадакывьясысь, вермöны веськöдлыны вежлöга кывьясөн, босьтны ас дорас кадакывбердыяс. Сы вöсна эм коланлун торья удж сины шöркывьяс да омонима эмакывьяс торйöдöмлы, шуам татшöм тэчасьяс видлалöмлы:

Локтöм йöз – гöсьтьяслөн локтöм кежлö, гöрöм му – му гöрöм бöрын, гöрöм помавны; кыан кепысь – кепысь кыансö помавны; вотчан чуман – вотчан могөн да с.в. *Вотчан ли сьöла кыан могөн кө петiс Прокö Васька гортсьыс, то кежис эськö кытчöкö, со тай шуйга ки вылас и вöрыс. (Г. Юшков) Капит дядьлөн гөлöсысь некутшöм узян ру оз на тöдчы. (И. Торопов) (орчч. узян жыр). Гилялис кывйыс *Виринеялөн вомавны Стакейöс, но полан руыс öлöдiс шыа-сьöмысь. (Г. Юшков) Тайö сёрникузясас вотчан, кыян кывьясыс лоöны эмакывйöн. Позьö сувтöдны мый могөн? юалöм. Сидзжö и узян, полан кывьяс. Мый вылö позьö нöшта кыскыны челядьлысь пельсадьсö? Öти-кö, сы вылö, мый тöдчö шöркывьяс артмöм вылас; мöд-кö, став кадакывсьыс-ö став суффикснас вермöны артмыны шöркывьясыс; коймöд-кö, кутшöм эмакывьяс найö вермöны гö-гöрвоöдны ёнджыка художествоа текстьясын, кывбурьясын, юөр гижöдьясын, наука гижöдьясын да с.в. Тайö юалöмьяс вылас во-чакывсö велöдчысыяс вермасны сетны торья уджыяс вöчöм бöрын:**

- Сетöм кадакывьясысь артмöдны шöркывьяс. Позьö кө, артмöдны став суффикснас да гижны гöгöрвоöдан кывйыс-кöд.

Лэбзыны, бытшкасьны, шувгыны, чукльөдлыны, вуджны, корны, лыйны, вöчны, писькөдчыны, виччысьны, воштыны, тöдмавны, ышнясьны, няргыны, панявны, отсавны, лэчтавны, мөвпавны, гөгөрвоны, зэлöдны, лэччыны, тöждысьны, шувгыны.

Артмöдны медводз **-ысь** суффикса шөркывъяс став кадакывсьыс, сэсся **-öм** суффиксаяс да с.в. Висьтавны, кутшöм суффиксöн медуна шөркыв артмис.

- Висьтавны, торъялöны-ö мыйöнкö **-ан** суффикса шөркывъясыс.

Нуан бус, пуан ва, гижан кывбур, велалан ру, кылан шыяс, коян кад, куртан турун, туялан удж, чуклялан туй, сяльган шор, мыссян доз, мыськан паськöм, омлялан тöв, оналан сынöд, олан керка, вöралан көлуй, вöралан пон.

- Көнi позö, вежны **-ысь** суффикса шөркывйөн. Артмöдны соссян вежөртаса шөркывъяс да гижны тöдчöдан кывйыскöд. Вöчны, керавны, доддявны, ректыны, пуны, корны, овны, көдзны, весавны, сёйны, кисьмыны, вотны, велавны, вөрзьöдны, кывзысьны, лöсявны.

- Кадакывъяссьыс артмöдны шөркывъяс да гижны зумыд кывтэчасьяссö, гөгөрвоöдны вежөртассö.

(Ваймыны) пач кодь, (боргыны) шор моз, би пыр (петны) морт, блин (сёйны) рöдысь, (вежласьны) поводя кодь, гуын (куйлыны) көч кодь, (шедны) вöв кодь, (чегны) лытö йитас, чагйö (кутчысьны) пон кодь, (кульны) ур кодь, (тöвйыны) гут, (мыськыны) сёркни кодь, (нювны) кукань кодь, (потны) вор дорö кольны.

Отсөг вылö: *öдий сёрнитны, пöрысь, гöль, озыр, абу зумыд, некытчö петавтöм, оз сетчы, мелiа сёрнитны, ыкша, быдтор адзылöма, идравтöм, öдва вöрысь, ёна виччысьны, ён, омöль, жеб.*

- Индыны кывсикассö **-öм** суффикса омонимьяслысь. Мый серти тöдмавсьöны?

Письмö гижöм – гижöм письмö, поезд локтöм – локтöм поезд, шондi пуксьöм – пуксьöм шондi, кыа петöм – петöм кыа, вөр пөрöдöм – пөрöдöм вөр, ур кыйöм – кыйöм ур, мырпом воём – воём мырпом, зорöд тэчöм – тэчöм зорöд, кыв шуöм – шуöм

кыв, вый сывдём – сывдём вый, мёс лысьтём – лысьтём мёс, лым усьём – усьём лым.

- Вайёдны кыв велёдан терминьяс-шөркывьяс. Лёсьёдны сёрникузяс.
- Висьтавны, мыйён позьё вежны придаточной юкөнъяссё сложной сёрникузясас, вежсьё-ё сёрникузя вежёртасыс.

1. «Вай тэ мем шы, кодi ачыс сутшкё!» – ыджыд вокыс бательы кайтё. «Вай мем лампа, кодi ачыс тюлё, мулысь-валысь веркёс нюлё!» – Шөркост воклён заказ тайё. 2. Серёд юсё, шыльёд васё Чунькытш серён, гажёд мортсё, Кодi чери кыйё, Асыв. Рытын сёрён. 3. Ог корёй паськём, кодi югьялё, оз ковны кизьяс, кодьяс дзирдалёны. Мездлунным медъёна колё. Вермысьлён сёлёмыс долыд! 4. Мойдё сёмын кань, Ань, кодi видзё паччёр. 5. Югыдсё курыштам турун юр ыджда, Гартыштам, кёртыштам пёрт ыджда, кодён сур пуёны. (В.Лыткин) 6. Эштіс сарайыс, көнi вартёны, да лэдзис [Васька] найёс, мужикуловсё. (Г.Юшков) 7. Тайё кадсянь лои налён Гёр и вёв, и сю, кодёс кёлзёны. И вот отув найё талун кёлзёны асьыныс му. 8. Сэні өвтыштісны лым чирьяс, кодьясёс тёлыс новлёллё. (В.Лыткин серти) 9. Дёра, кодёс вёчёма шабдiысь, косьмё шондi водзын йёрын. 10. Майёг йылын катша китшкё, Лысва усьтёдзыс пё ытшкы. Гулю дольё: «Курр-ан, курр-ан! Юрөдз воёд турун, кодёс ытшкёма». (А.Мишарина серти) 11. Миян колисны сьыланкывьяс, кодьясёс эг сьылёй. 12. Уна нин тыдаліс шойна ягас рёчыс, кодi абу на эжмёма. (Г.Юшков серти)

- Скобкаас сетём кадакывьяссьыс артмөдны шөркывьяс, гижны тёдчөдан кывьяскөд.

І. 1. Сыысь и босьтіс коми руыс: отиторйөн кө оз мойви, мөдтор вылө уськөдчывны. Сыысь и тайё шмоньыс лолёма. Нинём кө`пё оз шед, пач (чышкыны) лыс вай гортад, век нин өтлөк. (Г.Юшков) 2. Дыр эз жуйвидз Васька, локтысьяс кылісны (шарскыны) кок шыаёсь, а сэсся куимён тыдовтчисны войладорсяньыс. (Г.Юшков) 3. Ковмис косны Прокё Васькалы да кежны ордымөдыс, вөр (кыскавны) туйөдзыс шлөпиктыны. (Г.Юшков)

4. Чужмудорсыы Васька эз на гортас веськөдчы, а шойна дортгыс (лэччөдны) туй вылас кежөдiс вөвсө (Г.Юшков) 5. Виям ты ййвтыыс абу на вөлі письтөма Эжваыс да, сьөрт вылас (петны) Энь юыслөн и кучкыштiс небыда (шлывгыны) визувыс. (Г.Юшков) 6. Батыс ломтөма нин чомсыыс изья горсө да нар вылас пидзөсасьлөмөн востөма тшын (кыскыны) розьсө. (Г.Юшков) 7. Төлөн (новлөдлыны) лым чирьяс сэнi өвтышталiсны кинас меным. (В.Лыткин) 8. Көсья ме сьыланкыв тэчны Гөгөр (мыскыны) керкаыс кыпидөс, (Пөжны) лунся гым шыысь гораөс...Көсья ме сьыланкыв тэчны Посни сөстөм (дзирдавны) изьясысь... Оз тай артмы сёзарни тэчасыс... (В.Лыткин) 9. Туй выйим, мөвпьясыд чужөны кытөн, сувтөны тэ водзын (югьявны) стенөн, Шөрөдзыс сьөлөмад пырөны пидө... (В.Лыткин) 10. Гажа асылын сэн сьылө лэбач уна пөлөс. (Ошкыны) сьылан, (шогсыны) сьылан. Сьылө налөн гөлөс. (В.Лыткин) 11. (Дзирдавны) асывлөн чужөмыс нюмьялө. (В.Лыткин) 12. Пашляк лёкысь лыйсис ывлавылын, Жалыс ньөти эз пег сьылөн Кокниа (пасьтасыны) войтыр вылө. (В.Лыткин) 13. Сөстөм юй, мича юй, ваыд синва дорысь сөдз. Бадьяс вомөн, вөр пу ййвти нуан ассьыд (быгзыны) ва. (В.Лыткин) 14. Кобис. Абу кодзув, Муыс – сьөд роч ной. Кутш моз шлывгө водзө (Чуймыны) тувсов вой. (В.Лыткин)

II. 1. Онтон Иваныс быттьөкө эз аддзы Васькаөс, ньөти родыштлытөг равөстiс (весьөпөрны) нывбабаыс вылө. (Г.Юшков) 2. Арнас көдзлөм сюыс да бобөнянь улас (видзны) муыс сэсья бура ыджыда уськөдлiс гектар лыдсө. (Г.Юшков) 3. Рөчөн (нитшсявны) коз увьясас сөмын вежөдiс чикыльөсь корья тиль пув да мыччөдлiс посныдик туся тугьяссө. (Г.Юшков) 4. Кывзы, Аркадь, талун тэныд ковмас чөвтны Кузь ты помсьыд вайдөрлунья (ытшкывны) турунтө. (И.Белых) 5. Арся ывласө (гажөдны) (мичмөдны)! Войвыв пармалы кыпидлун (вичмөдны)! Вөрлөн алөйгөрд мольяса сикөтш! – сувтiс ме водзө (онявны) би кодь пельысь. (В.Лыткин) 6. Лыс весьтын тыдалө джумгөр – (купайтчыны) челядьөн тыр. (В.Лыткин) 7. Локтiс Митрей, (йитлавны) Чөс туй вылын гөрөд көчлы. (И.Куратов) 8. Ай-мамыд вөлісны надзөсь да скөрөсь. Ныв-пи эз вельмывны налөн, ачыд тэ вөй вөлін, (кутөны) кодь вөрысь. (И.Куратов)

• Вежны, көні позьё, торйөдөм юкөнъяссө лөсялана шөр-
кывья тэчасөн. Висьтавы шөркывлөн төдчанлун йылысь.

1. – Ме тавой, бабуньяс, вөтөн тывъялі! – кутіс висьтавы марьямоль сикөтша... мича гырысь лөз синма Збой Өксинь, Падейлөн (кодi дьөгөдь вийөдіс) гөтырыс. (Г.Фёдоров) 2. –Аньёй, аньёй! – лядвейяса киясөн швачнитіс Назар Иван Лизалөн вежаньыс, Пашколөн (кодi додь вөчис) Елюкыс. 3. Лиза пукаліс (чужөмыс югьялө), бандзибьясыс (лежнөг дзоридзьясөн ымралө-ны), өмидз ваөн быттьө мавтыштөмаөсь вом дорьяссө. (Г.Фёдоров) 4. Олөма нывбабаяс гөрд, виж бабаюраөсь. Томджыкьяс кокошникаөсь, (кодьясөс мича шөвк сунисөн да бисерөн вышивайтөма), кокныдик гоҗся көмаөсь, сера чулкиаөсь (асьныс кыөмаөсь). 5. Сэні налөн и кашникьяс и гырничьяс (кодьясын шыд пулісны) латкаяс, рачьяс, дозьяс (көні видзисны вий) корчагаяс, (көні чужва вийөдлісны) (кодьясөс өжигайтөма). 6. Вильгортсаяс вайөмаөсь пуа көлуй вузавны: (исласьөм вылө) дадыас, додыас (вөралөм вылө), наргьяс, сямөд пестерьяс, наберушкаяс, чуманьяс; (лым весалөм вылө) зырьяс, (пөжасьөм вылө) зырьяс. (Г.Фёдоров *серти*) 7. Пызан сайын пукалісны аньяс (чужөмыс банйөма), мыйкө гусьөн шөпкөдчисны ас костаныс. (И.Белых *серти*) 8. (Кымөрөдзыс нюжөдчөмаөсь) козьяс да пожөмьяс, кажитчө, быттьө найө помтөм нэмаөсь. 9. Өнөп арлыда нин вөлі. Зумыд кокьяса, кыз сойяса. Паськыд пельпомьяса. Мича мужичөй. Сөмын көсича дорьясас смоль сьөд (юрсиыс дзормөма). (И.Белых *серти*)

• Сетөм шөркывья тэчас дорас вайөдны төдчөдан кывсө, кодлы, мыйлы лөсялө шөркывнас петкөдлан төдчөдөмыс. Ныртө чепөльтан..., пельтө чунөдан..., емдонысь дорөм..., ачыс сутшкысь..., ачыс тюлысь..., сьөлөмтө вөрзьөдана..., ловтө ышөдан..., изйысь артмөм..., лы йиран..., шонді водзын очсалысь..., гуысь петөм... кодь, гуын куйлан... кодь, вий пыр кыскөм... кодь, вий войталан..., синтө ёран..., гидысь петавтөм... кодь.

Отсөг вылө кывьяс: *көдзыд, ош, көч, лун, горс, сись, чөв-лөнь, шы, сьыланкыв, удж, пон, кукань, кань, лампа, лым.*

- Сетом кадакывъяссыс артмодны шоркывъяс да гижны шоркывсö гогорвоодыс кывъясыскöд: индыны, кони найö быть колöны. Вöчны тадзи: *котортны – котортысь челядь – вадорö котортысь челядь – öдйö котортысь челядь – тиакла котортысь челядь* да с.в.

Пöжавны, вурöдны, кылöдны, вартны, дзирдавны, лолавны, дзуртны, пырны, локны, дзесбсыны, кыйны, бöрдны, нюмъявны, банйыны, чегны, вийöдны, сынавны, вöчны, кисьтыны, велавны, лэбны, новлöддыны, вайöдны, овны, люкасыны, сёйны, пуны, ворсöдчыны.

- Торйöдны шоркывъяссö да кывбердьяссö. Тöдчöдны кыв пöрадоксö.

1. Премияяс сеталаннуд, деньга таргайтанныд, а турун зорöдьясным öд гöна лёльöяс кодьöсь – йывдытöмöсь и пыкöдтöмöсь. (*В.Безносиков*) 2. Джуджыдöсь, кузя нюжалысьöсь Висер юпöлönса зöм сулалысь слуда берегьяс. (*Г.Фёдоров*) 3. Пилаяс оройöдлöны увйöм гогрöс ён керьяс. 4. Эзысь струнаяслөн гөлöсьясыс гораöсь, сьөлöмтö вөрзьöданаöсь, нывьясöс чуксаланаöсь. (*В.Юхнин*) 5. Весигтö чай йылысь эз вунöдны. Öд нывьяс локтасыны кынмöмаöсь, мудзöсь. (*Г.Фёдоров*) 6. Пызан гогорыс сярвидзöны нывьяс да зоньяс, мичаа вöччöм олöмаджык суседьяс. (*В.Безносиков*) 7. Дыр кывзис Сир Вась сиктса аньяслысь ая-пия гогор бергалысь негора сёрнисö. (*И.Белых*) 8. Öни Парма, энь лайка, куйлис чомйын да шонтис аслас вир-яйнас сы бердö топöдчöм неважөн на чужöм муса кычипиянсö. (*И.Белых*)

- Торйöдны эмакыв пыдди мунысь шоркывъяссö да кадакывйысь артмём эмакывъяссö.

1. Машинаыс збыльысь кутис надзмöдны öдсö. Тыдалö, тайöс и виччысысны орччөн пукалысьясыс. 2 Но шоперлөн синьясысь тöдлытöг воши майшасьöмыс, да сийö кутис висьтавны, кызди водз асылын вайис Сыктывкарсянь Емваö поезд вылö тэрмасьысьясöс. 3. И быттö тайöс тöдöмөн, мый эз ло пöрысьмёмнин сиктсö дорйысьыс да видзысьыс. (*И.Белых*) 4. Но пöрысь вöралысь, понйыс тыра вöли да, йортлывлис сийöс керкаас. 5. И збыльысь, кор арланьыс бөр мөдöдчывлисны гырысь карьясö да

посёлокъясö танi шойччысьяс, дзикöдз куслывлiс важ керкаясын олöмыс. 6. Бензопилаөн вöдитчысьыс сöмын на инмöдчö кузьысь-кузь пожöм дiнö, а Илля Öльöксан мый вынсьыс нин заводитö йöткыны пусö. 7. И кымын во сэсся Öльöксан уджалiс вöрын, куштiс, позьö шуны, кытчöдз вöрыс вöли, медбур ягъяссö. Нималысь вөр лэдзысьөн лоис. А сэсся вöрыс помасис. Öни öд сийö тшöтш парма бырöдысьяс лыдын. 8. Öльöксанлөн кокыс висьны кутiс да ва туй видзöдысьөн вöзйысис. 9. Автобусын ветлысь-мунысьöс... кыкис ас дiнас матысса керка дiнын сулалысь жаравеча юкмöсыс. 10. Налөн сёрниысь позис гөгөрвоны, мый воöмаясö ёна шензьöдiс татчöс тыяс да сэни олысь лэбач-пöткаыс. (И.Белых)

- Торйöдны сёрникузяяс, көни эм шөркыв.

I вариант

1. Сэк жö енэжыслөн быдысь югзылём бöрын Матвейлөн мыйлакö топавлö сёлöмыс. 2. Войбыд öшалысь кымөръясыс кытчökö пышйöны-дзесбсьöны. 3. И сэки шондi пуксьöм бöрын друг ярьюгьд биясөн ыпнитывлö ставнас енэжыс. 4. Енэжöдыс тэрмасътöг кытчökö шлывгöны гежöдиник еджьд баля кодь кымөръяс. 5. Недыр мысти тылысь чöv-лөнсьö бара поткöдiсны чунöдана шыяс. 6. Воысьяс чеччисны көрт лэбачысь ас костаныс гажаа варовитiсны. Налөн сёрниысь позис гөгөрвоны, мый воöмаясö ёна шензьöдiс татчöс тыяс (И.Белых серти).

II вариант

- Торйöдны шөркывъя тэчаса сёрникузяссö.

1. Сидзи сэсся уна во чöж и куйлис гөрда-еджыда рöма кирпича-изья сорасыс сиктшөрса мыльк вылын. 2. Öти кадö кыпöдчыштны кутiс сиктыс. Уналаын зарниөн лöсталысь керъясысь выль стрöйбаяс сярвидзны мöдiсны, асфальтөн вевттьöм туйяс нюжалiсны... 3. Но ты берегын сулалысьяслы лои гөгөрвоана, мый öнисянь на кийн татчöс вөр-валөн бур олöмыс. 4. Коляс-ö на чериыс тайö зэв мича вöрса тыас да оз-ö эновтны та бöрын танi уна-уна во олысь кольём на лэбач-пöткаыс. 5. Некод лэбач-пöткалы эз мешайт танi овны да рöмдыны. Ыджьд ёсь төвьяс эз вермыны писькöдчыны ты вылас. Сы гөгөр паськöдчöм пармаыс видзис тысö. (И.Белых серти)

НОГАКЫВ (ДЕЕПРИЧАСТИЕ)

Ногакыв темыс 7-öd класслы дзик жö выль велöдантор, и велöдысылы зэв кужöмön колö пыртöдны челядьöс темаас, ызыьöдны налысь интересö.

Ногакыв велöдан шöр могъяснас лоöны:

- тöдмöдны ногакыв понятиеöн, тöдчöдны термин лоöмсö;
- гөгөрвоöдны шöр керöм да содтöд керöм понятиеяс;
- петкөдлыны кадакывкөд да кадакывбердкөд матыслунсö да торьялöмсö;
- тöдмöдны ногакыв артмöдан суффиксьясöн;
- велöдны торйöдны ногакывьяссö текстысь;
- тöдчöдны ногакывьяслысь сёрниын и гижöдын коланлунсö;
- гөгөрвоöдны ногакывья тэчас понятие;
- велöдны торйöдны найöс сёрникузяысь и кужöмön вöдитчыны ас гижöдын.

Ногакывьясöн тöдмөдöмсö колö заводитны шöр, подув керöм да содтöд керöм понятие гөгөрвоöдöмсянь. Позьö босьтны татшöм сёрникузя: *А пöрысь Микайлö пукалö нёровтчöмön шоныд пач бокин да юрсö öшöдöмön вугралö.* (И.Белых)

Юавны велöдчысыяслысь:

- Кутшöм керöмьяс вöчö Микайлöыс? (пукалö, нёровтчöмön (нёровтчöма), юрсö öшöдöмön (öшöдöма), вугралö.)
- Став кывйыс-ö лоö кадакывйöн?
- Мыйöн найö матысöсь кадакывьяс дорö? Мыйöн торьялöны? Кызди петкөдчöны: ашшöра либö оз ашшöра? Кутшöм кывкөд йитчöны?

Сидзкö, торйöдöм кывьясыс петкөдлöны керöм жö, но налön:

1) абу кадакывьяс кодь кыв формаыс, абуöсь када, морта, лыда суффиксьясыс; 2) найö оз вежласны.

Велöдчысыяс орччöдöны:

<u>Нёровтчöмön</u> – пукалö	юрсö <u>öшöдöмön</u> – вугралö
пукалис	вугралис
пуксьöма	вугыртöма

- Мыйла гижысыс оз öткодь формаа кадакывйöн вöдитчы?
- Кутшöм керöм сийö лыддьö быть коланаöн, шöр керöмön? (пукалö, вугралö).

– Мый содтөдсө юөртө гижысыс? (нөрөвтчөма, юрсө өшө-
дөма)

– Кызди петкөдлөма содтөд керөмсө?

– Кутшөм керөм артмөдө грамматика подувсө сёрникузяс?

Та бөрын велөдыс юалө, мыйла содтөд керөм петкөдлыс кывьяссө шуөны ногакывйөн. Найө төдчөдөны шөр керөмыслыс мунанногсө. Сы вөсна и шуөны ногакывйөн.

– А мыйла колө содтөд керөмсө мөд ног, а оз кадакыв моз жө петкөдлыны? (Ногакывьяснас позьө петкөдлыны унджык керөм, мынтөдчыны өткодь формаа кывьясыс, өткодь тэчасьясыс).

– Кызди позьө гөгөрвоөдны, мый сийө ногакывйыс?

Сэсся позьө сетны сёрникузя, мед велөдчысыс асьныс тайө юалөмьяс сертиыс висьталасны тайө ногакывьяс сертиыс, кызди гөгөрвоисны.

Сёрникузя: Битур дорын косьтысигөн найө сулалісны воча, но шы эз сетлыны. (Г.Юшков)

Велөдчысыс медводз адзөны грамматика подувсө, торйө-
дөны шөр да содтөд керөмсө. А велөдыс кывкөрталө, мый нога-
кыв, кызд кадакывлөн вежласьтөм форма, петкөдлө шөр керөм-
көд вөчан содтөд керөм. Сідзкө, пытшкөсса вежөртаснас матын
кадакывкөд, а синтаксис боксянь, кызд сёрникузяс юкөд, матын
кадакывбердкөд. Кадакывкөд йитөдсө позьө петкөдлыны *Мый
кериг? Мый керөмөн? Мый кертөг?* юалөмьяс сувтөдөмөн.

Кутшөм юкөдөн лоө ногакывйыс сёрникузяын, төдмалам
Кор? Кызди? юалөмьяс серти.

Велөдчысыслы позьө вөзйыны юалөмьяс, кодьяс вылө
вочавидзөмөн найө төдмаласны ногакывьяслыс мукөд признаксө:

– Мый нөшта йитө найөс кадакывьяскөд?

– Кутшөм грамматика вежөртасьяс налөн петкөдчөны?

– Мыйла ногакывсө оз шуны ашөр кывсикасөн?

– Мый найөс матыстө кадакывбердьяскөд?

– Кывлөн кутшөм юкөньяс серти найөс позьө торйөдны
кадакывьясыс?

– Эмось-ө мукөд кывсикаслы лөсяланторьяс?

– Пыр-ө ногакывйыслөн да кадакывйыслөн өти и сийө жө
керыс петкөдчө?

– Лөсялөны-ө комиын и рочын ногакывъясыс грамматика боксяныыс? Мыйон торъялөны?

Видлөгъяс серти уджалөм бөрын велөдчысыяс асьныс вө-часны юалөмъяслы лөсялан кывкөртөдсө.

Водзө вайодам ногакыв йылысь содтөд юөртөм. Сийон велөдысь ас көсийөм сертиыс вермас төдмөдны велөдчысыясөс, пельсасьсө ногакывъяс аслыспөлөслун вылас ёнджыка кыскөмөн.

Шөр вежөртас кындзиыс ногакыв вермө лоны вежласян кадакыв кодъ жө:

1. Петкөдлө действие мунанног вежөртас: *Узьшитис дай садь-мис. Маджа сикт – Гожся войыд – сийө, майбыр, бордъя. Татийөм вoitтө өддзөдчывтөг* дзык *Асья кыа вөтөдас и ордъяс.* (А.Ванеев)

2. Петкөдлө залог вежөртас: *Сэки сийө (Ардальон) ньөжйөн-ник бергөдчис, быттьөкө вильыд вылын, и посниа на тувччаліс керка сайө воштысьтөдз.*

3. Кадакыв моз жө веськөдлө кыв формаясөн: *Бур, мый эз кокньод асьсө вөрөдыс писькөдчигөн, эз энөвт зібсө (Ардальон). Ыдъжыд коз пу вузля улө, кын мусө йириг да парсаліг, пырөдчис понйыс.* (Г.Юшков)

4. Ногакыв дінө примыкайтө кадакывберд: *Мунөны нопъя йөз ю дорті, яг пөлөн, Тувсовъя сынөдөн чөскыда лолаліг.* (В.Лыткин)

Ногакыв век жө торъялө вежласян кадакывйысь:

1. Ногакывйөн петкөдлан керөмыс абу ашшөр, а содтөд, сёрникузяын оз кут шөр юөртөмсө керысь йывсьыс. Сы вөсна ногакыв некор оз ло юөрпасөн, оз артмөд сёрникузяыслысь грамматика подувсө весиг сэк, кор ногакывйыслөн аслас эм збыль керысьыс, и петкөдлөма сийөс нимтан вежлөга кывйөн: *Арнас, лым-бобув дэбаліг, бара нин тырвийө олысьө пунктис асьсө Вириня.* (Г.Юшков);

2. Ногакыв вермө лоны сюрөса торъякывйөн кывтэчасьясын, и сэки кывтэчасыс лоө кадакывъяён: *пуяс сайө дзебсясьөмөн, енэжас видзөдлывліг, сынөдөн чөскыда лолаліг, керкаысь петавтөг;*

3. Ногакывлөн кад вежөртасыс абу сэтшөм, кутшөм вежласян кадакывлөн. Кад вежөртасыс йитчөма шөр кадакыв-юөрпаслөн керан кадкөд: ногакывлөн керөмыс вермө мунны өттшөтш, водзджык, бөрынджык: *Быдөн мортыд письмөтө гижигад збойдъжык овлан, нөшта гажыд кө сэтшөма кодыськө бырө, мый йирмөг босьтлө.* (Г.Юшков)

Коми кывйын ногакыв зэв аслыспөлөс:

1. Вермө босьтны морт вежөртас, но петкөддыссьö сійö оз вежласян кадакывъясын моз, а асалан-индан суффиксьясөн: *Ме олігам нуа оз кокныдик нөб, Мем öтырыш лун төв оз пöляв.* (А. Ванеев)

2. Артмөдö эмакывъяслы лөсялан формаяс:

а) **-яс** суффиксөн петкөдлө действилельс уна пöрйö мунöм-сö: *Сьöлөм вөрзөдысь кымын здук кольöма тані, а кутшöм кыпыд-лунöн ми ворслывлім татчö волігъясö – воис юрö мөвп.* (А. Лыповов);

б) индан-асалан вежлөга-морта суффиксьясөн: *Некор он төд, кутшöмджык мөвпьяс песöны сійöс* (Пиöпан) *чөв олігас.* (И. Торопов) Татшöм форма ногакывйыслөн төдчөдö векджык асьсö керысьсö, коді оз лөсяв шөр керöм вöчыськөд. Миян вид-лөгын грамматическöй подувнас лоö *мөвпьяс песöны*, ногакыв-йыслөн субъектыс абу мөвпьяс кыв, а торья морт, тані (Пиöпан). Но сійöс петкөдлөма ногакыв **-ас** форманас. *Тундраö петіганым быдöнлы во кезлас сетісны пызь мешöк.* (А. Лыповов) Тайö öти юкө-да сёрникузяс шөр керöмсö петкөдлө сетісны кадакыв. Сылөн керысьыс тані öтувтöм вежөртаса (кодкө найö), а петіганым ногакывлөн аслас керысьыс (кор ми петім тундраö), **-аным** төдчөдö I мортөн кодкөдкө вöчан содтөд керöм.

Татшöм ас субъекта ногакывъясыс артмөдöны сёрникузялы лөсялан содтөд тэчас. Но век жö сійö оз ло ашөр грамматика подулөн, а сöмын подув юөрпасысь зависитан юкөдөн.

3. Ногакыв вермө босьтны кывбөр-суффиксьяс, кодьяс ногакывлысь керöмсö стöчмөдöны кад боксянбыс: *Томджык нывьяс верöс сайö Мый нин муналіс! Мыськи да вурси пыр ме Мунигкежланыс.* (И. Куратов) *Мунигкежланыс* ногакывйөн петкөдлан действиеыс лоас шөр, вежласян формаа мыськи и вурси кадакывлөн керöм бöрас.

Тані ми индім ногакывъяслысь кадакывкөд матыстан да торйөдан признакьяс. Быд суффикса ногакыв кутö аслысикас вежөртас й грамматическöй формаяссö артмөдö мукöдыскөд оз öткодьöс.

Велöдысьлы отсög вылө ногакывьяс йылысь теориясö төд вылая уськөдөм могысь водзö петкөдлам быд суффикса ногакыв-лысь аслыспөлөслунсö.

-Иг (-ig) суффикса ногакывъяс петкөдлөны:

а) содтөд действие, коді мунө шөр действиеыскөд өти кадө: Велөдчө со кориг Айтөм пөнөмар пи. Ывлаын со көмтөм Чеччалө тай Карнө (И. Куратов) (велөдчө и корө). Эжва дорын пемыд Лоис, Лэччис му вылө сьөд рыт. Юлөн гыис муртса койис, Лөня мойдиг рытывбыд. (В.Лыткин);

б) ногакывлөн действиеыс мунө шөр действиеыслөн серпас пыдди: Мукөддырийыс, контораас пукалігөн, (Макар Савельевич) энөвтчас тиөтінас гольскөмыс, гыравывтчас пызан дорыиас. (В.Безносиков);

в) ногакывйөн петкөдлан керөмыс вермө мунны шөр керөм водзас: Тэрмасьөмөн төлысь, Кыліг сёрни тайөс, Дзэбсис сы бөрысь Вөтчысь кымөр сайө. (И.Куратов) (сёрнисө кыліс и дзэбсис);

г) ногакывлөн керөмыс босьтө ыджыдджык кадколаст подув действие сертиыс: Быд мортлөн муслун – өтчыд быдысь дзоридз. И сетсьө, кызди олөм, өти дзык. И уна вояс вомөн вөсьлаліг, Дзык сөмын өтчыд инмас сьөлөм дорөдз. (А.Ванеев);

д) шөр действиеыс мунө либө оз мун ногакывлөн керөм вылас видзөдтөг: Ме дас сизим во Джудждаммиг эг во өнөдз морт нимөдз. И коз Быдмө мян моз. (И.Куратов) (көть дас сизим во джудждамми, эг и во морт нимөдз);

е) ногакывлөн действиеыс петкөдлө мөд керөмлысь могсө: Вералысь доктөмсө виччысиг Илля пукаліс звөз помын. (В.Юхнин) Ногакывйыслөн керөмыс лоө помкаөн подув керөмыслы: Но, дыртө служитигөн, дедөным бур йөз мозыс овмөдчыны-семьитчыны абу слөймөма. (В.Безносиков) Дыр конюкалігад мортыд скөнъ вельмөма (В.Безносиков) (Дыр конюкаліс да, вельмис). Кыз нө он лок тадзтө коригөн? (В. Безносиков)

-Иг суффикса ногакыв дорө вермөны ляскысьны:

а) **-өн** суффикс: Кодыр библия ме лыдди, Сюртөм дявөл ангел пыдди орччөн мекөд пукалігөн Сералис пыр ньөжйөникөн. (И.Куратов)

-өн суффикса ногакывлөн действиеыс мунө өтдыра подув керөмыскөд (пукаліс и сералис);

б) кывбөр-суффиксыяс **кежлө, чөж, моз, кості.** Найө стөчмөдөны содтөд действиеыс да подув керөмсө кадколаст боксяныыс.

-игкежлө суффикса ногакывйөн петкөдлан действиеыс мунө подув действие бөрас: – Ме, дерт, тэнө мырдөн ог ысты, но го-

жёмсö кö чоя-вока уджыштаннуд, велöдчигкежлад деньгаторыйд сгöдитчас (В.Безносиков);

-игмоз суффикса ногакыв петкöдлö подув действиелысь мунанногсö: *Сёрсянь кывзöны зэв чöла Гажа челядьлысь ёсь гöлөс Пасьтöм кыз пу да дзор коз, Чöскыд унмöн узигмоз*. (В.Лыткин); подув действиелысь могсö: *Зорöд увъяс видлалигмоз ме водз петі гортысь*.

-игчöж суффикса ногакыв нимтö керöм, кодi муно подув действие дыра жö: *Вот татшöмсяма ниртчöмыс и вöвлi öтлаын уджалигчöжыс, а зурасьлөмöдз некор эз волены*. (Г.Юшков);

-игтыр суффикса ногакывйөн пасьян керöмыс муно öт-тшöтш подув керöмыскöд: *Но немтор эг удит вöчны: синъяссö чышкалигтыр да сыркъялигтыр кухняö пырис ноъя Ивö Аннуш – Гранялөн пöдругаыс*. (А.Льюров);

-игкості суффиксөн артмöм ногакывйыс петкöдлö ичöt кад-коласт, кодакості муно подув керöмыс: *Самолётын лэбигкості вьль пöв олі ассьым став челядьдырöс*. (Н.Куратова) *Серöктісны нывзон, нюмёвтісны Тикöнлөн суседъясыс, а Виталий Ильич неуна гөр-дöдышитіс, сёрнисö панігкостіыс торкисны да*. (В.Безносиков)

-иг суффикса ногакывъяс артмöдöны эмакывъяслы лöсялан татшöм формаяс:

а) уна лыда **-яс** суффиксөн и петкöдлöны содтöд керöмыслысь некымын пöрйö овлөмсö: *Тадзи майшасисны шойччыны сувтлгьясö армеечъяс и няньла мунысь мужикъяс*. (Г.Юшков)

б) индан-асалан суффиксысөн **-ам, -ад, -ас, -аным, -аныд, -аныс**: *Эз нин öти турун пуктысьöс да чери кыйысьöс садьтöг повзöдлы войся лэбалигьясас (энь сюзь), а талы веськодь*. (Г.Юшков) *А дояркаяс нокошитчисны нин асланыс лысьтысян аппаратъяс дорын: мыскалісны, косöдісны, разисны-тэчисны, медым уджалиганыс некыт сэся оз торксы*. (В.Безносиков)

Видлалöм формаяс сертиыс позьö шуны, мый коми кывйын ногакыв абу дзик вежласьтöм, шуам, роч деепричастие серти.

-иг суффикса ногакыв зэв аслысплөс сідзжö синтаксис боксянь. Унджыкысьсö сійö артмöдö ногакывъя тэчас, ас дорас вежлөг формаа кывъяс босьтöмөн, и петкöдлö, мый содтöд керöмсö и подув керöмсö вöчö öти и сійö жö керысь: *Вой тöлыд усьласьö, пöльтö, Эжваыд пемыд, сім лöz. Ва дорын шензигтыр шöйтö Пес-*

тера, курана йӧз. (В.Лыткин) (*Йӧз шӧйтӧ и шензьӧ*) Шуд тэ он сет; лыйлӧ сийӧ Биа ньӧв моз кивьсь киӧ, сӧмын киньнас югыйшитлас, Сэн-тан коляліг сьӧд нас. (И.Куратов)

Медся тӧдчана аслыспӧлӧслуныс коми ногакывъяслӧн сыын, мый налӧн вермӧ лоны аслас торъя керысь. Ю дор бадддын тӧвру кышакылӧ, Алькӧс берег нюлӧ мелі гы. (Шонді петігӧн) мӧд-лапӧлысь ылысь Кылӧ меным утка герчкӧм шы. (А.Ванеев) Петігӧн ногакывлӧн керӧм вӧчысьыс шонді, а подув кадакыв-юӧрпасыслӧн – шы. Кодкӧ (сийӧ ветлігкості) восьтӧма ӧдзӧссӧ. (Я.Рочев) (Субъектнӧй ногакывсӧ босьтӧма скобкаӧ). (Ме помнитігӧн) пыр сідзи и нимтісны «крупчаткаӧн» Мишка Петырыслысь писӧ. Тані ногакывлысь керӧм вӧчысьсӧ петкӧдлӧма (Ме), а подув кадакывйыслӧн сийӧ стӧчмӧдтӧм, гӧгӧрвосьӧ сӧмын (найӧ, кодьяскӧ).

Тайӧ видлӧгъясас ногакывйыслӧн субъектыс петкӧдлӧма нимтан вежлӧгӧн. Но сийӧ вермӧ сӧмын гӧгӧрвосьыны, кыздз збыль субъект, грамматика боксянь. Но гортас воӧм бӧрын Владик водышитлыны эз нин вермы: (кильчӧ вылас кайигӧн) сийӧс паныдаліс батысь. (В.Безносиков) (Кор сийӧ кайис кильчӧ вылас).

Шондіа асывтӧ Коді оз тӧд! (Мичлунтӧ видзӧдіг) Морӧс оз пӧт. (В.Лыткин) Видзӧдіг ногакывлӧн керысьыс тані абу петкӧдлӧма, но сийӧ гӧгӧрвосьӧ торъяӧн. (Ужнайтігӧн) локтіс Шурик. Весьӧпӧртіс ставнымӧс. (А.Льноров)

Коми кывйын ногакыв артмӧ и морттӧм (безличнӧй) кадакывйысь, субъектыс сылӧн оз вермы лоны: (Рӧмдігӧн) рытын Туй вылын быдӧн тэрмасис... Кытчӧ? (В.Лыткин)

Став тайӧ сёрникузяс ногакывъя тэчасьясыс сюрӧс сертиыс мытынӧсь быдса сёрникузялы. Роч кывйӧ вуджӧдігӧн лоӧ вӧдитчыны придаточнӧй сёрникузяӧн. Тайӧ аслыспӧлӧслуныс вермас тӧдчыны рочын деепричастиеясӧн вӧдитчӧм вылас: рочын шӧр да содтӧд керӧмсӧ вӧчысьыс ӧти и сийӧ жӧ. Паныдасьлӧны татшӧм торкӧмьяс: Заходя домой, пошёл дождь. Выходя из дома, у меня развязался шарф. Подходя к лесу, мне стало холодно.

Зэв гежӧда, но ногакывъяс вермӧны артмӧдны торъя сёрникузя: Ок, эськӧ томмывны во кызь кежлӧ кымын! Кужисны жӧ овныд, кужисны жӧ гажӧдчыныд! Совхозад уджалігӧн! Судзяна да ладмана олігӧд! (В.Безносиков)

Но и тани ногакывйыс вежортас сертиыс абу ашпөр. Сийö зэв топыда йитчöма II сёрникузя дорас. Висьталысьыс кыскö пельсасьсö тайö юкөнъясас висьталантор вылас.

-иг суффикса ногакыв комиын вермö лоны состояние кывьяскöд, сэки сийö тöдчанаджыкөн лоö юөрпас сертиыс, кодi петкөдлö субъектыслысь состояниесö. – Фронт вылас мунигөн геройн жö окота вöли лоны, но войнаыд тай, Федя, оз ёна юась. (И.Торопов) Гашкö, та вöсна и Владиклы долыдджык кажитчис ягас мунигөн да помся газуйтис. (В.Безносиков)

-öмön суффикса ногакывьяс.

Тайö ногакывйыс петкөдлö содтöд керöм, кодi мунö подув действиеыскöд öти кадö. Блыстчылас, сэся бөр матыстчö, синъяссö читкыралöмön и юрсö пöльнөдлöмön донъялö вежон кадся удж-рöбöтасö (В.Безносиков) Зэв тшöкыда сийö босьтö керöм мунанног вежортас: Видзчысьöмön сёрнитлим и, мед тöдлытöг кутиöмкö кывйөн не дойдны öта-мöднымöс. (Г.Юшков)

Зэв тшöкыда **-öмön** суффикса ногакыв йитчö **тшöтш** кыв-бөркөд и петкөдлö, мый тайö керöм бöрас пыр жö заводитчö подув керöмыс: Синтö восьтан: ывла-с вöт кодь, Гажа öишь сайын!.. Дырнөс дорö ми чиг öткодь Чеччöмön тшöтш каям. (В.Лыткин) Локти гортö, а бать абу на жö унмовсьлöма, менö виччысьöма. Кыдз да мый, пырöмön тшöтш менсьым юалис. (Г.Юшков)

Öти кыввужья ногакыв да кадакыв вермöны артмöдны зумыд кывтэчас, ногакывйыс сэки действие вежортассö воштö и босьтö мера-степень вежортас: Лэбас Владислав Пешкин сийö карас медыджыд самолётнас. Пырас коланаинö, а таво тöв Лиляыс сирасьöмön сирасис Владик дорö. (В.Безносиков) Тани **-öмön** суффикса кывсö бурджык лыддьыны кадакывбердөн. ДТ-ыс Барановлөн вöли инич выль, тöлысь кум сайын на заводсьыс петöма, моторыс эргöмön эргö. (В.Безносиков)

-öмön суффикслөн коми кывйын эм синоним, **-ана** суффикс. Тайö суффикса формаяснас зэв ёна вöдитчö Г.Юшков. – Мед! А батьö прыдди нин ме öни! – ошйысяна чöвтис Васька да вöрзис мөс туй горув. Удж эз джöмдыв: став коланторйыс на тырмис. Вит дизель, öтсор муралиг, лöсялана шыалисны гымтöм арся войö. Табанитлис көчыс да кезжана чеччышитис ылöдджык. Кень кыза кымын войнас чарöмавлöма нин вöли, да асья гöрд шондi улас сьавкъяна дзирдалис вазьышитöм лым чорасыс. (Г.Юшков)

-төдз суффикса ногакывъяс петкөдлөны:

а) керөм, код водзын подув керөмыс вөліс содтөд керөм-өдзыс: *Сөмын тайө пөрийө Павел вежөртіс нин сьөлаыдлысь ас ногыс мудералөмсө, вөлөмкө, лэбас-лэбас да друг чукыльтчас пуксы-төдзыс на, мед пөрийөдлыны корсьысьсө.* (Г.Юшков) (чукыльтас, а сэсса пуксяс);

б) подув керөмыслысь петкөдчанног мерасө да степеньсө: *Тулысын гөрд коляозыйс мыйта! Гырысьсөсь, юмов көрайсь, челядь чөсмасьлөны горшыносө сирөдтөдз.* (А.Льуров) *Кочкавтөдзыс копрасис Вириная, тишунөдысь тишунөдө гөгыльтөдіс лестовкасө.* (Г.Юшков)

Самарин бергөдчытөдз командирыс эз тиөкты лэдзасьны ни биасьны. Субъектнөй конструкциянас тані петкөдлысьө урчитөм кад, сьөдз мунө либө оз мун мөд субъектлөн действиеыс: *Лок нин, лок, тиук, Регыд лөзөдас чөдлач, өмидз кисьмытөдз гортад көть ов.* (А.Ванеев) *Энь сюзь колльөдіс айсө синъяснас чутө пөртөдз да лөнис.* (Г.Юшков)

-төг суффикса ногакывъяс кутөны соссяна вежөртас и петкөдлөны, мый:

а) подув керөмыс мунө содтөд керөмтөгыс: *Чугра йывланыя, из палак усьөмысь артмөм джаджъя горсйын, вөрзьөдчывтөг пукалө ыджыд энъ сюзь.* (Г.Юшков) *Потас-пазйө юрсө дзебө кор, Мед овны вензьытөг да косьтөг, Томөн-бурөн нитшкөн эжсьө морт.* (А.Ванеев);

б) соссян ногакывйыслөн действиеыс лоө подув керөмлы условиеөн: *Сөрмөдчытөг петан муяс вылө – няньыд и картупельыд, и капустаыд лоас йөр тырыд.* (А.Льуров);

в) лоө подув керөмлөн признакөн: *Сійө юрсө өшөдөмөн пуксис му чульк вылө да дыр пукаліс кыв ни джын шутөг.* (Я.Рочев)

Йөз кост сёрниын и художествоа гижөдьясын зэв тшөкыда паныдасьлөны соссян вежөртаса сёрникузяя, кытысь төдчө действиеыслөн быть мунөмыс, лоөмыс, действие мунөмас эскөмыс. Тайө лоө **-төг** суффикса ногакыв бердас **ог, ов, оз, он, ов,** соссян кадакывъяс содтөмөн: *(Пестерьяссө) өти здукөн и босьталісны. А ньөбтөг оз овны!* *Висарлөн пестерьясыд лөсьыдөсь, кокниөсь, йөрышаөсь.* (Г.Юшков) *Эз жө артышттөг ов тайө Павел, кор шуис петны бурөвөйсьыс.* (Г.Юшков)

Та дырйи ногакывйыс пырö юөрпас составас, кызди и соссян отсаян кадакыв бердын: *И яндзим босьтис Коктöм Косьта водзас, öд ньöти абу лёк морт сийö, оз нин вермы шмониттöгыс, да ывсöд-чывлö-а.* (Г.Юшков)

-мөн суффикса ногакывьяс петкөдлöны

керöмлысь мера да степень: *пöтмөн сёйны, öтчид пумөн кыйны черисö.*

Ногакывйыслөн действиеыс лоö подув действиеыслы ылöсас мераөн. *А асылыс гажа, шондиа, юыс синтö ёрмөн эзысьөн лöс-талö.* (И.Торопов) (Юыс сідзи лöсталö, мый синтö ёрö). *Мудзöма, кок йывсьыс усьö, воис Вируinea гортас: тэрмасис, быттё куспöд-чыны, да и кыйдöсыс кыскымөн чукөрмис чöс туйсö кытшовтöм бöрын.* (Г.Юшков) (Чукөрмис сы мында, мый кыскыны ковмас). *Бимывлис сэтчö Васька, мый колхозыслы пусьымөн на кутас кыйны черисö.* (Г.Юшков) (сы мында черисö кыйны, мый колхозыслы пусыны тырмас). *Няньтор со на Кольöм; ёна Сёй тэ, лок. Месö кызди? Табак видзи кыскысьмөн.* (И.Курапов)

-мөн суффикса кывьяс вермöны йитчыны эмакывьяскöд, сэки найö лооны шөркывйөн. Сёрниын и гижöдьясын шөркыв функцияс паныдасьлöны зэв гежöда, сы вöсна эз торйöдлыны найöс ногакывьяс пиысь.

Ногакывья тэчасьясөн төдмөдөм

Ногывья тэчасьяс видлалігөн позьö уськөдны төд вылö шөркывья тэчасьяс йылысь да юавны:

– Мый öткодъыс шөркывлөн и ногакывлөн?

– Мыйөн найö торьялöны?

– Кызди артмöны шөркывья тэчасьяс?

– Кызд артмöны ногакывья тэчасьяс?

– Кöни сулалöны ногакывйыскöд йитчысь кывьясыс?

Орччөдөм вылö позьö сетны татшöм сёрникузяс: 1. *Ворсö му выв. Шензьö сөстöм сынöднас дольда лолалысь войтыр. Мунöны нопья йöз ю дорті, яг пöлөн, Тувсовья сынöдөн чöскыда лолаліг.* 2. *Турун пиын кылö сэки чирклөн сьылöм. Пемыд арын шувгысь войтöв Йизьöдны көсийö сьөлöм. Вой төв яра шувгиг тайö керкаö оз пыр.* (В.Лыткин)

Велөдчысьяс өтар бокас гижöны шөркывъя тэчассö, мөдара – ногакывъя тэчассö и вочавидзöны юалöмьяс вылас.

Ногакывъя тэчасөн төдмөдигөн позьö тупкыны ногакывдорас йитчысь кывьяссö (*Тувсовъя сынöдөн чöскыда*) да лыддыны сёрникузясö: *Мунöны нопъя йöз яг пöлөн лолалиг*. Велөдчысьяс казлöны, мый *лолалиг* ногакывйыс öткөнсö оз сет тырвийö юортöм, быть корö ас дорас төдчöданкывьяс. Татшөм ногөн артмöны ногакывъя тэчасьяс.

Ногакывьяслысь могсö колö төдчöдны татшөм видлөгьяс серти:

1. Öтиöс сöмын, дзик öти другöс ассым ме сибöда ас динö: ыргөн везъя ворсанторйöс – кантелеöс. Сы вылын эськö ме кутй ворсны бипур дорын пукалиг, шонтысигмоз, нимкодясигтыр, кызди тöлысь югöрыс джодж пöv вылын ворсö. (*В.Чисталёв*)

2. Тыра доддьөн гортлань мөдам ньöжйöник, Додь бöрсяным кикок шонтиг, йöктигтыр. (*В.Чисталёв*)

Тайö сёрникузясас петкөдчö ногакывъя тэчасьяслөн шөрмогыс: дженьыд тэчасьясөн серпасавны шөр керöмсö, ловзьöдны висьталанторсö.

Велөдчан небөгас эмöсь öтка ногакыв да ногакывъя тэчасьяс орччөдөм вылö, найöс артмөдөм, видлалөм вылö уджьяс. Велөдчысьяс вермасны вынсьöдны төдöмлунсö сийö уджьяссö вöчөмөн.

Тайö жö небөгас вöзьям сикасаджык уджьяс, кодьясын төдчөдöма ногакывьясөн вöдитчан поэянлунсö:

• Вежны сетөм кадакывьясөн петкөдлан керöмсö ногакывьясөн. Вöчны таdzi: *пукавны и кысьыны – пукавны кысиг, кысьыны лабичын пукалиг*.

Восьлавны, сьывны, бöрдны, серавны, йöктыны, визувтны, ворсны, чатрасьны, видзöдны, шензьыны, пуны, нимкодясьны, ваксьыны, павкнитны, тэрмасьны, топöдлыны, вежавидзны, сьакйыны, киссьыны, шойччыны.

• Скобкаясас сетөм кадакывьяссьыс артмөдны ногакывьяс да пасйыны йитчысь кывйыскöд.

1. Капканьяссö вылысь окталөм бöрын Ёгор Панте кыкнан көчсö, водз да бөр кокьясöдыс көв йылö (көртавны) пельпом

вомо́ныс о́шодіс мыш саяс. (*Б. Шахов*) 2. А О́дя сулаліс пачводзас шуйга кісё киняулас (суюйштны), а веськыднас тшөкаас (мыдж-сьыны), видзөдіс панясьыс Панте вылө. 3. Көчильяс на кө Пан-тельсь русө кыпөдісны-а, вомгорулас сьылан (мургыны, моз) тай шливкйис-исковтіс. 4. Панте да О́дя ен ув пельбөс водзас орччөн улөдз (копрасьны) куимысь пернапасасисны. 5. Недыр мысти туй чукыль сайсяньыс налы паньд гора (увтчыны)тырйи кык пон пет-көдчисны. 6. Водз татчө воим, да шойччыштөм бөрын ньөж-йөникөн (ужнайтны, кежлө) на вермам гортө воны. 7. А ыджыд-джыкъясыс, Лиза да Ваня, синъяссө (эз вештывны) видзөдісны учительша вылө. 8. Төрыт рыт (янсөдчыны) бөрдисны гортсаяс. (*Б. Шахов*) 9. Мукөдыс томөсь на. Пелькиник тушаныс... веськы-да мунөны пыр, Шонділань (видзөдны тыр). 10. Гортөдз нөшта сё километр саяс, (Нимкодясьны) асьнымөс ми ваям. 11. Визулыс гыыскөд Швачкө кыр бердө, (Ызгыны тыр) усьласьө, Ён вынсө бертө. 12. Ывлавылын пашляк ковгө (Лявгыны тырйи) дзуртө лым. 13. Ывлаын лэчыд төв сьылө Лым чирөс (йөктөдны, тыр). (*В. Лыткин*) 14. О́тка көинөн нимтісны ас сиктсаяс О́нөпөс. Гаш-кө, сы вөсна, мый оліс мукөдсьыс (торйөдчыны, моз). (*И. Белых*)

• Вежны, көні позьө, торйөдөм тэчассө ногакывъя тэчасөн.

1. – Муті? – юаліс важлаыс вушйөм нин кумач бабаюра Назарика. Сэтшөма жө нин сійө радейтө бабалысь больөдчөм кывзыны: вомсө паськөдөма, синсө оз лапнит, видзөдө Елюклы вомас. 2. Тулысын, кор лымйыс сывны кутас, кор лунвылысь ку-тасны локтавны дзодзөгъяс да юсьяс, вөрыс и ваыс, пармаын олысь войтыр виччысьны оз вермыны эзысь сюра көрөс. 3. А кутшөм лөсьыда кужліс мойдны ыджыд мамныс. Челядь чукөртчасны төв-ся рытө паччөрө, вомсө паськөдасны, кывзөны. 4. Сөмын ва визувтө да колипкай сьылө, а донсө оз босьт. 5. Пызан сайын пу-калысь гөсьтьяс ни өтарө, ни мөдарө эз шыасьны, копыртлісны юръяс да пукалісны. 5. Ва вылын олысь лэбачьяс гожөмбыдөн ёнмөм, госсялөм уткаяс, дзодзөгъяс, юсьяс чукөртчөны, тыысь тыө кельбөбөн лэбалісны, ёнмөдісны бордьяссө. (*Г. Фёдоров серти*). 7. Сандра абу вөлі пасьтасьөма, абу көмасьөма, пельпом вылас чышъянсө сөмын павгөма, петаліс көдзыд чуланас. 8. Тайө кывъ-яс бөрас дыркодь чөв оліс Сир Вась, да сэсья нинөм эз шу, юрсө ошөдіс, пырис пыді жыръяс. (*И. Белых серти*)

- Идыны ногакывъяссё, гөгөрвоодны вежөртассё, гижны ногакывъя тэчасъяссё.

1. Съёкыд кө овнытё, чорзьё кө съёлөмыд, Ичөтсянь быдмигад шудтём кө вёлөмыд, мун сэки сёрдө вөрө... Мудзин кө песси-гад, усин кө съёлөмнад, Быри кө эбөсыд лёк йёзкөд мырсигөн, – Ветлы тэ йёз пытшкё сэки. (*В.Лыткин*) 2. Гашкё нё, командировкасьё тшөкыдакодъ ветлгьясөн Олюксан велөдчис нин донъявны йёзсё медводдза видзёдлассяньыс. (*И.Белых*) 3. Видз вывтё мунгөн дзоридз ме аддзылэ – Вылөдз зэв лэптёма кельдыдгөрд юрсё. (*В.Лыткин*) 4. Кирилл пөль висьтавлёс, кыдзи некымын во сайын медбөръяысь вөралгас паныдасълёма татшөмторйыскөд. 5. Олюксанлөн тайё здукаясас ас төдлытөгыс кутёс петны синваыс. 6. Сийё авгус заводитчигас сиктысь медбөръя крепыд мужичөйяссё босьтёсны ыджыд война вылө. 7. Тадзи мөвпалгтырйи Аркадий Иванович төдлытөг и воис видзьяс вомөн восьлалёгмызыс Кузь тыбокса веретяё. 8. Мый көть мед оз шуны, но танё, чужан сиктын, водз тулыссянь сёр арөдз олёгөн, вөр-ватё лунысь-лун ветлгөн, вуграсигөн, тшак-вотёс өктёгөн, важиник керка гөгөр ноксигөн шойччө Аркадий Ивановичлөн лолыс. (*И.Белых*) 9. Гортын недыр кезлө нёровтчылёгьясөн пыр вөтасьлёс Матвей сыысь дзебьясысь му пытшкё дзебём озырлуньяссё. (*И.Белых*) 10. – Меным куштысьны на колө, Садьмөда, кор менам пусяс. Ва шонта мыссыным и. Горсё на сэтысь ломтыла и, сёйигкостаным мед ваймас. (*Г.Юшков*)

- Индыны ногакывсё, төдчөдны, лөсялө-ө керём вөчысьыс шөр керём вөчысьыскөд.

1. Найё завтракайтёгкостё джынья төлысьыс дзыкөдз дзебсьёма, көдзыдыс небзьёма. 2. Ветлысь-мунысьяс шойччан жырйын найё Косьтакөд маличаасисны да петёсны ывлаас. Доддяс сөвтөдз на петёсны керкасыс Марья да Трёш Вань. 3. Ывлаыс найё узигкостё вежсьёма. 4. Зэр пырыс сэтчань корсюрё видзөд-лывлёгөн кажитчылёс, быттё тайё крестьясыс ловьяёсь да вөрөны. 4. Пемдгөн нин зиль Осе да Дарья капуста да лук керисны. 5. Челядылы волёс сэки вөляяд! Көть вугрась, көть вотчы, көть биपुर дорын пукав... Но и зэригад чериыд оз сэтшөм ёна шед. 6. И быттё бара сэки, Павликлөн быдмигөн, томмывлёсны съёлөмнас бать-мамыс. 7. И со нин Кирё пондёс висьтавлёны че-

лядьлы, мый сыкод неважон вөлі вöрас... Кирöлөн висьталіг-мозыс югъялісны синъясыс. 8. Тадзи аскöдыс сёрнитігмоз пöрысь Михайлö пыртліс никсысь кычипиянöс гортас. 9. Сöмын бөр вуджигас кер вывсянь кер вылö чеччалігмозыс эзджык артышт ас-сыс вынъяссö... да став тушанас веськаліс Кирö тувсовъя кодзыд ваö. 10. Матвей петö кильчö вылас да син доймытöдзыс видзöдö кадусь кадö ыпъялысь енэжас. 11. Шонді пуксигас нин Кузь тыпомса видз вылö локтіс верзбөмөн коктөм Кирö. (*И.Белых*) 12. Кыя петігөн, көканöй, көк! Висьтав, кымын во овны ме кута. (*В.Напалков*) 13. – А тэ лыйлін нин кырнышсö? – Лыйлі нин öтикöс, кокасигас суи да. (*Г.Юшков*)

- Гөгөрвоодны вежөртассö соссына ногакывьяслысь торйö-дөм тэчасьясас.

1. Босьттөг сійö эз ов вежöрас, кутшөм полана да нöшта и забеднö Ленаыслы кольччыны öнi сытөг. 2. Парскытөг эз ов Латкинлы тадзтö бергөдөмыд, муртса эз кучкы скөрвывьсыс гөтырыслы. 3. Пиняс кочкыліс Васькалы, бытбөккө кодзыд ва-ысь, кикурöда татшөм уджсьыс, и ыззытөг эз ов лөсьöдчынысö, а Зояыс, мөдарö, падмөдіс сійöс. 4. Медтыкө регыдөн бара эз лёкмы поводьяыс, коставлыштліс мичанас, а сэсся элясьтөг нин позбө овны ар помыс вылö. 5. – А ме аддзылі нин татшөмтö! – долыда жö висьтасис Васька. – Аддзывтөг эн ов. Ворйö и куранö, зырийö и пельсö – быдлаö пасйысьлөма лои да, ас вөчөмас. 6. Но мамыслөн дойдана кыскалөмыс тыдалö, абу на мөрччытөг кольөма батыслы: аскинас и нуөдліс Васькаöс Дзоля Ягö. 7. Дона чашка коркө Васька жугөдіс, йөткыштіс гыррдзанас пызан вылысь. Мамыс, дерт, скөрмытөг эз ов таысь сы вылö. 8. Бөрддзыны эз лысьт Васька, вермөдчис да петіс жö кызкө чорыд му вылас, но льякөссьытөгыс сылөн некыт нин эз коль. 9. – Час, вот пöжася и пызан лөсьöда. Петав либö да лым таяв. Он кө нин вермы нинөм вөчтөгыс. 10. Сюйтөг эз ов Васькалы мудзсö сьökыд ботаныс, а пыжсö на коліс ваөдзыс кыскыны. (*Г.Юшков серти*)

- Индыны ногакывья тэчасьяссö, висьтавны, кутшөм аслыспөлöслун петкөдчö наөн вөдитчанногас И.Куратовлөн.

1. Ныв видзөдіг кокныд унсö Ланьтіс пыр и шмыньялігөн ньөжйөн бөрддзис. 2. Сы вöсна видзөдіг быд кодзув вылö öткодя

долыдлун сьёлөмөй кылө, Сөмын тай найөлөн югөрьяс шондыны Морөсөс некодыр менсьым оз пондыны. Тэрмасьөмөн төлысь кыліг сёрни тайө, Дзевсис сы бөрысь Вөтчысь кымөр сайө. 3. Босьтіг удж оз нинөм шу [пөльө]; Вөчас, ваяс, гортад чөвтас, кепысь-шапка кинас көвтас Да и петас шы ни гу. 4. Вөтөн аддзыны зэв шогмө – Вотсө перйигөн мужикысь Комын куимысь тай кучкис Станөвөй – эз комын кыкысь. 5. Петан туйө, кодөн йөзьяс Мунөны, – и көйялан Накөд корсиг асьыд шудтө. 6. Корсям сьыланкыв ас шөрысь, ас му-ва вылысь, ас вөрысь, Асланым гөль грездьясысь, Юасигөн ныв-зонлысь. 7. Ичмонь и сэн эз вош миян; Быдторйысь төдчис бур мам; Аддзиг сы ав и сы сям, Авьясьны вермисны пиян. 8. Кыакөд кай садьмис нін, радліг тулысса лун вылө. 9. Аслыс босьтө лун-вой уна. Ош тай узыө быдса төв... Коми ошлань этша мунө, Узиг во-во... 10. Дзугыля Ягморт сувтіс и шуө Мывкыднас аслыс, видзөдіг муө: «Төдтөм, дерт, вежас курзьытөм кывсө». 11. Купеч нойтор вайлывліс, бур морт керпу, локтіг вөрысь.

Велөдчысьяслы ашпөра вөчөм вылө уджьяс.

• Торйөдны:

I. Кывберд да шөркыв, кадакыв да ногакыв на вылө пас пуктөмөн.

1. Сөдз, сьялыгысь ключыс некодыр оз надзмыв, му гыркйысь петө гажаа сьылігтыр. (В.Напалков) 2. Шонді петігөн ловзьө Лэбач гөлөсөн ывла, Йирсысь мөсьяслысь өнөдз Жыннян шыяссө кывла. (В.Напалков) 3. Кымөр сайсянь со горзөны дзодзөгьяс, кузь туй вуджигөн вынсяліс борд. Туйсө лунвылө индісны кодзувьяс, Бөрсө лэбигөн төдөны горт. (В.Напалков) 4. Лыдтөм кодзулөн пөртмасьысь енэж Югыз синьяссө войбыд оз кунь. Менсьым унзільөс бара нин венө Асья кыакөд кыпөдчысь лун. (В.Напалков) 5. Лудысь вайөдан мөсьяслөн жыннян шысө кутіс кывны, кор Коктөм Көсьта шамраліс киас таялөм сөйсө. (Г.Юшков)

II. Вежны, көні позьө, кадакывьяссө ногакывьясөн.

1. Латкин кыпөдчис нейджыд мыльк вылө... да пыр и аддзис Кузовкинөс: пуксьөма да пукалө, сапөг бөрнас гудйышталө мусө. (Г.Юшков) 2. Пока чайсө юисны, шондіыс лэччис. 3. Васька эз на некытчө дітшкысь-пуксьы. Перйис мөтыр да биасис, чай пуктіс пузьөдны и то на сулаліс, виччысис пузьөмсө. 4. Өтчыд, самөй

найö пажнайтісны, тешкодътор на Васька думсьыс вистъталіс, оз-ö серöктыны да бурасьны тадзикöн сы вылö. (*Г.Юшков серти*)
5. Но пачыс повзьöдчис нин, и гожöмнас видз вылö абу на вöлі петöмаöсь, батыс выль сөй гу перйис. 6. Кор сөйсö таялісны, тöдысь-кужысь вылö Коктöм Кöсьтаöс корисны. (*Г.Юшков*)

III. Торйöдны ногакывъя сёрникузяссö.

1. Кöдзыд! Лэбачьяс лэбигас кынмöны, Гыöртöм парма мойдын моз чöv. 2. Бурлункöд лёклуныс орччöн на овлö, Лун шöрын вой шöр кодъ корсюрö лолö. Овлывлö – чеччигад сьöлö-мыд сьылö, Водігад – морöсыд ыджыд дой кылö. 3. Петысь шондї качысь руөн мыссис, Шöвк турунъяс вылö резіг ва. 4. Вушки-вашки шыасисны козьяс, Лысва шура-шара кисьтігмоз. (*А.Мишарина серти*)

IV. Торйöдны ногакывъя кывтэчасьяс.

- 1) гырыся восьлалігад;
- 2) öшöдöм юрөн;
- 3) кушöн кольны;
- 4) ки кресталöмөн;
- 5) гусьöник шпынькерліс;
- 6) вöлök вуджигөн.

V. Торйöдны ногакывъя тэчаса сёрникузяссö.

1. Весът кыкöн мусьыс вылын сярвидзöмөн гöнаюр быттö ышнясьыштіс тундраса мукöд быдмөгьяс водзын. 2. Шогöдан чöv пуксис та бöрын да нюжаліс на эськö, эз кö шыась сэтчö сьö-лём сетана айкаыс, Латкинлөн батыс. 3. Вой тöлөн кöдзыдасис ывлаыс, горулас тыдалан ытваыс йіөн весиг сувтліс. 4. Во кымын, Чужмудорö асланыс квартираö лэччытöдз, олісны том гозья Васька ордын. (*Г.Юшков серти*)

Ногакывъяс йылысь тöдмалöмторсö кывкöрталöм могөн позьö велöдчысьяскöд лöсьöдны лингвистика текст да гижны сёрникузясас скобкаас сетöм кывьяссö бöрйöмөн.

Ногакыв – кадакывлөн (вежласян, вежласьтöм) форма; асшөр али абу асшөр кывсикас; матыс (кадакывкöд, кадакывбердкöд). Кадакывкöд сійöс йитö (вежөртас формаыс мукöд кывьяскöд йитчанногыс, кадакывбердкöд йитö (вежласьтöмлуныс öткодъ сёрникузя юкöдөн петкöдчöмыс); ногакывлөн суффиксьясыс форма артмöдана али кыв артмöдана.

КАДАКЫВБЕРД (НАРЕЧИЕ) ВЕЛӨДӨМ

Кадакывберд йылысь велөдчысьяс мыйтакө төдмалісны ичөт классьясын. Ёнджыкасө кызд сёрникузя юкөд йылысь. *Кор? Кыдзи? Көни?* юалөмьяс серти кужоны торйөдны сёрникузяысь, но тайө юалөмьясыс лөсялөны сідзжө ин вежөртаса эмакывьяслы, кыв-бөра эмакывьяслы и ногакывьяслы. Сы вөсна велөдчысьяс вермасны сорлавны тайө кывсикасьяссө. Сідзкө, сөмын юалөм сертиыс стөча төдмавны кадакывбердьяссө велөдчысьяслы абу зэв кокни.

7-өд классын кадакывбердьяссө, кызд ашөр кывсикас, велөдөмыс вайөдөма системаө. Велөдысьлы колө тыр-бура төдчөдны кадакывбердьяс велөдан могьяссө. Медводз колө:

– төдчөдны кадакывбердьяслысь, кызд вежласьтөм ашөр кывсикаслысь, аслыспөлөслунсө;

– петкөдлыны кывсикасьяс системаын инсө;

– төдса кывсикасьяскөд орччөдөмөн петкөдлыны налысь өт-кодълунсө да торьялөмсө;

– төдчөдны шөр вежөртасьяссө;

– төдмөдны морфология да синтаксис признакьяснас;

– петкөдлыны кадакывбердьяслысь артманног боксянь аслыспөлөслунсө, этимологиясө;

– төдчөдны налысь сёрни сөвмөдан, мичмөдан, стөчмөдан могсө;

– велөдны вөдитчыны кадакывбердьясөн ас гижөдьясын.

Тайө могьяссө олөмө пөртөм бөрын велөдчысьяслы колө кужны:

– аддзыны-торйөдны кадакывбердьяссө сёрникузяысь грамматика вежөртас вылас, морфология да синтаксис признакьяс вылас мыджсьөмөн

– төдчөдны кадакывбердсө, кызд вежласьтөм кывсикас, эмакывьяскөд, кывбердьяскөд, ногакывьяскөд орччөдөмөн

– петкөдлыны налысь артманногсө, налысь тэчассө.

Велөдчан небөгсьяс велөдчысьяс аддзасны кадакывбердьяс йылысь тырмымөн теория материал, көни найөс төдчөдөма быд боксянь: вежөртас, вежласянног, мукөд кывсикасьяскөд йитчанног, артманног, гижанног серти. Тыр-бура сикасалөма найөс вежөртас сертиыс. Кадакывбердьяссө видлавны заводиттөдз велөдысь вөзйө темаас пыртөдан, тема дорө интерес кыпөдан юалөмьяс:

– Мый ті төданныд нин кадакывберд йылысь? Мыйла сідзи шусьоны? Эм-ө өткодьлун кадакывберд да роч наречие кывъяс костын?

– Кызди, мый серти торйөданныд найөс мукөд кывсикась-ясысь?

– Позьө-ө сөмын юалөм сертиыс төдмавны кадакывбердьяссө (Оз. Колө төдны, кутшөм кывсикасьянь сувтөдсьө юалө мыс, кутшөм кывсикаскөд йитчө кадакывбердыс).

– Кутшөм кывъяскөд вермө йитчыны? Мыйла шуоны найөс кадакывбердөн?

– Кутшөм грамматика вежөртасьяс босьтөны кадакывбердьяс? Эм-ө налөн кыввор вежөртасьс?

– Кутшөм формаын, кутшөм ногөн вермөны петкөдчыны? (ичөтмөдан суффиксөн, **-джык**, **-кодь** суффиксьясөн и кывбөрьяскөд).

– Эмось-ө налөн вежласян формаяс?

– Сёрникузяса кутшөм юкөдөн вермөны лоны?

– Кызди йитчөны мукөд кывъяскөд? (сөмын вежөртаснас и кыв артнас, кыв вежлалан суффиксьястөг).

– Мый өткодьыс кадакывбердьяслөн ногакывъяскөд, эмакывъяскөд? Кызди торйөдны найөс?

– Мыйла колөны кадакывбердьясыс? (найө уна боксянь стөчмөдөны кадакывьясөн да кадакывьясысь артмөм кывьясөн петкөдлан керөмсө).

Став юалөм вылас велөдчысьяс аддзасны вочакывсө велөдчан небөгсьыс уджъяс вөчигөн.

Велөдчан небөгас сетөм уджьясас тшөктөма корсьны кадакывбердьяссө, сувтөдны юалөм да индыны, кутшөм кывсикаскөд йитчөны. Та дырйи велөдчысьяс вермасны сорлавны найөс вежлөг формаа эмакывъяскөд, кывбөра эмакывъяскөд. Кызди позьө велөдны торйөдны найөс? Босьтам татшөм сёрникузяяс: *Сибир муё воисны коми йёз, воисны семьяясөн, гортса көлуйөн. Сэки миян Коми муын некымын гождөм шөрын кынтылис нянь да мукөд көдза. Велөдчысьяс пасийөны кывсикассө, торйөдөны медводз кадакывбердьяссө. Велөдысь юалө: мыйла эз пыртны муё, семьяясөн, көлуйөн, муын, гождөм шөрын кывьяссө кадакывбердьяс дорө, көть и найө вочавидзөны *Кызди?*, *Кор?* *Кытчө?* *Көни?* юалөмьяс*

вылө. Сідзкө, кадакывберд да ин вежлөга эмакыв сөмын синтаксис боксянь матынөсь: на дорө позьö сувтөдны *Кор? Кызди? Көни?* юалөмьяс.

Колө төдчөдны, мый ина эмакывьяс дорө позьö сувтөдны морфология боксянь мөд сикас юалөм: *мыйö? мыйөн? мый шөрын?* да с.в. Кывтэчасас подув кывйыслысь формасө вежигөн кө вежсьö зависитысь кывйыслөн формаыс, сідзкө, сийö абу кадакывберд. Оз кө вежсьы – кадакывберд, шуам:

пукавны лабичын	пукавны орччөн
пуксьыны лабичө	пуксьыны орччөн

Сідзкө, кадакывберд – вежласьтөм кывсикас, коді төдчөдө керөмлысь мунанногсө, условиеяссө; предмет признакыльсь, состояниельсь петкөдчанногсө да та вөсна йитчө – примыкайтө кадакыв да сыысь артмөм формаяскөд, кывбердкөд и сёрникузяын лоө ногапасөн. *Чириөдлөм бөрад Серкоыс гежсөда петкөдчылис. Аддылан, вот малалө ордымсө, дышиника чөвталө кокьяссө, а кытөн-мый воиласьö, юөр оз сетлы.* (Г.Юшков)

Пельсьыльсь алөйгөрд розьяс гылөдсэ зэв лэчыд төв. (С.Попов)
Комияс олам ми вөрын, Пармаын, веж яла ягын. Сьөкыд зэв сөдз шондэ битөг. (В.Лыткин)

Кадакывберд терминыс төдчөдө тайө кывсикасыслысь медсясө кадакывкөд йитчөмсө, кызди и наречие нимыс, кодлөн торьялө «глагол» вежөртаса речь кыввуж (важ роч грамматика-ясын *речь*). Латин кывйын *adverbium* артмөма «глагол» вежөртаса *verbiум* да «при» вежөртаса *ad* – приставкаысь. Комиөн «кадакывбердса» сідзкө.

- Водзө позьö видлавны сетөм сёрникузяяссө, и төдмавны, кутшөм кывьяскөд йитчөны кадакывбердьясыс.

1. Кокниа лолыштсис (морттөм кадакыв) Васькалөн и сыысь, мый татшөм шудаа бергөдчис сылы Коктөм Көсьталөн төрытья ылөдчөмыс. (Г.Юшков)

2. Миянлы овны (кывпод) колө кызкө и мыйкө, а сылы (Пиок Витень) асланьыс унджык курыштны (кывпод), чиркны өтарө ми воксө. (Г.Юшков)

3. Лов тырөмысла Коля дыр мыкталіс: көсийө мыйкө и оз вермы өтпирйө висьтавны. (Г.Юшков)

4. Кыза нин эжмөм (шөркыв) да тözь турунөн тырөм поскөд Прокө Васька вуджис шор мөдарө, лым ваөн паськыда вайөм (шөркыв) лыа вывти небыда кыпөдчис яг сибыдө. (Г.Юшков)

5. Аскинас та вевсөн бурджыка лөсьөдчөмөн (ногакыв) и кайис рынышгъяс дорө (Васька). (Г.Юшков)

Сёрникузяссө видлалөм бөрын юавны, кутшөм кывсикасьяс дорө йитчөны кадакывбердьясыс да мый петкөдлөны: *керөм мунанінсө, кадсө, мунанногсө, керөмлысь мерасө, помкасө.* Водзө видлавны сёрникузяяс, көні: 1) кадакывбердьяс йитчөны качественнөй кывбердьяскөд, шуам: *Öти туланыс ёна нин ыджыд да мича вөлі.* (Г.Юшков) *Би югөр улын сьөкыда өшиөм пемыдас, ыджыд козьяслөн мыгөрьясыс торйөн нин гырысьён да зумышён кажитчөны.* (И.Торопов) 2) состояние кывьясбердса кадакывбердьяс төдчөдөны состояниелысь петкөдчанногсө: *И мед эз ло дзыкөдз гажтөм му вылын, ас пыддиыс (шонди) ыстис энэжлөн пемдөм йиркө төлысьлысь быгалөм дора чөлөссө да лыдтөм-тишөттөм кодзувьясөс.* (И.Торопов) *Сап пемыд.* *Гыяслөн тышкасьөм кылө; Найө оз аддзыны аслыныс ин.* (В.Лыткин)

Кывкөртөд: кывбердкөд йитчысь кадакывбердьяс петкөдлөны качественлысь вылыс тшупөдсө.

Кадакывбердьяс вермөны артмөдны кадакывберда кывтэчасьяс. Сэки кадакывбердыс мунө сюрөса кыв пыддиыс и веськөдлө косвеннөй вежлөга нима кывсикасьясөн: *миянысь водзын, ставсьыс лөсьыда, кымөрьясысь ыллөджык, юсянь зэв ылын. Көть и абу матын сылы (Илля) мөд районсяныс весьтасавны вөрьяс пырыс, буракө, Öньөлөн сиктсянь серти ылынджык на лоө.* (И.Торопов)

Кадакывбердьяс артманног йылысь велөдысьлы аслыс колө төдны и төдмөдны велөдчысьясөс, мый коми кывйын кадакывбердабу на зэв важся грамматическөй категория. Сийө чужис мукөд кывсикасьясысь. Медуна кадакывберд лоис эмакывьяс подув вылын. Эмакывьясыс өткымын вежлөгын воштисны «предмет» вежөртассө, босьтисны «мунанног» вежөртасьяс – пөрисны кадакывбердьясө. Тшөкыда кадакывбердө вуджөны эмакывьяс, кодьяс петкөдлөны лыд, кад, помка, ин. Татшөм кывьясыс оз нин вермыны босьтны ас бердас төдчөдан кывьяс.

Артманног сертиыс кадакывбердьяссө позьө юкны кык чукөрө:

а) нима кывсикасьяслөн «кынмём» вежлөг формаясысь артмоясь;

б) мукöd кывсикасьясысь суффиксьяс отсөгөн артмоясь.

Торйён сувтлам воддза чукöрас пырысь кадакывбердьясь вылö, кадакывбердлысь артманногсö видлалигөн эм позянлун кыпöдны велöдчысьяслысь интерессö этимология дорö.

1. Уна кадакывбердлөн кыввужйыс воштöма либö вежöма вежöртассö: *подён, пуксён, вомён, öдийён, матын*. Тайö формаяссö оз нин позь лыддыны вежлöга эмакывйён: подён кывлөн под- кыввужйыс вöлöма ‘кок’ вежöртаса. Сийö тöдчö киа-подья, пода ‘скöt’ кывьясь серти. Керанторья вежлöгын сийö ‘кынмёма’ вежöртассö вежöмөн. Босьтам өдийён кыв, кодлөн өд- кыввужйыс вöли ‘жар, пöсь’ вежöртаса, кызди öдья (пывсян) кывйын, но сийö босьтис ‘темп’ вежöртас и керанторья вежлöгын вуджис кадакывберд чукөрö. **-өн** суффиксылөн сідзжö вежсис функцияыс – лоис кадакывберд артмөдысь суффиксөн, кызди и *пуксён, водсён, надзён* кывьясын, кодьясь лоисны *пукса, водса, надз* кывбердьясьлөн керанторья вежлөг ‘кынмём’ формаысь. Ортсын кадакывберд артмөма ин вежлöга орд ‘бок’ вежöртаса кывйысь.

2. ‘Кынмём’ вежлөг формаысь мөд пертасын мөдис паныдасылыны: *татён, сэтён, кытён* (орччöд *ывлаын, рытын* да с.в.).

3. Вежлөг формаысь мөд вежöртас босьтис, эз сэтшöмөс, кушöмын векджык паныдасылö: *тиыглы кувны, гөрдöдз ниртны, торйён овны, дышла эновтчыны, нимкодья вом паськөдны*. Могман, сетан, воан, керанторья вежлөгьясьлөн петкөдчö помка, мера, действие муанног вежöртас.

4. Суффиксьясысь важмөмаөсь: **кыздз** кадакывберд артмөма юалан **кы** нимвежтасысь **-дз** суффиксөн (КЕСК, 150); кымынь кывйын торьялö **кым** ‘мыйлөнкө вылысысь’ вежöртасын да **-ынь** ина вежлөг важ суффикс (КЕСК, 152); дыра: мыйкөдыра < дыр + а вошöм вежлöглөн суффикс (КЕСК, 98); көн кадакывберд кывдinyн торйөдöны **кö** юалан нимвежтас да **-н** ина вежлöга суффикс (КЕСК, 141); аски, асылки кывьясын тыдовтчö öтувья **ас-** юкөн да **-к** пыран вежлöглөн важ колясыс (КЕСК, 34); **сэки** кадакывбердын **сэ** лö индана нимвежтасөн, (ср. *сэтён*), а **-к-** пыран вежлöглөн важ колясыс.

5. Нима кывсикасьясь кывдinyсь усис суффиксысь, и кыввужйысь босьтис муанног вежöртас; шуам, **зэв** кадакывберд лöма

зэлыд кывбердысь (КЕСК, 108), а тшотш – тшотшкös кывбердысь (КЕСК, 290).

6. Кык кыв öтлаасьöны, сы вöсна мый кодыскö мөд пертасын петкөдчö, оз сэтшöмын, кутшöмын овлö торйöнсö: кодыр < юалан кыв код + дыр ‘кад’ вежöртасын (КЕСК, 127); öнтай < öни + тай ‘чуть’ вежöртасын, а öтлаынсö ‘чуть öни, сöмын на öни’ (КЕСК, 217);

Сидзкö, кадакывберд категорияö вуджигас нима кывсикасьясыс медводз öтдортчöны вежöртас сертиыс, водзö найö дугдöны артмöдавын нима кывсикасьяслы лöсялан формаяссö, воштöны грамматика категорияяссö, вежсьöны найö и синтаксис боксянь.

Нимвежтасьясыс артмöm кадакывбердьяс :

а) юаланаяс: *кытысь, кыз, кысь, кызикöн, кытчö, кор*. Ставыслы налы лöсялö *к- юкөн, важ юалан кывлөн вужйыс;

б) соссянаяс: *некөн, некор, некыз;*

в) стöчмөдтöмьяс: *коркö, корсюрö, кытчökö, кытчöсюрö, кызкö, кызсюрö;*

г) öтувтанаяс: *сэн, сэтчö, сэк, сэки, сидз, сидзик, татчö, тадз, тадзик;*

д) определительнöйяс: *быдлаын, быдлаö, мукöдлаын;*

е) относительнöйяс: *кор, кыти, кызди да с.в.*

Бöрья кадакывбердьясыс мунöны йитöс кыв пыдди сложно-подчиненнöй сёрникузясын: *Уна во мысти сöмын водзö югдiс сылы батыслөн туньялöмыс, кор ачыс нин венö воис Онтон Иваныскöд. (Г.Юшков) Друг сийö (Райда) став вир-яйнас кылис, кызди мышьянь сы вылö видзöдö Питирим. (И.Торопов)*

Ёнджыкасö кадакывбердö вуджöны **-öмön, -мön, -төг, -тö, -дз** суффикса ногакывьяс: *А быть кö нин ковмас керасьнысö, колö зэв видзчысьöмön босьтны сэтись вöрсö. Бöрийсьöмön пöрдчöмön. (И.Торопов) Кузь туруна вöйласьысь подула нюрьясöд собö Öньö, кымын водзö, сымын сьöкыдаджык лэпталö кузь гöленя кöтиа кокьяссö шорыслөн шамрасьысь чабырьясысь да шогö үсьöмön (шогпырысь) быдтор йывсьыс мөвпалö. (И.Торопов) Сэсса и падьявтöг (веськыда, стöча) нин шуö аслыс (Öньö), – мый бара дзоньталас да, кыти колö, лочки выльмодас. (И.Торопов) Майбыр, оз нин ков сы моз, Öньö моз, жаявтöдзыд мыш вылад сьöкыд ноп кыскавын – öтарöсö сёян да кöлуй, а мөдарöсö мый шедьштас кыйдöсыс. (И.Торопов) Питирим ёна томджык Степан Фёдорович серти, комын сайö сылы, и мыгөр-*

нас төдчүмөн ичөтджык. (И.Торопов) Тайё видлөгъясас нога-кывъясыс петкөдлөны подула действиельсыс качествосё, степеньсё, качестволысыс петкөдчөмсё и воштөны действие вежөртассё.

Вежөртас сертигыс кадакывбердъяс торйөдөны качественной да керан условие петкөдланаяс ылө.

Качественнойяс чукөрө пырөны:

1. Нога кадакывбердъяс: а) керөм-вөчөмлысыс муанног петкөдлысыяс: **бурпөт уджавны, гусьон видзөдны, чөла пукавны.** *Понъяс чөла куйлөны бисянь жайгысы шоныдын. А лючки кисьмөмыс сийө жө пувйислөн мөддөчис сөмын сентябрын.* (И.Торопов)

б) вынсьөдан вежөртасаяс: **зэв, торйөн, дзык, сап, мырд, сөвсем:** *Сийө жө съөд сэтөрлөн лөзоват дзоридзис эськө и зэв мичаа сярмунлис-воссълис, но пужйис нярмөдис сийөс.* (И.Торопов)

в) керөмлысыс да качестволысыс слаба мунөмсё петкөдлысыяс: **чуть** кылыштө, **өдва** ловъя, **пөшти** дасы, **неуна** кисьмыштөма, **муртса** вөрө. *А сэккості ми, бурджык, пув вотны веськөдчылам, а пувйис муртса на гөрдөдыштөма.* (И.Торопов)

г) керөмлысыс вывті ёна мунөмсё, медбөръя тшупөдөдз воёмсё петкөдлысыяс: **жаявтөдз, усьтөдз, кувтөдз жалитны, усыр ортөдз, гөг вөрзытөдз, сьөлөм потмөн, сьөлөм бурмытөдз, синва петмөн, лов петтөдз, весьөпөртөдз** – *Дөзмас өд... – падъялис Питирим. – Дөбелькиөдз вермас лөгасыны... Вермас гортас мунны...* (Степан Фёдорович). (И.Торопов)

2. Лыда кадакывбердъяс, кодъяс петкөдлөны:

а) өтласа да өтка керөм: **кыкысыс** лыддыны, **өтмындаён** юкны, **куимысьөдз** волыны. Артмисны найө лыдакывъясысыс. *Өтилаад кыйсигөн, он көсий да верман воча зурасыны.* (И.Торопов)

б) өти пөрйө муан либө өти мортөн вөчөм действие: **өтчыд, өтчыдысыс** веськавны, **өткөн пукавны (овны), өткөн-өткөн локтавны, өтарө** видзөдлыны. *Өтчыд сийө, ыджыд Ош, томджык да йөйджык дыршысыс на, кольчылыс нин сідзсө, төвса шөйтисьнасыс, сы вөсна мый ыркыд да гөль вөлі гөжөмысыс.* (И.Торопов)

в) ылөса лыд-мера: **унаысыс, дзыкөдз, неуна, мыйтакө, некымынысыс.** Öтиясыс на пиысыс петкөдлөны действие лыдсө ылөсасыс, оз стөча урчитөмөн: *Олөмад тай не этшаысыс овлө тадзисө: мыйкө*

шуасны тэ дырйи, а лов пытшикёсыд тэнад ытнитё да заводитё чискыны-сотчыны... (И.Торопов)

г) стёч лыд: **ётчид, кыкысь, дасысь:** *И мёдысь лыйис матё воём Ёньё повзёёдчана быглясьысь ыджыд тупыльё.* (И.Торопов)

Качественной кадакывбердяслы лёсялёны ёткодялан вежёртасьяс, кодьяс петкёдлысьёны:

1. Ёткодялан -**джык** суффикса формаён: *Пыжсё весиг кыскалис сэтчё Васька, медым этишаджык сюри судзласян нокыс.* (Г.Юшков)

2. **Бёльё** кывья кивтэчасён: *бёльё дыр, бёльё ылын. Тайё вёлёма коскёдзыд зёридзён ётмоза эжсьём зэв васёд нюр, и ордымтёгыд бёльё унджык вын и кад ковмас воитыны.* (И.Торопов)

3. Петан вежлёга эмакывйён: *гым шыысь гораа, лун тёлысь меля, вой тёлысь лэчыда. – Лешак жё эськё да! – сёласис Степан Фёдорович. – Вёвьясьысь гораа гымёдчам-воам да кысь нин!..* (И.Торопов)

4. Медвылыс тшупёдыс петкёдлысьё:

а) **мед-** кывводза (приставка) формаён: *медуна, медтшёкыда, медъёна. Пызан сайысь петём бёрын быдён, кодй кызди кужё, чөвталёны ен водзын пернапас, медсьёлёмсяныс юрбитё кёзьяйка-мамыс.* (И.Торопов)

б) **медся** кивторйён: *медся ёдйё, медся ыджыда, медся чорыда.*

в) петан вежлёга **став** нимвежтасён: *ставсьыс бура, ставсьыс лёсьыда, ставсьыс тэрыба.*

г) петан вежлёга да подув формаа кадакывберд орччён сувтёдёмён: *Унасьыс-уна бур кыв кёсья тэныд шуны.* (А.Мишарина)

д) кадакывбердяс кыкалёмён: **ёдийё-ёдийё, муртса-муртса, пёся-пёся чолёмавны, ёна-ёна важён.** *Ёдва-ёдва нель кокён нин кысис-воис керка ягёдзыс (Ёньё).* (И.Торопов)

е) **вывтй, зэв, вель** да с.в. мера да степень кадакывбердясён: *Ачыс сйё, Райда, зэв на этишасьысь чёсмасьлывліс тайё черинас.* (И.Торопов)

ж) **сэтшём, татшём, кутшём** нимвежтасьясён: *Визирьыс ылёдз-ылёдз юковтис арлён зарнийён мичмёдём вёрсё, кодй быттьёкё некор бырлытём вылё сэтшиём зумыда сувтёма татчё.* (И.Торопов)

Качественной кадакывбердяслы лёсялёны ичётмёдан формаяс: 1. *Батьыс... му-видз дорад эзджык шонавлы сёлёмнас,.. и век гёлиндзи овліс.* 2. *Водзвыв би пёсьёдз пёжасны горйын шабдй кёйдыс, тёбасны топыд пыж дёраё да и зэлыдакодь ёшёдасны Рыж-*

колы ныр-вом улас. 3. Кор выльсь мыччысис ловзьём би кыв, Райда ньёжйёникён пондiс вердны сйёс... сирёд чагыясён. 4. Дерт, пырысь-пырсё некод эз унмовсь, сы вёсна мый унакодь лои сёрнитёма сёлём вёрзьёданасё. (И.Торопов)

Качественной кадакывберд пыдди жё мунёны:

а) фразеологизмьяс: *сы ни садь (узьны), ки курёдён (вёчны), ныр вылө усьтөдз (мырсьыны), му сёян зиль морт моз да с.в.*

б) изобразительной кадакывбердьяс: **сап, джём, дзурс, ырс, звирк:** *Капит Паи джём сувтiс татийём дивёыс весьтё, шемёс-мёмён видзөдö сыв пасьта бордьясён шевкнитчём мичасьыс-мича лэбач вылө.* (И.Торопов)

Качественной кадакывбердьяссё позьё торйёдны на йылысь юалёмьяс сертияс: *кыдзи, кутийёма, кутийём ногён, кымынысь, кымынён, уна-ё, ёна-ё.* Качественной кадакывбердьяс пыртёны торья рёмьяс төдчөдан кыв вежёртасас. *Кыдзи? Кутийём ногён?* юалёмьяс сертияс лёсялёны качествомысь вылыс тшупөд төдчөдысь *чим, мырд, сап* кадакывбердьяслы: *Сйё (чукчи) быттьö чим гөрö синкыма синсё куньёмён да ён гыжъя гёна кокьяссё нюжөдёмён узис.* (И.Торопов)

Обстоятельствоа кадакывбердьяс

Тайё кадакывбердьясыс петкөдлөны керём мунан ортсыса условияс. Найё вочавидзёны *Кöни? Кытысь? Кытчö? Кор? Мыйла? Мый могөн?* да с.в. юалёмьяс вылө. На пыин торьялёны инаяс, кадаяс, помкааяс, могаяс.

Ина кадакывбердьяс петкөдлөны керём вөчанiн. Вочавидзёны *кöни? кытысь? кытчö?* да с.в. юалёмьяс вылө.

Сёрникузя: *Öни мудзырийи некытчö Менсьым сёлёмöс оз кыскы.* (В.Лыткин)

Када кадакывбердьяс төдчөдөны керёмсö кад боксяныыс, вочавидзёны *Кор? Дыр-ё?* юалёмьяс вылө: *регыдён, недыр, öнiсянь, век.*

Регыд Марпа *Öльököс сиктын пондiсны нимтыны Комбед Öльökөн.* (И.Торопов)

Ина да када кадакывбердьяс овлөны **-кодь, -ник, -ник** суффикса формаын и петкөдлөны оз стöч кад да ин: 1. *Öтчыд рытнас сёрнкодь нин, öтнас нин Прокö Васька вöли видзөдö телевизорсё*

кулём кыгмоз, кодкө гольдчис кильчө өдзөсас. (Г.Юшков) 2. Эжөр пөвстысь ... дзик ныр увсьыныс, тэрыба ырнитлывлісны мича сера жыдачыс да, матінікө лэбыштөм бөрын, вильыша шлэчыксьлісны-пуксьылісны быдпөлөс лёльө-гагнас жуысь ваө. (И.Торопов)

Помкаа кадакывбердяс петкөдлөны керөм вөчан помкасө. Найө лоисны мукөд кывсикасьясысь, ёнджыкасө эмакывьяслөн могман вежлөг формаысь: *шогла бөрдны, кодзыдла потласьны* да с.в., **-адза** суффикса нимакывьясысь: *рададдза, жаладдза: Витяыслы майшасьөмысла эз на шед кыв-ворыс.* (Г.Юшков)

Кадакывбердясын эмось сэтшөмьяс, кодьяс кывбөрьяскөд артмөдөны грамматика омоним гоз пөв, ёнджыкасө эмакывьясысь артмөмаяскөд. Торйөдны найөс позьө ашөр вежөртас сертыс: кадакывбердяс петкөдлөны действиелысь признакьяс, кад, места..., а кывбөрлөн ашөр вежөртасыс абу. Найө век мунөны лексическөй вежөртаса кывьяскөд. Кадакывбердяс асьныс лөоны сёрникузяса юкөдьясөн, а кывбөрьяс оз лоны торья юкөдөн. Босьтөм төдөмлунсө вынсьөдөм вылө позьө вөзйыны челядьлы татшөмсяма уджьяс.

• Индыны сикассө торйөдөм кадакывбердяслысь.

1. Некызд али мый оз позь өлөдны найөс вөрсө татшөм лөкасө жергөдөмысь. 2. Райда да Питирим шемөса бергөдчисны – ёртныс некөн эз тыдав. (И.Торопов) 3. Мамыскөд өтлаын төвйөм бөрын унаторйө нин удитіс велавны Быдмысь Лов. (И.Торопов) 4. – Сідз, дерт, некод абу лөсьөдлөма и некод абу мыжа! – некызд эз вермы лөньны Вөралысь. – Ставөн правось... Иисус Христос став лөксө лөсьөдөма... Яг-Морткөд өтвылысь. (И.Торопов) 5. Но и водзөсө вөсьлалігөн гоз-мөдысь бара на бергөдчыліс (Өньө) да синтырнас и ловтырнас нимкодясис бөрө колъысь лөсьыд-шоньыд познас. (И.Торопов) 6. Гортланьыс кывтігөн кыз керйыд куимысь на сибдыліс-вужьясьліс. (И.Торопов) 7. А льөм дзоридзалігөн бара ковтөг-виччысьтөг ёна шондөдліс. 8. Август төлысья ыркыд бөрын Енмысь – дзик нин виччысьтөг! – сетіс оняляна шоньыд. 9. Сэсья Ыджыд Ош вель дыр төждысяна да майшасяна исасис. (И.Торопов) 10. А кымөсыс да нырыс сылөн (Питирим) өти визь серти мунөны, ныр тшупөдыс пөшти сөвсем абу; тадзи лөсйөм чужөмаясыд войвылад быттьө шочджыка паныдасьлөны. (И.Торопов)

• Төдчөдны вежөртассө торйөдөм кадакывберд формаяслысь.

1. Пуксис (Прокө Васька) да сэки нин казяліс, мый вöрас кызаджык усьома пужыйс. (Г.Юшков) 2. И кос пескысь гажтөмтчөм би вочасөн пыр ёнджыка ырзис, паськыдджыка вөтліс пемыдсө. 3. А сэсся сійө (Öньö) кутіс мөвпавны сы йылысь, кызди эськө мөрччанаджыка повзёдны да көдзөдны чөс туй вывсьыс Ыджыд Ошкөс. (И.Торопов) 4. Ёнджыка и ёнджыка пөльышталіс төв нырыс. (И.Торопов) 5. Кузькодь веж нитшкыс шоныд пась этшөн кыза да небыда-небыда шебрыштөма вөлі ягсө пасьталаыс. (И.Торопов) 6. Сэсся, сулалігкостыс, друг кыськө петіс зэв уна геб. (И.Торопов)

• Индыны кадакывбердьяссө, сикасавны да гижны төдчөдан кывйыскөд.

1. Тыдовтчис шор нюкөс матын. Дзольгыштө ичөтик ю. 2. Луд вылын веж турун вылын, Орччөн көн визувтө шор, Челядълөн ворсөм шы кылө. 3. Ылын гынас ворсө Синмөн судзтөм море. (В.Лыткин) 4. Быд пельөс мича чача этшөн кыпыда сярвидзө да быттө ворсөдчигтыр кокныдика лэбовтө вывлань, и некыті кост ни розь. 5. Кызь көкъямыс кер судта тшуписны-лэптисны, мед нин кыпыдджык лоө керкаыс ортсысянныс и пытшкөссянныс. (И.Торопов) 6. Талун найө көсийоны кытшовтны Журган грездөд. (И.Торопов) 7. Но да өд көть и шөйтө сійө (Микайлө) көнкө тані, кыкөнсьыд ёнджыка жө повзяс да сайөдчас! Кыкөнтө водзджык жө кылас да казялас! 8. Сэсся и, воддза сертиыс, ичөтджыка керкасө панісны да, өдйөдджык да пыдіөдзджык шоналісны керьясыс. 9. Питирим өдзөдө воськовьяссө, мед регыдджык кос вөр діөдз воөдчыны. 10. Райда бергөдчылөмөн медбөрьяыс видзөдліс турун зорөд кодь топыд чом вылө. (И.Торопов) 11. Мөдтор Прокө Васькаөс скөрмөдіс: мыйла сэтчөджык өні йөзсө кыскө, кытөн аслыныслы медводз мыйкө чуктө? (Г.Юшков)

• Лөсьөдны качества да обстоятельствоа кадакывбердьяс торйөдан таблица да пыртны сэтчө видлөгьяс.

• Төдчөдны кадакывбердьяслысь вежөртассө. Мый серти позьө торйөдны?

1. Водзын, зэв джуджыд рөч йылын, уна керкаясөн сярвидзис Усва-вом сикт. (И.Торопов) 2. Дас воысь на водзын тані некутшөм туйяс эз вöвны. 3. Ылын на арөдзис. 4. Сиктсянь зэв ылын öткa керка сулаліс дыр. 5. Но водзынджык сулалан вывсыныс на, син ылөсөн ме муртавла пусö, кутшөм керъяс эськö петасны сысысь. 6. Көнкө водзынджык, буракö, гургöма Натальис да сувтöма туй дорышас, виччысьлыны мед. 7. Пекла ичиньыс видзчысис на, мед эськö мыйкö водзвыв эз шусы. 8. Кытчö горөдан, кор сідз нин вöлыслы сьöкыд рөдтынысö, нетшыштчывлö водзвыв мукöдъяс бöрся вöтчигмоз. 9. Водзöсö на костын кывйөн печласьыштöмыс и лыбавліс. (Г.Юшков)

- Торйөдны да гижны лөсьөдөм таблицаö помкаа кадакыв-бердьяссö.

1. Ляпмунліс сөмын сійö (Васька) повзьöмысла, а сэсся кыпöдчыштис да, шковгис шырзъысьöм лыс костöдыс. 3. Котөрөн-сорөн и локтис сэсся сійö (Исаков), öгралö чужöмыс чепöсийм вирысла. 4. Ачыс эз төд Васька, мыйла нин колö вöлі сылы видзöдны тарыслысь лэбöмсö. Гашкö нö, шöйöвошöмысла? Восьтис сэсся пищальсö да сутшкис эскытöмысла: абу и инмылöма боёкыс. 5. Көдзыдсьыс став öшиньыс гыөртöма. 6. Но шуны мыйкö эз на вермы (Васька) дзугыльысла да полöмысла, мед оз вомав батыс. 7. Муртса на овмөдчисны, а патеранысö дзоньтавны нин коліс: джоджыс косьмöмысла чашкавлöма, некутшөм öдзöс лючки оз сиптыссы. 8. Вешйисны выльлаö көр видзысьясыс, асывводзнас руавліс сынöдыс дыр зэрöмысь да. (Г.Юшков *серти*)

- Гижны медводз качества, а сэсся обстоятельствоа кадакыв-берда сёрникузяс. Гөгөрвоөдны, мый серти колö торйөднысö?

1. Матын герчкисны уткаяс. Выліын, сөдз енэжын, ылыстчөм юсыас пыдди воис, буракö, öнтая көзьяныс. 2. Öти пыжа вывланьын, верст куим-ö-нель сайын, ракетнича сылөн выйим. Мөд пыжа – таdzi жö – увланьын, бара жö ракетнича выйим... 3. Биасёръя полöныс векныдик бурьсьторъяс сөмын нин кольыштисны öтилаті да мөдлаті. 4. Вочасөн сэсся и думьясыс кватитöны вийсысь-бергальысь Питиримöс да дзикөдз нин вөтлöны унсö.

5. Дыркодъ пессьом бёрын Питирим кватитис мездорас вольпасьсё да гусьоникон петис веранда выло. (И.Торопов) 6. Съод пывсянад од вевсьон гөвкъяло тшыныс, а пожом пескыд, нөшта нин сирөдыд, майбыр, сетө сатө. (Г.Юшков) 7. Бур йөзыс арсяньыс сатшкывлөны ветель майөгьяссө... Косьтаос ызьөддлс жө сатшкыны кытчөясөкө. 8. Рытъяснас варгисны гөвкъялысь тшын улас. 9. Бипур пес-төны берег дорсянь неылын сулалысь өтка ыджыд коз улө, водзтиясө Микит татөни не өтчыд жө нин войковтлис. (И.Торопов) 10. Сидзитө ловья мортыдлөн оз сулавсьы, он кө нин кызмырдөн сулод асьтө. 11. Олөмад, дерт, овывлө, мый водзпөрсө мыйкө мустөмтан жө, а вочасөн велалан. 12. А өнисө эз торкась сылы (Васькалы) пемыдыс. (Г.Юшков) 13. Сэсся и видлы пө та ыджда сикт пасьталасьыд став грездьяссө подөннад кытшовтны. 14. Кузькодъ веж нитшкыс шоньд пась этшөн кыза и небыда шебрыштөма вөлі ягсө пасьталаыс. (И.Торопов) 15. Тыртөгыдтө эз на ков сэтшөм вынысь сийөс (шыран машина) бергөдлынысө. 16. Рытсөрөныс, пасьтала кодзулөн Васька колльөдис Öртьөос. (Г.Юшков)

- Адзыны кадакывбердьяссө, индыны аслыспөлөса петкөдчөмсө.

1. А көзяинлы паныдамос пызан мөдар пельөсын пукалис суседыс, гөрд уска-тошка. 2. И Яков горөдісмоз недыр кежлө лэптылөм синъяснас комбедсаясөс сотыштөмөн. (И.Торопов) 3. Мый лоан ло, та выло нин ыстысис сийө (Васька) да бура кузя на котөртис, кытчөдз бара эз повззы да водтөдчы. (Г.Юшков) 4. – Со и Помөсдин син водзө петис, Мича стрөйбалөн тыдовтчис нюм... И вот мунам ми туй кузя сәти. (В.Лыткин) 5. Пырис Васька картаас, да ыштөкө көртө пондис кучкыштавны кузялаыс, тинякылис өта-мөд вежмөн ымөставлөмыс. (Г.Юшков) 6. – И збыльысь, томиник, во кызь-комына, пожөмьяса ягтор кузялаыс пөжарыс чишнитөма. (И.Торопов) 7. И лун-войыс во гөгөр аслас (Васька), некытчө оз ков уськөдчыны. (Г.Юшков) 8. Некөн Төвпоз из оз тыдав, Гөгөр сөмын Парма вөр. (В.Лыткин) 9. Латкин тшөктис Кузовкинлы видлыны бокшөн, ачыс петис вездеход водзвылас лөмөн да кутис туясьны.

- Төдмавны торйөдөм кывъяслысь кывсикассө да гижны төдчөдан кывьясыскөд.

1. Вой шөрнас – Швач югыд лун шөр; Йёзыс оз узь, И оз бук сэн сюзь!.. (В. Чисталёв)

2. Вой шөр кад чуксаліс мамө Аскөдыс видлыны шона. Сап пемыд. Шы ни төв. Көдзыд. (В. Лыткин)

3. Чеччыштіс тай даддьöй Енэжөдзыс нач. Менö сэсянь чөвтіс мышку вылам швач. Ачыс меысь пышйис Дай лым пиö сатш; Видзөда да куйлө – Чергөдчөма гатш. (В. Лыткин)

4. Со ме даддьөн өдйө-өдйө Исковта чой ньылыд. Сэни төпкан! Тумбыль-тамбыль летита лым пиö. (В. Лыткин)

5. Забеднө Федотлы, Көть и абу чиг: Пасьтавынсьö регыд Нинөм лоö дзик. (Г. Юшков)

- Гөгөрвоодны сетөм зумыд кывтэчасьяслысь вежөртассө, индыны кывсикассө.

1. Юр ни бөж (котөртны), юр кушмытөдз (корсьны), кадтөм кадө (локны), шутка да серам (овны), шөтөм кольта мында (йөзыс), чипанлы кокыштмөн (лои), чирк моз чеччавны, улыс изки моз (бергавны), ув и бадь (сөйны), тышкас-мышкас (вөчны), тшын-бус (пинявны), таг колльөс моз (венны), синмысь би петтөдз (уджавны), син куньлөм дыра (ветлыны), син быртөдз (бөрдны), пөла юсь моз (овны), пөим ном мында (йөзыс), помысь дорся (зэрны), пинь вылө эз волы (сөяны), өти өдзөсті (мөдөдны), ныр нюжавтөдз (виччысьны).

Отсөг вылө кывъяс: *өтсөглас, дыр, ёна, уна, өдйө, кыздсюрө, водз, азыма, этша, кокниа, дыша, зіля, регыдөн, өткөн, помтөг, өтлаын.*

- Торйөдны кадакывбердьяс да кывбөрьяс. Мый серти позьö торйөдны найөс?

1. Кырьядін туй бокас кыйөдчан местасө бурөс лөсьөдісны: паськыд лапья джуджыд коз улө жö кыклы пукавмөн скамья кодь пуклөс вөчисны. (Б. Шахов) – Мый бокас пуксин, лок пызан дорас, Ольөш. 2. Пызан гөгөр пуксялісны локтөм гөсьтьяс. – Гөгөр ылөдз нинөм эз тыдав. 3. Васька ветлас кывтө ва юыштны да бөр петас гортсьыс, батысылы нин паныд, и мед, колөкө, мамыс горөдас бөрсяньыс: «Кыгчө нин бара?» (Г. Юшков) Вөла-доддя бөрсяньыс котөртишталіс дядьөыс, шоныдсө перйис. 4. Коктөм

Косьта сувтөдіс Васькаос. – Сайник водзас пес вөлі поткөдлө да юалис: – Пышйин али мый школасьд! (Г.Юшков). – Асланыс ид му йөр пөлөнөд кайисны ая-пиа вөрлань. – Водзас Серкоыс исасигтыр котыртис. (Г.Юшков) 5. Доладысла лявгигтырйи понмыс лыйыштліс водзө, бөр косавліс да чеччалыштліс батыс водзын. (Г.Юшков) 6. Өдйөа пошиктөм кыліс Васька бөрвывсьыс. – Видзөдліс, а мышку саяс нин Серкоыс тувчалө, улын бөжа да бөрланьө пеля. (Г.Юшков) 7. Водзынсө Елисаыс ёна и шуасьліс нылыс вылө, йөйыд пө тай кыськө эм, велөдчис кө учительницаас..., бур олөмсө эськө и оліс. (Г.Юшков) – Некод водзын ме абу мыжа. 8. Кыкнан ноддяыс муртса кылана шпорөдчисны кузяла нин босьтөм да лөнныштөмысла дженьдаммөм биөн. (Г.Юшков) – Туй кузялаыс паныдасьлісны вөлаяс.

СОСТОЯНИЕ ПЕТКӨДЛЫСЬ КЫВЪЯС

Коми кывйын эмөсь торьякывьяс, кодьяс вежөртас да грамматическөй категорияс сертиыс лөсялөны то эмакывьяс, то эмакывбердяс, то кадакывбердяс дорө. Орччөдам татшөм сёрникузяс.

1. Арся вой мурзигтыр сьылө өтвылысь пемыдыскөд (кодкөд?) (В.Лыткин) 2. Са эшкын пемыд (кутшөм?) вой Юр вылам тупкысис. (В.Лыткин) 3. Сап пемыд му вылын. Оз ломзьяы кодзув. Став олөм-вылөмас эм-ө көть би кинь?

Медводдза сёрникузяс пемыдыскөд кыв лексика, грамматика вежөртас да форма сертиыс лоө эмакывйөн. Мөдас – кывбердөн: петкөдлө вой кывлысь признаксө, лоө төдчөданпасөн. Коймөд сёрникузяс пемыд кыв тайө категорияс улө оз нин лөсяв: сийө босьтө дзик мөд вежөртас – состояние вежөртас.

Татшөмыс овлө уна кывкөд, кор сёрниын налөн синтаксис функция вежсьөм вөснаыс вежласьө вежөртасыс. Өти и сийө жө кывйыс вермө босьтны признакьяссө некымын кывсикаслысь, өти категорияыс вуджны мөд категорияө. Татшөм кывьяссө шуө ны **грамматическөй омонимьясөн**. Эмакыв (пемыд) → эмакывберд (пемыд вой) → состояние петкөдлысь кыв (му вылын пемыд).

Велөдчысьяс тшөкыда паныдасьлөны татшөм кывъяснас, кывбурьяс, художествоа текстъяс лыддигөн. И, дерт жö, быть колö тöдмөдны тайö аслыспөлöс грамматика омонимьяснас:

- гөгөрвоодны налысь вежөртассö;
- тöдчөдны кывсикасьяс пиын налысь инсö;
- велөдны торйөдны мукöд кывсикасысь;
- тöдчөдны морфология да синтаксис признакъяссö;
- велөдны вöдитчыны сёрниын, ас гижөдъясын.

Позьö заводитны сёрникузяс орччөдөмсянь:

1. Пельтö чунөдана чөв-лөнсьö торкис катшыслөн увтыштөм.

(И.Торопов)

2. А ыджыдджык пиныс гозъялөн, тöдчымөн нин нюжалөм, дас вит арöса Яков, чөв пукалис да век на гартлөдлис... си петля.

(И.Торопов)

3. Нюжавлас сьыланкыв мелля, небыда – Лун төлөн пöльыштас йи кöдзыд морөсö, Чөв лоö вöрын быд пу. (В.Лыткин)

4. Регыд лоö вой шөр. Керка пытшкын чөв. (В.Лыткин)

Сёрникузяс лыддөм бöрын юавны: став сёрникузяс-ö чөв кывйыс öткодь. Кыдзи тöдмавны? Петкөдчö: медводдза сёрникузяс сийö кутö предмет вежөртас, вежлөг категория, лоö содтанпасөн; мөдас – сийö тöдчөдö кадакывсö, лоö кадакывбердөн – ногapasөн; коймөдас – кывбердөн: кутö признак вежөртас; нельөдас – чөв кывлы лөсялö состояние вежөртас и грамматика боксянь аслысьяма признакъяс.

Вайөдөм примерьясыс петкөдлөны, мый коми кывйын эм коланлуныс татшөм кывъяссö видлавны мукөдьясысь торйөн, налысь аслыспөлöс вежөртас, морфология да синтаксис признакъяссö тöдчөдөмөн.

Велөдчысьясöс колö корны вöчны кывкөртөд: состояние петкөдлысь кывьяс чукөрö öтувтчөны ашшөр вежласьтөм торья-кывьяс, кодьяс петкөдлөны мортлысь да сийöс кытшалысь вөрвалысь состояниесö, лөоны юөрпасөн морттөм сёрникузясын. Оз ков сорлавны найöс состояние вежөртаса мукöд кывсикаскөд, шуам: *шог* – *шогсьыны*, *кокни* – *кокньöдны*, *лөк* – *лөкавны* да с.в. Состояние кывьяслы лөсялö сөмын состояние вежөртас. Тайö функциясö зэв бура нуöны *бур*, *кокни*, *веськодь*, *нимкодь* да с.в. кывьяс.

Велөдчысьяслысь нöшта позьö юавны:

– Кор ковмылõны тайõ кывъясыс? Кодлысь, мыйлысь состояние найõ петкõдлõны? (Найõ петкõдлõны мортлысь физической да психической состояниесõ: *лõк, лõсьыд, сьõкыд*; мортгõгõрса вõрваыслысь состояниесõ: *ыркыд, шондиá, руа* и с.в.)

– Кызди позьõ сикасавны татшõм кывъяссõ?

– Позьõ–õ пертас сертиыс торйõдны мукõд кывсикасысь?

– Вежласьõны–õ кызкõ?

– Позьõ–õ петкõдлыны состояние кадсõ либõ мортсõ?

– Кызди петкõдчõны сёрникузяс: асшõра либõ оз асшõра?

– Кутшõм кывъяскõд йитчõны?

Сёрникузяс видлалõмõн велõдчысыяслы колõ петкõдлыны вежõртас сертиыс сикасалõмсõ. Торъялõны кывъяс, кодъяс петкõдлõны:

1) ывлавыв состояние: *пемыд, жар, пõсь, тõла, югыд* да с.в.

1. Нюмъялõ ывлаыс. Сералõ вак-вакõн... Мелiа ме вылõ видзõдõ... Шы ни тõв. Лõнь. Шондиá. Пõжõ. Пõсь. 2. Кодзувъяс õтвылысь Ме вылõ серõктисны. Югыд зэв лои. (*В.Лыткин*)

На отсõгõн морт донъялõ асгõгõрса ывласõ, сылысь состояниесõ: *буса, тõла, бушкала, шума* да с.в. Найõ вермõны йитчыны сõмын ногapas пыдди мунысь кывъяскõд. 1. Луныс вõли шондиá, но Сыктывкарын серти танi ёна ыркыдджык. (*И.Торопов*) 2. Тулысын войясыд югыдõсь, Асывнас ыркыдкодъ, лõнь зэв. (*В.Лыткин*) 3. Гажа рытыс! Лõнь! Войнас, тõдõмысь, сэзь жõ лоõ, буретш чери ветлан кад. (*И.Торопов*)

2) мортлысь и мукõд ловъя ловъяслысь вир-яй состояниесõ:

1. Юрõйлы мыйкõ абу лõсьыд, сьõкыд. 2. Мышлы бипур дорас кõдзыд. 3. Школаад автобусõн нуõдõны и вайõдõны, луннас пõсь сёянõн на вердõны, сõмын велõдчы. А велõдчынытõ и дыш. 4. Васькалы эз на и кокни вõв бõжавнысõ: колõ отсасыны сынысьлы, тшõтш курасыны пельснад. (*Г.Юшков*)

3) морт ловлысь пытшкõсса состояние, сьõлõмкылõмсõ петкõдлысыя: *кокни, лõсьыд, бур, лõк*. 1. Васькалõн петалис жõ серамыс, пельпомнас весиг вõрзõддлiс, и лõсьыдджык сылы лои, бытьтõ пуксьõдiс кылана дзугыльсõ. (*Г.Юшков*) 2. Тэтõг õtка ме ёна, õтнад му вылас тэ дона. (*А.Мишарина*) 3. Меным шогкодъ, этша жугыль, жугыльлунõй менам югыд. (*В.Лыткин*)

4) керõмсõ, состояниесõ, этш боксянь донъялõмсõ: *грек, андзим, лõк* да с.в. 1. Лõк воштыны мам-батъыддысь сетõм нимсõ.

(*Е. Рочев*) 2. Вуджны васо колө, а шыр оз лысьт, гадьбыс полө. Бергөдчыны медся шань, Мукөд шырьяс, Гадьяссиянь Абу лөсьыд, яндзим зэв. (*И. Куратов*)

5) керөмлысь коланлунсө, позянлунсө: *колө, позьё, оз позь, быть* да с.в. 1. Мед нин көть со татшөм ю дорас овмөдисины, вайө дисины кө нин сы ылнаөдзис! Быть налы колө морттө дзескөдны да пөдтыны помөдз! Көть и мыжтөм мыжъяссыс! (*И. Торопов*) 2. Сөмын өни найө эз нин төдны, мый йылысь нөшта колө сёрнитны. Эз и вөв окоата сёрнитнысө. Найө весиг эз кужны, кызиджык өни колө думайтнысө өта-мөдныс йылысь. (*И. Торопов*)

Татчө пырөны кывьяс, кодьяс петкөдлөны керөмлысь мый выйөдз кө мунөмсө да сийөс дугөдөмсө: *тырмас, петлө, шань*. 1. Ен мед накөд! Шуда оло! Керка вевт вывсянь Уськөдчыны изьяс вылө Колө мем... да шань! (*И. Куратов*) 2. Вөччөдас код тэнö? Код ордө тэ мунан? Петлө! Он на вош тэ! Вунөдим ми уна! (*И. Куратов*) 3. Тырмас! Тырмас! Нөра пу оз веськавлы! Йөз эз гөгөрво тай бур! (*И. Куратов*)

Состояние кывьяс пиысь өткымыньяс кутөны оз өти вежөртас и пырөны оз өти группаө, а некымынө: *ывлаын жар – меным жар, ю дорын ыркыд – меным ыркыд* да с.в. Контекстын найө век өти вежөртасаөсь.

Состояние петкөдлысь кывьяслөн грамматика аслыспөлөслунөн төдмөдигөн, бара жө сёрникузяс видлалөмөн, челядьбөс вайөдны колана кывкөртөдөдз: состояние кывьяс оз вежласьны морт, лыд, кад серти. Юөрпасьяс туйын вермөны босьтны кад вежөртас, кутшөм кадө вөли кутшөмкө состояние и артмөдөны кык кывья формаяс: колян кадся состояние – (*вөли, вөлөма, лои* связкаясөн), локтан кадся – (*лоө, лоас* связкаясөн). *Тулыссияныс эськө и тырмымөн шондiа вөли, но ыркыд, сы вөсна мый өтарө жвучкис-пөльтис асыв-вой төв.* (*И. Торопов*) *Коми вөрлөн Королеваыс да Принцессаыс Пув да Чөд – мед көть и кос вөли да ыркыд, мед көть и төла вөдiс да шоча зэршиталис, но тайө Королеваыс да Принцессаыс бара на сяммөдчисны лючки дзоридзавны.* (*И. Торопов*) *Ыркыд бөрын Енмыс – дзик нин виччысьтөг сетис онялана шоньд. Вежон дай мөдөс, дай коймөдөс! Весигтө жар лои.* (*И. Торопов*)

Состояниеыс вермө лөсявны торья мортлы өтнаслы либө уналы. Сийө вежөртасыс петкөдлысьсө сетан вежлөга морта ним-

вежтас да эмакыв + состояние кывтэчасон: миянлы лэк, тiянлы кыпыд. Льомйид тоддö, кор колö сылы дзоридзавнысö. (И.Торопов) Узьö на, тыдалö, комилон музаяс... Жугыль мем, шушитом сэж лоö. (В.Лыткин) Но олöма мортлы, пöрысьмышитом коми дядьöлы төв кезлас сэтишом окота вöли вотышитны котъ неуна пув. (И.Торопов) Кутшом сьöкыд овлö мортлы шуны медколана кывсö! (И.Торопов) Зачесыс вöли зонкаыслон еджыд яла вылысь кыз пу йöг кодь зумыд яг гобьяссö аддзавны! (И.Торопов)

Состояние кывъяс вермöны босьтны кывбердъяс моз öт-кодьялан тшупöд формаяс: öткодьялан **-джык** суффикса да вылыс тшупöда формаяс: А Васькалы пыр сьöкыдджык лои курасьнысö, кымыныськö быйкмулнi нин пельсыс. (Г.Юшков) Да и тшаксö вотны тай, пöрысьладорыс, век любöджык да нимкодьджык лоö, торйон нин бура сюралгад. (И.Торопов) Кыкөннад век нин гажжаджык вöрад. (И.Торопов) Луннас кызь вит градусöдз лыблö! И шондiа. И кос. Да весиг öд войяснас зэв шоныд. (И.Торопов)

Водзö велöдысь төдмöдö, кутшом сёрникузясын паныдась-лöны татшом кывъясыс. Кутшом юкöдön овлöны? Кутшом кывтэ-часъяс артмöдöны? Сёрникузясын состояние петкöдлысь кывъяс лöоны сюрöса юкöдön, юөрпасон. Тайö юөрпасыс некутшом кывйысь оз зависит. Состояние кывъяс асьныс веськöдлöны эмакывъясон, нимвежтасъясон сетан, асалан, ина вежлөгъясын, кывбöра тэчасон. На дорö сибöдчöны кывпод, ина, када, мера да степень вежöртаса кадакывбердъяс. Сэтишом нин кос да югыд да кыпыд тани! Сэтишом нин сöстом еджыд яла вылын сулалысь пожöмъяс пöвстын. (И.Торопов) Карын, дерт, воддза кадсö ёна сьöкыд вöли сиктса «пöткаяслы». (И.Торопов) Тани коркö важсön чардби дзенгылöма сыв кызта пожöмö,.. йывладорсö лэк бушколыс влöкодъ чапкöма, да лöсьыд пукалышитны сы вылын, личöдышитны муздышитом лы-сьöмтö. (И.Торопов)

Вöзьям нуöдны нöшта татшом уджъяс:

- Висьтавны торйöдöм кывъяслысь грамматика признакъяс-сö, кутшом кывсикасон лöоны.

1. Мед тэ абу мича, – Абу сыысь шог, сьöлöм вылö воис Тэнад оласног. (Г.Юшков) 2. Меным тэкöд кокни, Тэкöд долыд мем, Аттьö сыысь тэныд, Мый тэ менам эм. (Г.Юшков) 3. Медым сьöкыд, медым шушитом, Медым мöвпыд эз на ин. Асьтö ышöдны сэж

куж тэ, Быттьö сэтчö воан нин. (Г.Юшков) 4. Состö кö, другöй, пуджан – Некытөн абу лёк. (Г.Юшков) 5. «Лыбис шондыс ниа кузя нин, А ті, руныöяс, век на узянныд. Абу яндзим мöй тадзсö нистыны?» (Г.Юшков) 6. Керка пытшкын шоныд, керка пытшкын югыд, Вильыш мича каньпи Джодж вольöссö дзугö. (В.Тимин) 7. Талун асывсянь букшасис луныс, Керка öшиньяс бöрдисны дыр, весиг «дышсö» мем дыш шуны, Нинöм юрö ни киö оз пыр. (В.Лодыгин)

- Содтавны лöсялан кывъяс да индины кывсикассö.

1. Ог кö аддзыв асывнас (ныв), Лунтыр меным ... Верма овны шондiтöг, Но, а тэтöг – ог. (Г.Юшков) 2. Ывлавылыс быттьö гудыр ва. Сöмын меным ..., Ыдждада ог лолышт, Сы вöсна мый гижин: «Радейта». (Г.Юшков) ..., кор матын эм морт, Кодкöд тэн быдлаын горт. Мортыс кö шогмана, Ставыс сэк могмана., кор матын эм ёрт. (Г.Юшков) 3. Вывті овны веськыда: Сöмын асьтö быд ног дзескöдан. Но ог куж ме ньöти суклясьны. (Г.Юшков) Медся... мортлы чужан муас: Век нин гортас, мый кöть сійöс суас. Но и медся ... чужанiнас: Ставсö колö босьтны сьёлöм дiнас. (Г.Юшков) 4. О, морт! О, мыйда овлö тэнад , Кор сöмын асьтö олöмас тэ тöдан! (Г.Юшков) Зэв пыдди пукта тэнсьыд (пон) могтö: ... мортысь видзны керкапом. (Г.Юшков) 5. Жынняян шыөн торкисис Рыгъя сиктлөн (Г.Юшков) Ме аддзылі, кызди бöрдис вöв: Дзик мян моз жö синва сылөн петіс. Эз ымзы сöмын, куйліс коньöр (Г.Юшков) Но некод, кывзан да, оз элясь, Сідз, морт-мöд мурöстлас, – и (Г.Юшков)

Отсöг вылö кывъяс: *кокни, долды, шог, сьöкыд, лёк, чöв.*

- Висьтавны, мый öткодъыс торйöдöм кывъясылөн да мый торъяланаыс.

1. Быдөн ланьтісны. Лöнь. Сöмын көнкö ылын юргиссьыліс вой олысь вөркай. Да эз лöньлы, сьялгис косьт вывтi ва. (В.Чисталёв) 2. Ланьтöмась пöткаяс, Оз лэдзны шысö. Тöдöны кöкчойлысь Тщöтш найö шогсö... Ичöтик нылуккöд Гөгöрыс шогсьö. (В.Чисталёв) Меным шогкодь, этша жугыль, Жугыльлунöй менам югыд. (В.Лыткин) 3. Мед ме – тувсовъя морт, Мед мем шоча зэв Кöвъясьлö жугыль, Арся мөвпяссö вайлö жö, Пöльтлö жö Казьтылан тöв. Жугыль думъясьысь, майшасьöм вентöмысь Тэ эн лөгась и менö эн вид. (А.Ванеев) 4. Лэбач дзользöм тан мянын сяма, И

кызд гортаным нимкодясим, Мед көть Иньва да Камушка-Кама визувтёнысö лунвылö нин. Но мем абу, дерт, завидь, а нимкодь: Ми öд, кызд көть он артышт, ас йöз, Парма ёльяссö öтмоза нимтам, Лöз кө енэж – и миянын лöз. (А. Ванев) 5. Шуштöм вашъялö тöлысь, синсö оз куньлы, оз узь ... (В. Чисталёв) Зарни шондi пуксис, Войтыр узьны водис: Кывтö эзысь тöлысь. Шуштöм. (В. Лыткин) Дерт, таись видлисны кызд колö, Но ме эг шогсьы, ньöти эг. А öни шуштöм быдön лолö. (Г. Юшков) 6. Долыд тувсов войöй, ещö мыйкö мойд. (В. Лыткин) Шонид ваись петöм бöрын Тэныд гажа, долыд, Быттьö кыпид пожом вöрын Кокньыд ветлö лолыд. (В. Лыткин) Лунтыр ытшким, косным мудзис... Мый нö керан! Страдна сьöкыд... Рытын долыд! Сьölöм йöктö яр! 7. Пемыд. Абу кодзув. Шойччö тувсов вой. (В. Лыткин) Ывлавылын пемыд. Лыйсьö пашляк сэн... Увгö нора тöлысь... Пола, гажтöм мен. (В. Лыткин) Косясь пемыдкöд, бырöд гольлунтö, сувт нö вензьяны. Медым кутасны тэнад вынйöрлы Мукöд шензьяны. (В. Лыткин) 8. Сьывны тшöктан, – ме нин важön Гажа сьыланкыв ог сьыв: Гажтöм лöö, муса нылöй, тэныд менам сьыланкыв. (В. Лыткин)

- Торйöдны вежöртас сертияс состояние петкöдлысь кывьяс-сö сетöм сёрникузяясысь, гижны торья чукöрьясö йитчан кывьясыскöд.

1. Эз вöв долыд меным, кодыр зэрön Резис чужöмö и нöйтис шерön. 2. Пöрысь потшöс ковакылö, Кусьыс петö коньöрыд – ывлавылын кöдзыд сылы. 3. Оз инась, тшыг кага бöрдö; войбыд том гöтыр оз узь. Яндзим узьны-й мем!. Вой кузь – Мунi уджавны ме сьöрдö. 4. Сандра, сьölöмшöрöй! Дöзмöдi и тэнö. Сьöкыд öни-й тэныд мусавнытö менö. 5. Талун му выв югыд, шонид; талун нимлун быдся лунлön. 6. Öтпыр зэв мем дзугыль Лоис, ас пиö эз ло нин тöрöм! 7. Енлön гажа, гажа! Кайлы кокньыд лэбавны, а мем Сьöкыд Лоис аслам яйлы – Тадз эг чездывлы ме нэм!. 8. Тайö уджысь мынным абу шог мем; коляс морт, Вежас менö. 9. Уджтöг оз нин овсьы сылön, Уджтöг зэв шог пöчöлы. 10. Пöрьясьöм и быдся лёк сийöс (пöльöс) тай нин дзугыльмöдö. 11. Вомöй ошкö енмös, йöзös; Енмыс пö оз кöсий лёксö. 12. Мортлы дзескыд пемыдын. 13. Со бара пемыд лолын лоис, Со бара сэтшöм кад мен воис. 14. Сьöкыд мем кыв джын нин шуны, Висьöмöй морösös личкö. 15. Кодi лёк зон, кодi лёк ныв, Татчö оз ков налы локны. (И. Куратов серти)

КОМИ КЫВЙЫСЬ ТӨДӨМЛУН ӨТУВТАН УДЖЪЯС

7-өд классын помасьё морфология велөдөм. Тыр-бур төдөмлун да кужанлун велөдчысыяслөн лоис кывсикасыяс артманног да гижанног серти. Челядьлөн лоис позянлун тырвыйё вөдитчыны велөдөмторнас сёрниын и гижөдын, кыпөдны сёрни культурасө. Велөдчысыяс казялёны став велөданторйыслысь коланлунсө. Налөн оз кус интересыс водзө вылө пыдисяньджык төдмавны коми кывлысь гусяторьяссө, паськөдны кывнас вөдитчыны кужанлунсө, өтувтны став төдөмлунсө да донъявны, мыйё велалісны. Та вылө велөдысь котыртө өтувтана уджъяс, шуам: **торьякывьяслысь «паспорт» лөсьөдөм**. Велөдчысыяс гөгөрвоөмөн, подулалөмөн лөсьөдөны кывьяслөн «олөм» йылысь «Торьякыв кывворын и сёрниын» юрнима висьт-серпас. Татшөм уджыс нөшта на төдчөдө кыв велөдан коланлунсө, көсьөдө челядьөс унджык төдмавны быд кыв йылысь, матыстчыны на дорө кыз ловъяторьяс дорө, сетө позянлун мөдпөввөвтны и зумьдөдны төдөмлуннысө, пырөдчыны туялан уджө. Та дырйи велөдчысыяс ашшөра тырвыйё велаласны вөдитчыны коми кывкудьясөн.

Быд торьякыв видлавсьө кыв велөдан став тшупөд сертиыс: шытэчас, гижанног, артманног, этимология, кывьяскөд йитчөм, зумьд кывтэчасьяс артмөм да с.в. Быд пөрийө велөдысь юалө: кутшөм кывкуд отсалас төдмавны, шуам, кыв гижанногсө, кыв артманногсө, вежөртассө, чужөм-лоөмсө, эмөсь-ө торья кывкудьясыс.

Вайөдам некымын кывлысь «паспортсө».

Босьтам **көч** кыв. Медводз велөдысь юалө, мый вермасны висьтавны тайө кыв йывсыс челядь? Көсьөны-ө төдмавны сылысь «кок туйсө» сёрниын, кызди вужьясис коми кывьяс, кузь-ө нэмыс? Артмас татшөм серпас.

Көч – **I. юрганног, шытэчас серти**: куим шы [к] [ө] [ч'], бөрья шынас торьялө көр, көм, көдж, көтш, көв, көк кывьясысь; водза шынас – жөч, пөч, рөч, гөч кывьясысь; шыясыс оз вежсьыны, и оз вежласьны, век өти ног шусьөны. Шыпасьясыс лөсялёны шыясыслы

II. гижанног серти (эм-ө орфорграмма, кутшөм): кыв помас Ъ оз гижсьы: **дз**, **ч** бөрын Ъ оз гижсьы, но **-яс** суффикс водзын гижсьө торйөдан Ъ пас – көчьяс;

III. вежӱртас серти:

1. Шӱр вежӱртасыс – *вӱрса пемӱс*. Сылӱн пельыс кузь, бӱрӱя кокыс кузь, бӱжыс дженъыд, куыс тӱвнас еджыд, гожӱмнас руд.

2. *югӱр*: шондӱ кӱч – шондӱ ‘югӱр’, петкӱдчӱ ва веркӱсын, керка стенын шондӱа лунӱ;

3. *гыӱр* – кӱдзыд дырйи ӱдзӱс улын, керка пельӱсын кынмӱм еджыд пуж;

4. вуджӱдӱм вежӱртас: а) билеттӱг ветлысь; б) польысь морт;

5. КӱЧ кывлӱн важ вежӱртасыс вӱлӱма ‘еджыд рӱм’. Сийӱ петкӱдчӱ кӱчйӱла ‘еджыд сока’, кӱчамач ‘еджыд рӱма гӱгрӱс тшак’, кӱч гӱснеч ‘гыӱра кын нянь’, кӱч ‘еджыд гыӱр’: кӱч пырӱма керка пельӱсас. Гашкӱ, комияс пемӱссӱ шуисны еджыд рӱм вӱснаыс.

IV. морфология боксянь: кӱч кыв лоӱ эмакывйӱн, артмӱдӱ уна лыд да вежлӱг формаяс: кӱчъяс, кӱчлӱн, кӱчъяслы.

V. кыв артмӱдан позъяс:

1. тэчаса кывъясын юкӱн: *кӱчвӱнь*, *кӱчамач*, *кӱчйӱла* (тшак), кӱчйӱн ‘йӱла йӱн’, *кӱчсю*, *кӱчгӱб* ‘кузь пиня гӱб’.

2. суффикса кывъяс: *кӱчпи*, *кӱчиль*; кӱчъявны ‘кыдзисюрӱ ветлыны’, кӱчасьны ‘кӱч бӱрся ветлысьны’, кӱчавны а) кӱч кыйны, б) ытшкигӱн кодӱскӱ бӱжӱ кольны, дӱавны, ордйыны;

3. *кӱчасьны* ‘югзыны’;

4. *кӱчавны* ‘гыӱртны.’

VI. мукӱд кывъяскӱд йитчӱм, кывтэчасъяс артмӱдӱм:

1. прӱстӱй кывтэчасъяс: *кӱч кок туй*, *кӱч ку пась*, *кӱч тӱлысь*, *кӱч пель*; *кӱч кок*, *кӱч гыж*;

2. ӱткодялан тэчасъяс: *кӱч пель пасьта лым*, *кӱч гӱн кодъ небыд*, *кӱч вир кодъ чай*, *кӱч кодъ ичӱт паметъыс*, *кӱч бӱж кузя луныс*, гуйн куйлан кӱч кодъ ‘гортсьыс петавтӱм кодъ морт’;

3. зумыд кывтэчасъяс: *кык кӱч бӱрся вӱтчыны* ‘некымын уджӱ ӱтпыр босьтчыны’, *кӱч ку лызь* ‘ӱтарӱ-мӱдарӱасьысь’, *кӱч вый оз-ӱ ков* ‘уна тай кӱсьян’, *кӱч сьӱлӱма* ‘польысь’, *кӱч кокӱн вердны* ‘накажитны’, *кӱч ку дон* ‘донтӱм’, *кӱчӱн мунны*, *сюзьӱн локны* ‘кыйдӱсӱн, тырӱн’, *кӱчӱн мунны кӱчӱн локны* ‘куш киӱн’, *кӱч вира* ‘веськодъ’, *кӱч вӱла баба ветлӱдлӱ* ‘кӱдзыд йылысь’;

VII. *чужӱм-лоӱм серти*: мыйла тайӱ пемӱссӱ шуӱма-ӱсь кӱчӱн. Висьталӱ-ӱ нимыс тайӱ пемӱс йывсьыс мыйкӱ? Мыйла таdzi юргӱ нимыс, оз тӱдчы, шуам, роч заяц серти. *Заяц* кыв

лоома зай- 'чеччавны' вежортаса кыввужйысь, а венгръяс көчтö шуöны *füles* кывйöн кузь пель пондаыс: *fül* 'пель'. Коми *кöч* да удмурт кывйöн *кеч* пырöмаöсь важ чуваш кывйысь.

Ёна важöн уралгөгöрса войтыр көчтö шулöмаöсь *nomalz*. Öни на эрзя кывйын бергалöны *нумоло*, мари кывйын – *нумол*, перым комиын – *нимол* кывъяс. Комиын тайö важ нимыс абу кольöма.

Велöдысь кывкöрталöм пыдди юалö челядылысь: кутшöм кывкöртöд позьö вöчны **кöч** кыв йылысь? Мый выльторсö тöд-малісны тайö кыв йывсьыс? Артмис-ö тыр-бур «паспортыс»? Мый позьö пыртны нöшта? Мый серти позьö тöдмавны кывйыслысь сёрниын бергалöмсö? Челядылы позьö сетны торъя удж: чукöртны кывбуръяс, кроссвордъяс, нöдкывъяс да юавны, кызди йöз вежö-рын петкöдчö *кöч* пемöсыс.

Тайö тэчас сертиыс позьö видлавны мукöд кывъяс.

Ур кывлөн 'паспорт'.

I. кывъяс кык шы [y] [p], öти слог;

II. орфограммаыс абу, шыясыс да шыпасьясыс лöсялöны. комиын [p] паратöм чорыд; шыясыс оз вежсьыны и оз вежласьны вежортассö торктöг;

III. Ур I – 'пу горсьясын олысь пашкыр бöжа, гöрд гöна ичöтик вöрса пемöс.

Сылөн эм омоним ур II 1. 'дон мурталан важ единица, *вит ур* лöсялöма көпейка да джынлы, *сизим ур* – кык көпейкалы. 2. 'көпейка' – ветымын ур, дас ур да с.в.

IV. морфология боксянь: ур кыв лоö эмакывйöн, артмöдö уна лыд да вежлög формаяс: *урьяс*, *урлөн*, *урьяслы*.

V. кыв артмöдан позьяс:

1. тэчаса кывъясын юкөн: *уркай*, *урбöж* 'быдмög', уртуг 'коз лапьяс йылын небыд лыс', *ургыж* 'сю шептын сьöд тусь', *уроз* 'сьöлаоз', *урпинь* 'клык', уртшак.

2. суффикса кывъяс: *урпи*, *уравны*, *урасьöм* (тöлысь) ура I – *ура во*, ура II – *вит ура* сьöм.

VI. кывтэчасьяс артмöдöм:

1. прöстöй кывтэчасьяс: ур *ку*, ур *кыйны*, *кöмасьöм ур* 'гөн-сялöм кока арся ур', *му ур* 'медводдза лымйöдз воём ур', *пыжик ур* 'гöрд ур', ур *поз*;

2. өткодялан кывтэчасьяс: *ур кодь пельк, ур поз кодь шоныд* (керка), *ур рёма лои ывлаыс 'рёмдiс', ур кодь топыд 'заптысьыс'*;
3. зумыд кывтэчасьяс: *ур юрөн вердны 'накажитны', Петровка* *ур мында* (доныс) 'зэв донтөм', *кульөм ур кодь 'зэв омөлик, жeb',* *вуджан ур моз* (волiс) 'инас öшйытөм йылысь';
4. шусьөгьяс: *урыд лазьяд ачыс оз пыр, ура пу вылө моз ви-*
дзөдны;

VI. чужөм-лоөм серти:

Ур ним лоөмыс оз төдчы, шуам, роч белка серти. Рочын белка кыв лоёма *бел-* 'еджыд' кыввужйысь *-ка* суффиксөн. Еджыд куа урьяс вөвлөмаөсь коркө.

VII. *Ур* кывлы мари кывйын лөсялө *ур* 'белка', мордва кывйын *ур, уро,* финн кывйын *orava* (-*va* суффикс), важ *ora-* кыввужйыс вөлөма кык слога. Сидзкө, сийö чужөма финн-перым котыр сёрниын.

Велөдысь юалö: мый төдмалiсны челядь **ур** кыв йывсьыс? Ыджыд-ö сылөн пайыс кыв сөвмөдөмын? Мый чуймөдiс челядьöс? Кыдзи доньялöны тайö ичөтик пемөссö коми йöз?

Тайöс позьö казавны кывбурьяс, нөдкывьяс, приметаяс серти, кодьясöс челядыс вермасны асьныс чукөртны.

ӨШМӨСҮЯС

- Безносиков В.* Көни менам шудой. – Сыктывкар, 1985.
- Белых И.А.* Важыс уськөдчывлө вөтөн. – Сыктывкар, 2005.
- Габов И.* Ытва дырйи. – Сыктывкар, 1987.
- Жеребцов И.Л., Столповский П.М.* Коми му йылысь быдмысь войтырлы висътыяс. – Сыктывкар, 2009.
- Коданёв И.* Талун оз зэр. – Сыктывкар, 1979.
- Коми календар.* – Сыктывкар, 2009.
- Куратов И.* Менам муза. – Сыктывкар, 1979.
- Куратова Н.Н.* Йөктігтырйи тувччөмөй. – Сыктывкар, 2002.
- Лыткин В.* Дзордзав жө, Коми му. – Сыктывкар, 1985.
- Мишиарина А.* Рыгтя сёрни. – Сыктывкар, 1991.
- Напалков В.* Эзысь перна. – Сыктывкар, 2004.
- Попов В.* Бөрйөм кывбурьяс. – Сыктывкар, 1979.
- Попов С.* Вой кыа улын. – Сыктывкар, 1988.
- Савин В.* Кывбурьяс. Поэмаяс. – Сыктывкар, 1962.
- Торопов И.* Медводдзаысь вөралөм. – Сыктывкар, 1990.
- Торопов И.* Оштө эн лый кыкысь. – Сыктывкар, 1995.
- Торопов И.* Регыд дас квайт. – Сыктывкар, 1975.
- Фролов Н.* Эжва дорын. Кывбурьяс. – Сыктывкар, 1985.
- Чисталёв В.* Эжва йывса колип. – Сыктывкар, 2000.
- Шахов Н.* Коми ёртгяс динө. – М., 1992.
- Ытва дырйи.* Висътыяс чукөр. – Сыктывкар, 1987.
- Юхнин В.* Тундраса бияс. – Сыктывкар, 1984.
- Юшков Г.* Кывбурьяс. – Сыктывкар, 1973.
- Юшков Г.* Рөдвуж пас. – Сыктывкар, 1988.

ВӖДИТЧАН ГИЖӖДЪЯС

1. *Игушев Е.А.* Коми кывйыс гажаджык на биысь. – Сыктывкар, 1998. – 52 с.
2. *Игушев Е.А.* Чужан кывтӧ он ньӧб. – Сыктывкар, 1994.
3. *Карманова А.Н.* Ӗня коми кыв. Лексикология. – Сыктывкар, 2005.
4. *Карманова А.Н. и др.* Ӗня коми кыв. (Фонетика. Графика. Орфография. Лексикология. Морфология. Синтаксис). – Сыктывкар, 2001. – 216 с.
5. *Карманова А.Н.* Торъякывъяс тэчасног да артманног. – Сыктывкар, 2002. – 39 с.
6. *Карманова А.Н., Панюкова О.В.* Торъякывъяс артмӧдан кыввор. – Сыктывкар, 1999. – 155 с.
7. *Лудыкова В.М.* V–VII классъяссын коми кыв велӧдан программаяс да методическӧй индӧдъяс. – Сыктывкар, 1993. – 125 с.
8. *Лудыкова В.М.* Коми кывйын прӧстӧй сёрникузя. – 1991. – 64 с.
9. *Лудыкова В.М.* Коми синтаксисысь уджъяс чукӧр. – Сыктывкар, 1995. – 86 с.
10. *Прокушева Т.И.* Коми кыв. (Удж сикасъяс). – Сыктывкар, 2005. – 135 с.
11. *Прокушева Т.И.* Коми кывлӧн морфема тэчас да морфонология. – Сыктывкар, 2003. – 57 с.
12. *Федюнёва Г.В.* Коми эмакыв артмӧм. – Сыктывкар, 2000. – 90 с.
13. *Федюнёва Г.В.* Морфемный состав и морфологический тип коми языка. – Сыктывкар, 1992. – 40 с.

ЮРИНДАЛЫСЬ

Водзыкв	3
6-öd классын велöдантор мöдпöввëтан уджъяс	5

7-öd классын вьль велöдантор

Кадакыв велöдöм	8
Шöркыв велöдан нырвизъяс	87
Ногакыв (деепричастие)	99
Кадакывберд (наречие) велöдöм	115
Состояние петкöдлысь кывъяс	129
Коми кывйысь тöдöмлун öтутван уджъяс	136
Öшмöсьяс	140
Вöдитчан гижöдъяс	141

Допущено Министерством образования Республики Коми

Учебно-методическое издание

Карманова Альбина Николаевна

МЕТОДИЧЕСКИЕ УКАЗАНИЯ
к учебнику «Коми язык»
для 7 класса

Пособие для учителя

На коми языке

Редактор В.М. Грабежова
Технический редактор, компьютерная верстка – С.И. Оверин

Подписано к печати 25.11.2013. Формат 60x84^{1/16}. Бумага офсетная
Печать офсетная. Усл.печ.л. 8,37. Уч.-изд.л. 7,00. Тираж 340 экз.
Заказ № 7167

ООО «Анбур». 167982, г. Сыктывкар, ул. К.Маркса, 229

Отпечатано с готового оригинал-макета в полном соответствии с качеством
предоставленных материалов в ООО «Коми республиканская типография»
167982, г.Сыктывкар, ул.В.Савина, 81. Тел. (8212) 28-46-71, 28-46-61

ISBN 978-5-91669-122-1



9 785916 691221

АНБУА

Сыктывкар
2013